

UNIVERSITY OF EDUCATION, WINNEBA

Akanfo gyedzi a }fa owu na eyiy{ ho, ahenyi mu amandze, nsunsuando na daakye

nsakyermu



MASTER OF PHILOSOPHY

2020

UNIVERSITY OF EDUCATION, WINNEBA

AKANFO GYEDZI A }FA OWU NA EYIY{ HO, AHENYI MU AMANDZE, NSUNSUANDO NA

DAAKYE NSAKYERMU



MARY ANNAN

(8180260012)

Nhwehwɛmu dwumadzi a ofi Akan-Nzema, Faculty of Ghanaian Languages Education,
dze kɛma School of Graduate Studies,

nam do ma me nsa aaka abɔdzin krataa
Master of Philosophy
(Ghanaian Language Studies)
ofi University of Education, Winneba.

AY{WOHO, 2020



PAAMUKA

OSUANYI NE PAAMUKA

Emi, Mary Annan, paa mu ka dɛ, dɛm nhwehwɛmu dwumadzi yi yɛ nhwehwɛmu a marankasa medze nsiyɛ yɛɛ. Sɛ medze nɛm a nkorɔfo a mabobo hɔn edzin wɔ dwumadzi yi mu aka to nkyɛn a, nɛm a aka nyinara yɛ marankasa me nsa ano edwuma a Owura Lawrence Bosiwah hwɛɛ mu maa me dɛ ɔhwɛdofo. Obiara nnyɛɛ no mu fa anaa fua bi dɛ ɔdze rekepe abɔdzin wɔ beebiara.

}dabaa

Da

}HW{FO PAAMUKA

Mepaa mu ka dɛ, mara na minyaa adagyer hwɛɛ dwumadzi yi mu, tsentsen no maa ɔkyerɛwfo no yɛɛ nsiesie a ɔfata dɛ mbre Winneba Suapɔn no n'akwankyerɛ a wɔfa do dze tsentsen nhwehwɛmu dwumadzi tse pɛpɛpɛr.

Owura Lawrence Bosiwah (}hwɛfo)

}dabaa

Da

DZINTO

Moto dwumadzi yi dzin dze hyɛ m'awofo PAA KWESI TWIN na Ɔbaapanyin ADWOWA ABAIDUWA a woenya hɔn beebi kɔ, mo wura SAMUEL EKOW OFORI (aka PACIFIC) a oenya ne beebi kɔ, me mba MAAME EKUWA TWIBA na PAPA KODWO ODURO nye enuanom nyina enyimnyam.



ASEDA

Mpanyin de "Ɔkɔbran twa par a wɔma no mbo". Iyi ntsi na murunnnm nwie dwumadzi yi wɔ ber a menndaa hɔn a wɔboaa me wɔ nhwehwɛmu yi ho ase no. Hɔn na wɔgyee me taataa na wɔdze hɔn nyimdzee kyereɛ me kwan a ɔwɔ de mefa do. Twerampon Nyankopɔn na ɔfata me ndaase a odzi kan wɔ No nhwedo pa na No bambɔ wɔ m'adzesua mu wɔ sunsum nye honam mu ahoɔzen a Ɔdze maa me wɔ ber a motɔɔ dɔnsuar no, ma mutumii dzii dwuma yi.

Ndaase a otsia ebien kɔ ma Owura Lawrence Bosiwah a ɔye me kyerekyerɛnyi a ɔwɔ Winneba Suapɔn mu a ɔhwɛ dwumadzi no mu na ɔtsentseen mfom biara a meyeɛ wɔ mu no. Mo werɛ rimmfir Ɔbemfo Charles Owu- Ewie, Dɔkta Kwesi Adomako, Dɔkta Regina Caesar na akyerɛkyerɛfo nyinara a wɔwɔ (Faculty of Ghanian Languages Education, Ajumako Campus) a wɔyɛ me mboa wɔ m'adzesua mu.

Afei medze ndaase a onnyi kasu ma AHMFO na EBUSUA MPANYIMFO a minyaa mboa fii hɔn hɔ wɔ mo dwumadzi yi ne nhwehwɛmu ho Hɔn na wonyaa adagyɛ, etuhoakyɛ sunsum na akoma pa dze kyerekyere me dza ɔwɔ dwumadzi yi mu nyinara, sɛ meka de morobobɔ hɔn edzin nkorkor a murunnwie ara da. Mpanyimfo de, "Siw na kegyaa nnyi aseda " Otumfo Nyankopɔn nhyira hom nyinara.

Bio meda enyimdzefo a wɔakyerɛw mbuukuu a ɔfa dwumadzi yi ho no ase pii wɔ mboa a minyaa fii hɔn mbuukuu no mu no ho. Ankorankor biara a ɔboaa me wɔ kwan soronko do no so ronnhwer me ndaase wɔ ne mpaabɔ na no nkuranhyesɛm a

ɔdze piaa me wɔ m'adzesua mu. Ne tsitsir nye me maame Martha Acquah, na mo wura Samuel Ekow Ofori (aka PACIFIC) a]aka beebi no. Medze ndaase kɛse ma hɔn. Mpanyin de, "Nyimpa ye adze a, ɔse ayeyi" Dem ntsi medze }domankoma Nyankopɔn a }ye Ahen-mu-hen a }hwɛ h[n nyinara do no da obiara ase pii.

DZA }W} MU

}fa

krataafa

Paamuka	iii
Dzinto	iv
Aseda	v
Dza]w] mu	vi
Mfonyin Ahorow	xi
Pon Ahorow	xii
Nh[nmu	xiii
TSIR KOR: NYIENYIM	14
1.0 Nyienyim	14
1.1 Nhwehwɛmu yi ne Ngyinado	2
1.2 Nhwehwɛmu yi no ho Haw	4
1.3 Nhwehwɛmu No Botae	5
1.4 Nhwehwɛmu yi ho nsembsia	5
1.5 Nhwehwɛmu No Ho Mfaso	6
1.6 Nhwehwɛmu yi ho Akwansidze	7
1.7 Bea anhwehwɛmu no kɛpem	9
1.8 Nhwehwɛmu No Nyinara Ne Nhyehyɛ	9

1.9 }fa yi no tɔwbɔ	10
}FA EBIEEN: DZA EDZIKAMFO BINOM AKYER{W	11
2.0 Nyienyim	11
2.1 Akanfo h]n Abakɔsem	11
2.2 Amambra na Amandze	13
2.3 Owu	15
2.3.1 Abrabɔ mu Akwantu	18
2.3.2 Awoo na Abadzinto	19
2.3.3 Brayɛ na Bragor	23
2.3.4 Awar	27
2.4 Ndzɛmba a]dze Owu Ba	28
2.4.1 Owu Ahorow	30
2.5 Akanfo Eyiye	32
2.5.1 Kwan a Akanfo fa do yɛ owupa ho eyi	33
2.5.2 Amandze Ahorow a Akanfo Yɛ Wɔ Owupa Ho	34
2.5.3 Ndabu wɔ eyiye mu	39
2.5.4 Kwan a Akanfo fa do yɛ ɔtofo n'eyi	42
2.6 }hen N'asɛdze	42
2.6.1 }hen No Dwumadzi	44
2.6.2 Ahemfo Eyiye	45
2.6.3 }hen N'esiedze	48
2.6.4 }hen n'eyiye mu amandze	51
2.8 Gyedzi a Akanfo wɔ fa Owu na Ahenyi Ho	53
2.9 Adwenmusem a Dɛm Nhwehwɛmu Yi Gyina Do	54

2.9.1 'SPEAKING THEORY' no ne Nkyerεkyerεmu	55
2.9.2 Siantsir a medze }KASA TI}RI (SPEAKING THEORY) yi dzii dwuma	60
2.10 }fa yi T]fab]	60
}FA EBIASA: }KWAN A MEFAA DO NYAA NS{M Y{{	
NHWEHW{MU YI	61
3.0 Nyienyim	61
3.1 Nhwehwεmu Yi No Su	62
3.2 Nyimpa a me nye Hɔn Dzii Dwuma wɔ Nhwehwεmu yi mu	63
3.3 }kwan a Mefaa Do Nyaa Nsem Dzii Dwuma Yi	67
3.3.1 Ahwεε	68
3.3.2 Nkɔmbɔtwetwe	69
3.4 }kwan a Mefaa Do Yεε Mpensampensamu No	70
3.5 }fa yi T]fab]	71
}FA ANAN: DWUMADZI YI NYINA HO MP{NSAMP{NSAMU	72
4.0 Nyienyim	72
4.1 Gyedzi Ahorow a Akanfo wɔ fa Owu na Eyiye ho	73
4.1.1 }kra no kɔ Nyame Nkyen	74
4.1.2 Owufo no Kɔtoa N'abrabɔ do wɔ Samanadze	75
4.1.3 Owu yε Awofofor wɔ Sunsum Wiadze anaa Samanadze	77
4.1.4 Ewufo no yε Akɔ-san-ba	79
4.1.5 Iwu a nna asa	80
4.1.6 Owu ka nyimpa n'abrabɔ ho	81
4.1.7 Mbrε dεm gyedzi yi si da edzi wɔ Hymes (1974) Kasa Adwenmusεm no mu	82
4.2 Kwan a Akanfo fa do yε Ahenyi	85

4.2.1 Dɛtseyi	85
4.2.1.1 Mbamee anaa Mɔkyersie	86
4.2.1.2 Ndaawɔtwe ne ndzii	87
4.2.1.3 At]rmuadze a w]y[w] Ahenyi mu	88
4.2.1.4. Ndzɛmba a ahemfo dze kɔ eyi	89
4.2.1.5. Ahensi na Ahensoa	91
4.2.2 Eyipa anaa Sikasa	92
4.2.2.1 Ahoboaboa	93
4.2.2.2 Funguar, Esiedze na Ndedae	94
4.2.2.3 Eyiye	99
4.2.2.4 Ahensie	104
4.2.2.5 Kwesida Eyiye	105
4.2.2.6 Kunaye	107
4.3 Nsunsuando a Ahenyi nya wɔ }mamfo hɔn Asetsena na hɔn Abrabɔ mu	108
4.3.1 Mfaso a ɔmamfo nya fi ahenyi mu	110
4.3.1.1 Egyapadze ne nyae	110
4.3.1.2 }hen fofor nyae	111
4.3.1.3 Amambra nhunii	111
4.3.1.4. Ahenyi boa ma nkabɔmu ba ebusua mu	112
4.3.1.5 }mamfo hu owufo no ne dzibew	112
4.3.1.6 }ye enyimnyamhye	113
4.3.1.7. }dze sika br[adzet]nfo	113
4.3.1.8. }dze foto ba ebusua mu	114
4.3.1.9 Akwantufo ba fie	115

4.3.2 Nsunsuando Bɔn a Ahenyi nya no wɔ }mamfo do	115
4.3.2.1 Tsirtwitwa	115
4.3.2.2 Ahenyi yɛ sikasɛm	116
4.3.2.3 Ahyenyi dze mansotwe ba	116
4.4 Nsakyɛr ahorow a aba Akanfo Ahenyi na Eyiye mu ndɛ mber yi na mbrɛ Ahenyi na Eyiye beyɛ Daakye	117
4.4.1 Nsakyɛr ahorow a aba Akanfo Ahenyi na Eyiye mu ndɛ mber yi	117
4.4.1.1 Atamtwa na Ntartwa	118
4.4.1.2. Edzibannoa asorɔtow	119
4.4.1.3 Dawurbɔ wɔ kasafir do	122
4.4.1.4 Agor ahorow a wɔkɛhae	122
4.4.1.5 Mɔkyɛrsie	122
4.4.1.6 Sentwa	123
4.4.2 Mbrɛ Ahenyi na Eyiye beyɛ Daakye	124
4.5 }fa yi no T]fab]	125
}FA A OTSIA ENUM: EWIEI: T}WB} NA ADWENKYER{	127
5.0 Nyienyim	127
5.1 Nhwɛhwɛmu Dwumadzi no Nyinara no Tɔwbɔ	127
5.2 Dza ɔdaa edzi wɔ nhwɛhwɛmu dwumadzi yi mu	128
5.3 Adwenkyɛrɛ na nsusui	131
5.4 Tɔwbɔ	133
NWOMA A MINYAA MU MBOA	133
NKEKAHO A: DWUMADZI YI HO NSEMBISA	136
NKEKAHO B: AHENYI ASE MFONYIN AHOROW MU BI	137



1: }hen a w]adede no	88
2: }hen a w]adede no atsena apakan mu	89
3: Ahemfo na Ahembaa a w]aba]hen eyi ase	93
4: }hen bi na oridzi asaw w]]hemp]n n'eyi ase	95
5: }hen ne yer okunafo a oridzi asaw w] no kun n'eyi ase	100
6: }hen fofor a w]dze no esi }hen a]k] ekuraa anan mu	103
7: Owufo no mfonyin a w]dze twa tam dze y[eyi Memenda	110
8: Owufo no mfonyin a w]dze twa tam dze y[eyi Kwesida	111

9: Mfonyin a w]ay[no 'billboard' do dze rob] nkaa ber a woribedzi ndaaw]twe	112
10: Mfonyin a]w] krataa do a w]dze afam pool ho rob]] nkaa	113



Pon 1: Kasakuw a mepawee na h]n dodow	69
Pon 2: Nkurow nye nyimpa dodow a mepawee	69
Pon 3: Nyimpa no Hɔn Bɔbew	70
Pon 4: Nyimpa a mepaaw h]n no h]n b]bea, h]n su na h]n mfe	71
Pon 5: Dzibewdzifo na h]n dodow	71



NH(NMU

Dem nhwehwemu yi no botae nye de ɔbɔhwe gyedzi ahorow a Akanfo wɔ fa owu na eyiye ho, kwan a Akanfo fa do ye ahenyi, nsunsuando a ahenyi nya wɔ ɔmamfo hɔn asetsena na hɔn abrabɔ mu, na nsakyer ahorow a aba Akanfo ahenyi na eyiye mu nde mber yi, na mbre ahenyi na eyiye beye daakye. Dem nhwehwemu yi gyinaa Hymes (1974) kasa ngyinadosɛm (SPEAKING THEORY) no do dzii dwuma. Nhwehwemu no daa no edzi de, owu ka nyimpa n'abrabɔ ho, na ɔye Akanfo hɔn ntɔyɛɛ de wobegya owufo biara kwan, kwan pa do ama oekopue samanadze asomdwee mu. Bio, nhwehwemu yi daa kwan etsitsir ebien: detseyi na eyipa anaa sikasa edzi. Detseyi mu no, amandze ahorow na ɔkɔ do kɛpem ber a wobeyi ɔhen no esie no. Dem ber no wɔye amandze bi tse de mɔkyersie, ahensi anaa ahensoa, nkaabɔ, ndaawɔtwe ne ndzii na pii a ɔkeka ho. Eyipa anaa sikasa mu so, wɔye amandze bi tse de ndabɔ, funguar, fun ndedae, funksie, na eyiye. Afei, yehun nsunsuando pa na nsunsuando bɔn a eyiye na ahenyi nya no ɔmamfo hɔn abrabɔ na hɔn asetsena mu do. No korakora no, nhwehwemu yi twe adwen si nsakyer a aba nde mber yi eyiye, mbre eyiye na ahenyi beye daakye.



TSIR KOR

NYIENYIM

1.0 Nyienyim

Dɛm ɔfa yi da nhwehwɛmu dwumadzi yi nyina ne nyienyim edzi. Ɔfa yi mu no, mebekyerɛ dwumadzi yi nyina ne ngyinado na mada ɔhaw a ɔnam do kɛfaa dɛm nhwehwɛmu yi bae no edzi. Dɛm ɔfa yi mu ara na mebekyerɛ dwumadzi yi no botae

na nsembisa a medze mibedzi dwuma na mfaso a ɔwɔ dwumadzi yi ho. Ansaana dem ɔfa yi bɔkɔ ewiei no, mebedada bea anaa beebi a nhwehwɛmu dwumadzi yi n'ano kɛpem, akwansidze a mihiyiae na dwumadzi yi ne nyehyɛɛ esiado esiado edzi.

1.1 Nhwehwɛmu yi ne Ngyinado

Nyimpa dasanyi n'abrabɔ yɛ pruw anaa kɔntɔnkrɔn. Sɛ wonyinsɛn abofra a, wɔwo no ba asaase yi do, na wɔto no dzin, na ɔhyɛ ase wea, nantsew begyina ne nan do beyɛ aberantse anaa akataasia. Iyi ekwir no, obegyina ne nan do war na ne nyin ekwir no ofi atseasefo asaase yi do.

Nyimpa dasanyi biara wɔ abrabɔ nkyɛmu ebiasa: n'awoo ber, n'awar ber na no wu da. Dem ɔbra nkyɛkyɛmu yi ma ɔdasanyi biara hu beebi a ofi na beebi a ɔrokɔ (Kearl, 1989; Wiredu, 1992; Baloyi, n.d.; Asuquo, 2011).

Dem ɔbra fapem yi biara na no mu nsem. Sɛ wɔwo nyimpa ma ɔba atseasefo asaase yi do a, odzidzi, ɔnom na ɔda. Mbre oridzidzi na ɔronom na ɔreda nyinara no, nna ne mfe eduosoon a Ɔbɔadze dze maa no no ara na ɔresa no, ɔno ntsi na wɔdze 'ɔdasanyi' ka nyimpa ne dzin ho no. Asekyerɛ nye dɛ, nyimpa a ɔda a nna ne nda resa. Dem nkyerɛasee yi na dzin 'nyimpa' dzi nse. 'Nyimpa' so fi nkasafua '*nyin +pa*' mu, na sɛ yɛka bɔ mu a, na konsonantse ngyegyee /p/ no kɔ n'ekyi dze ne bea-su a ɔyɛ anofamfa no akɛsaa konsonantse /n/ no ma abeyɛ anofamfa hwenmu /m/ ma yeebenya dzin '*nyimpa*' a asekyerɛ nye obi a orinyin no nna ɔrepa.

Mpanyimfo dze ayɛ kasabɛbu bi dɛ, "Ɔbra twa wu". Owu da ho ma ɔdasanyi biara. Owu ayɛ no ho kurutwuwisi a ɔda amansoon nyinara kɔnmu. Onnyim panyin, nnyim

abofra, nnyim banyin, nnyim basia so. Ɔye atwer a ɔbaakofo mmfow. Mbre ɔdasanyi tse biara, obodu ber bi a ɔnye wiadze fɛɛfɛw yi bedzi nkra, na no wu ekyir no, wɔye amandze dze gya no kwan anaa dze kata n'ekyir fɛfɛfɛw de mbre wɔwo abotoaba a wɔye noara.

Kurtz & Boardman (1971:330-3) kyere de se nyimpa wu a, ɔkra a ɔtse no mu a ɔma ɔye nyimpa no dzi kan fi no mu ko Nyankopon nkyen, na ɔka detsetow a wɔdze boɔ no no. Akanfo wɔ gyedzi bi de owu ye akatamando, ɔye amansan nyina hon nua de mbre Kastenbaum (1977) na Wiredu(1992) da no edzi no. Se obi wu a, de mbre medzi kan aka no, wɔye n'eyi dze gya no kwan anaa dze kata n'ekyir (Kearl, 1989). Eyiye ye amambra kwan a Akanfo fa do dze kyere de nyimpa bi betsenaa asaase yi do a orifi ha ako beebi a ofi bae, ɔno ntsi otwar de yegya no kwan fɛfɛfɛw ma okopue honyimnyam mu (Kastenbaum 1977).

Akanman mu no, nnye owu biara na wɔye ho eyi. Owu bi tse de atofowu, fea anaa feba na kukuba nyinara wɔnnye ho eyi. Wosusu dedem owu no nnye owupa, ɔno ntsi onnyi de wɔsosow do ma ɔgye ntaa wɔ ebusua no mu. Ɔsor mbre Akanfo si ye obiara n'enyi. Ɔsor mbre wosi ye ɔkohweaban, abirempɔn/etsitir na ahemfo hon eyi.

Gyedzi a Akanfo wɔ fa owu na eyiye ho no ye dza onnto ka koraa. Mbre owu si fie a, Akanfo ye hon kusum no kyere de wɔwɔ gyedzi bi wɔ mu a otwar de yeye ho nhwehwemu ma ɔye nsendaho a ɔboboa ma nkyirma eehu eyiye ho kusum. Daa daa dwumadzi a ɔko do wɔ eyiye mu no da no edzi de, Akanfo nnye hon eyi nyinara per, dem ntsi nyimpa biara na kwan a wɔfa do ye n'eyi.

Akanfo a wonnyim mbrɛ wosi yɛ ahenyi no nntaa nnyim amandze ahorow a wɔyɛ no eyi mu ber nyinara. Dza wonyim mpo no fa ara yɛ atsesɛm. Nhwɛhwɛmu a mayɛ yi bɛda akwan ahorow a Akanfo fa do yɛ ahemfo eyi edzi. Ɖbɔhwɛ amandze ahorow a ɔko do wɔ ahenyi mu. Nhwɛhwɛmu yi bɔhwɛ ber pɔtsee a wɔyɛ atɔrmuadze anaa amandze ahorow no nna siantsir a wɔyɛ dɛm amandze ahorow yi nyinara.

Ɖno ntsi na dwumadzi yi twe adwen si adwen a Akanfo wɔ fa owu ho na mbrɛ wosi yɛ ahemfo hɔn eyi do no. Ahemfo na ɔman anaa kurow no tum kitsa hɔn. Ne dɛm ntsi wokitsa dzibew a ɔkrɔn ma ɔmamfo dzi hɔn nyi. Ne dɛm ntsi hɔn eyiyɛ yɛ soronko koraa kyɛn obi a ɔnnyɛ ɔhen dze.

1.2 Nhwɛhwɛmu yi no ho Haw

Nhwɛhwɛmu dodowara na enyimdzefo bebereɛ ayɛ afa owu na eyiyɛ ho wɔ wiadze amambra ahorow na Akan amambra ho. Dɛm enyimdzefo yi bi nye Kastenbaum (1977), Kears (1989), Wiredu (1992) na dodowara a wɔkeka ho. Jindra (2010) kyɛɛ mu dɛ eyiyɛ wɔ Ebirbirmu yɛ dza ɔyɛ dansewa koraa ne tsitsir dza ɔfa ahemfo ho no. Wɔkyɛɛ mu dɛ sɛ obi wu a, nna onyia no nnwui ɔno ntsi wodzi kan fura tam tuntum dze si nkrum ka mbɔn dze hwɛ kwan dɛ gyangyambira nyimpa a oewu no bɛsan aba nkwa mu bio a. Ne dɛm ntsi sɛ wɔhwɛ hwɛ na onnyan wɔ dɛtseyi no mu ma odu sikasa no a, wofura tam kɔkɔ (kɔɔgyan) anaa kuntuntunu dze kyɛɛ dɛ afei ennya annyɛ yie dze no ho agye mu. Dɛm nhwɛhwɛmu yi maa enyimdzefo bi tse dɛBrefo (2012) so yɛɛ nhwɛhwɛmu wɔEsuantseman mu faa ahemfo dwumadzi wɔ ndɛ amanyɛsɛm mu ho. Ɖhwɛɛ mbrɛ ahemfo hɔn dwumadzi si tse wɔ amambu na amanyɛ mu.

Fosu (2000) kyere de Sekyerε mpɔtamu hɔ beebi no, eyiye ye adze a wɔnntoto no ase koraa. Osukwadwom a mbaampanyin twa ma owufo no ye dza ɔnntɔ ka koraa. Nsaker a aba Akanfo hɔn eyiye mu so, enyimdzefo bi tse de Fosu (2000), Van der Geest (2006) na dodow a wɔkeka ho ayε ho nhwehwεmu.

Wɔkyerεkyerεε mbrε tsetse eyiye tse na nsaker a aba ndε mber yi mu. Ɔno ntsi sε yεhwε nkyerεkyerεmu ahorow nyina a, yehu de enyimdzefo no mu biara nnyi hɔ a no dwumadzi kasae faa gyedzi a Akanfo wɔ fa eyiye ho na mbrε wosi wɔyε ahemfo hɔn eyi wɔ Akanman mu so ho. Ɔno ntsi na mafa ato moho do dεmεbeyε nhwehwεmu afa gyedzi a Akanfo wɔfa eyiye ho na mahwεmbrε wosi ye hɔn ahemfo hɔn eyi so. Iyi bɔboa ma Akan kusum amambra na amandze aahye ma na aboa ma nkyirmba eehu nsaker a aba eyiye mu fi tsetse dze besi ndε.

1.3 Nhwehwεmu No Botae

Nhwehwεmu dwumadzi yi no botae tsitsir papaapa nye de,

- i. }bɔhwεhwε gyedzi a Akanfo wɔ fa owu na eyiye ho.
- ii. }bεkyerεkyerekwan a mbrε(amandze/kusum) Akanfo si ye ahemfo hɔn eyi.
- iii. }bεkyerεkyerε nsunsuando a ahenyi nya wɔɔmamfo hɔn asetsena na hɔn abrabɔ mu do.
- iv. }bεkyerεkyerε nsaker a aba eyiye na mbrε eyiye na ahenyi beyε daakye mu.

1.4 Nhwehwεmu yi ho nsεmbsia

Menam nsεmbisa a ɔka do yi do na meyεε nhwehwεmu yi;

- i. Gyedzi bɛn na Akanfo wɔ fa owu na eyiyɛ ho?
- ii. Kwan bɛn do na Akanfo fa do yɛ ahenyi?
- iii. Nsunsuando bɛn na ahenyi nya no wɔ ɔmamfo hɔn asetsena na hɔn abrabɔ mu do?
- iv. Nsakyɛr bɛn na aba eyiyɛ mu ndɛ mber yi na kwan bɛn do na eyiyɛ bɛyɛ daakye?

1.5 Nhwɛhwɛmu No Ho Mfaso

Nhwɛhwɛmu yi kasa fa mbrɛ Akanfo si yɛ ahenyi ho. Odzi kan, nhwɛhwɛmu yi bɛyɛ mfasodze ama Akanfo mbabun ma woɛhu mbrɛ wosi yɛ ahenyi wɔ wɔn man anaa kurow mu. Siantsir nye dɛ, amambra wɔ hɔ yi, wɔnntow nnkyɛn na bio, sɛ wo wɛrɛ fir wo kuromhɛn n'abɛn so a, eyew wɔ eguabɔ ase. Ɔno ntsi dwumadzi yi bɔbɔa ahyc kusum na amambra ma.

Nhwɛhwɛmu dwumadzi yi bɛma hɔn a hɔn enyi gye Akan kusum amandze na amambra ho no eɛhu mbrɛAkanfo si yɛ ahenyi na gyedzi a wɔwɔ taa ekwir. Bio, ɔbɔbɔa ma woɛhu gyedzi ahorow a Akanfo wɔ fa owu na eyiyɛ ho.

Dza ɔbɛda edzi wɔ nhwɛhwɛmu dwumadzi yi mu no bɔbɔa kasasuafo, akyerɛkyerɛfo na enyimdzefo ahorow a wodzi bano wɔ Akan amambra adzesua mu no. Dwumadzi yi bɔbɔa ma enyimdzefo atɔ akɔ do ayɛ nhwɛhwɛmu wɔ kasakuw nkaa no mu dze ehu nsakyɛr na kwan a wɔfa do yɛyɛi tsetse na ndɛ mber yi nyinara.

Nhwɛhwɛmu dwumadzi yi bɛsan aboa nhwɛhwɛmuyɛfo a wɔpɛ dɛ wɔyɛ nhwɛhwɛmu fa owu no nkorbatɔ no bi ho ma woɛnya ngyinadɔ. Ɔbɔbɔa ma

woenya nwoma aka dza ɔwɔ hɔ dada no ho ma aye hɔn akyerɛkyerekwan ma hɔn dwumadzi no ewie mudzi.

No korakora no, nyimpa biara dzi dwuma a, ɔdze to hɔ ma daakye. Mpanyin dɛ, "Daakye ntsi na yɛbɔ nkuku". Ɔno ntsi dwumadzi yi bɛyɛ fasusu dze ama nkyiramba ma woehu nsakyer ahorow a aba eyi mu, gyedzi ahorow a ɔtaa eyiyɛ ekwir na kwan a wɔfa do ye ahenyi wɔ Akanman mu. Ɔno ntsi sɛ wɔpɛ dɛ wɔyɛ biribi dɛm a, wɔnnkɔfona koraa. Wobenya nwoma a ɔbɛgye hɔn taataa afa kusum na amandze a ɔfa owu na eyiyɛ ho.

1.6 Nhwɛhwɛmu yi ho Akwansidze

Akwansidze pii na hɔn a wɔyɛ nhwɛhwɛmu hyia wɔ hɔn dwumadzi mu. Ntsi na hɛn mpanyimfo aye no abɛbu dɛ, 'Sɛ epɛ adze ne yiyɛ a, eberɛ' no. Mo dwumadzi yi mu no, mihyiaa akwambew pii. Akwansidze a mihyiaa no bi na ɔka do yi;

Akwantu mu ɔhaw. Ɔnam dɛ menntse bea a nhwɛhwɛmu yi kɔr do no ntsi, nna dabaa otwar dɛ mitsia hɛn twa kwan keyɛ nhwɛhwɛmu. Ɔtɔfabi a hɛn a medze bɔkɔ mpo, nna akɛyɛ asem. Nkurow a meyeɛ nhwɛhwɛmu yi wɔ hɔ no mu dodowara wɔ hɔ a, ahɛn nnkɔ hɔ. Ɔno ntsi gyede menantsew kɔ hɔ. Akɔnaba a midzii dze ka nantsew na ahɛn mu atsenatsena maa meberɛ papaapa wɔ dwumadzi yi mu. Naaso sɛ nna mohwɛ hia a dɛm dwumadzi yi hia na mo hwɛdofo no nkuranhyɛ a ɔdze ma me ofi ber to ber no a, misii mo bo dɛ meberɛ dɛm nhwɛhwɛmu yi akɛpem ewiei.

Nkorɔfo a menye hɔn dzii dwuma no. Nkorɔfo binom a menye hɔn twetwee mo dwumadzi yi noho nkɔmbɔ no mu binom ennya ɔpɛ dɛ wobɔboa me osiandɛ wonnyi adagyer nna binom so mpo nnyɛɛ krado dɛ wobɔboa me. Iyi nyinara maa mo dwumadzi yi ne yɛ kɛyɛɛ dzen. Nkorɔfo binom a wɔhyɛ me da na ber dɛ monkɔ hɔn hɔ mpo no, mobɔkɔ hɔ no nna wonnyi hɔ. Iyi so maa meberɛɛ na mekyɛɛr kakra wɔ mo nhwehwɛmu no ho.

Mbersɛɛ: Osiandɛ dwumadzi a ɔtse dɛm yi gye ber papaapa ntsi ansaana obi botum ayɛ nhwehwɛmu ma eedzi mu no, ɔyɛ adze a ohia dɛ onyia no gyaa no ndwuma ahorow binom a ɔyɛ no dabaa no mu bi mu. Mber a otwa dɛ medze kɔ adzesuabea kɛkyerɛ/kosua adze no nna medze nenam reyɛ nhwehwɛmu. Ɔtɔfabi mpo a nna ber a nkorɔfo bi dze ahyɛ me dɛ memfa nhyia hɔn no nye m'adzekyerɛ/m'adzesua mber ekehya. Ɔba no dɛm a, nna otwar dɛ motow adzesua mu na mikehya nyimpa no dze gye nyiano na nkyerɛkyerɛmu a wɔfa nhwehwɛmu a mereyɛ no ho.

Bio, nkandzea edundum edundum yɛ adze a ɔhaaw mo wɔ mo dwumadzi ne yɛ mu papaapa. Enyina nkandzea yɛ adze a onngyina do koraa wɔ mo kurom. Iyi haaw me yie ma dabi me nsɛm a mitsintsiim no wɔ mo kɔmpiwta do nyinara yewee ber a woduum kandzea no.

Afei, akwambew kor so a mihyiae nye dɛ, minnyim kɔmpiwta mu, ɔno ntsi sɛ mekyerɛw mo dwumadzi yi gu krataa do na medze kɔ dɛ wɔntaepo mma me a, nyimpa a ɔyɛ no tum yɛ mfomdo araa ma obu do. Ɔno ntsi sɛ metsena hɔ dɛ mereyɛ nsiesie a, na fona aba. Ne nyinara mu no, mammpa abaw.

1.7 Bea anhwewemu no kɛpem

Dɛm nhwewemu dwumadzi yi hw[gyedzi a Akanfo wɔ fa owu na eyiyɛ na kwan a wɔfa do yɛ ahenyi ho. Mber ntsi, nhwehw[mu no k]r do w] Mfantse nkurow bi tse d[Egyirkrom, Odomase, Egyaa No. 1, Esuantse nkurow tse d[Asante Kaase na Asante K]k]ben, nye Ekuapem nkurow bi tse d[Aburi na Akuapem Mampong.

1.8 Nhwewemu No Nyinara Ne Nhyehyɛɛ

Adze wɔyɛ no n'ano n'ano ntsi dɛm nhwewemu yi wɔnkyekyemu ahorow enum. Ɔfa a odzi kan no kasa fa nhwewemu dwumadzi yi nyinara ne nyienyim ho. Ɔkasa fa nhwewemu yi ne ngyinado, no ho haw, no botae, no ho nsembisa, no ho mfaso, no ho akwansiwdze na bea a nhwewemu no kɛpem to gua. Afei]san da nhwewemu no nhyehyɛɛ na ɔfa yi no tɔfabɔ edzi.

Ɔfa a ɔtɔ do ebien no kasa fa nsem ahorow a enyimdzefo bi edzi kan aka afa owu na eyiyɛ ho na twaka a ɔnye mo dwumadzi yi wɔ ho. Ɔfa yi mu no, mohwɛɛ nsem bi tse dɛ amambra na amandze, owu, ndzɛmba a ɔdze owu ba, kwan a Akanfo fa do yɛ owupa na atɔfowu ho eyi, ndabu wɔ eyiyɛ mu, ahemfo ayiyɛ na no mu atɔrmuadze, ɔhen n'asodzii na no dwumadzi na gyedzi a ɔtaa ahenyi ekwir.

Ɔfa a otsia ebiasa no kasa fa kwan a mefaa do yɛɛ nhwewemu yi ho. Iyi mu no, mohwɛɛ nsem bi tse dɛ nhwewemu dwumadzi yi no su, nyimpa a menye hɔn dzii dwuma, kwan a mefaa do nyaa nsem dzii dwuma no na kwan a mefaa do yɛɛ me mpensampensamu no maa dwumadzi yi wiee mudzi.

Ɔfa a otsia anan no kasa fa nhwehwɛmu no nyinara ne mpɛnsampɛnsamu ho. Ɔbɛkyerekyerɛ nsembisa a ɔtɔɔ gua no nyina mu na eyiyi ano yie ma dwumadzi yi mu aada hɔ frenkyemm.

Ɔfa a otsia enum no yɛ dwumadzi yi nyina no tɔwbɔ, adwenkyerɛ na ewiei.

1.9 Ɔfa yi no tɔwbɔ

Dɛm ɔfa yi, mahwɛ dwumadzi yi ne ngyinado na mada ɔhaw a ɔnam do kɛfaa dɛm nhwehwɛmu yi bae no edzi. Makyerɛ dwumadzi yi no botae na nsembisa a medze bedzi dwuma na mfaso a ɔwɔ dwumadzi yi ho nyinara. Mesanee daa bea anaa beebi a nhwehwɛmu dwumadzi yi n'ano kɛpem, akwansidze a mihyiae na dwumadzi yi ne nhyehyɛɛ esiado esiado edzi.



ƆFA EBIEN

DZA EDZIKAMFO BINOM AKYERƆW

2.0 Nyienyim

Ɔfa yi hwehwɛ dɛ ɔbɛma akenkamfo ehu dza edzikamfo aka afa Akanfo amambra ho. Ɔsan hwɛ dwuma a edzikamfo a wɔtse dɛm no edzi wɔ nyimpa n'abrabɔ akwantu mu, amambra tse dɛ abadzinto, awar, eyiyɛ, na owu ekyir abrabɔ ho. Ɔfa yi wɔw do ara kyere dwuma a edzikamfo edzi afa Akan ahensi so ho.

2.1 Akanfo h]n Abakɔsem

Abakɔsem kyere hɛn dɛ nna Akanfo fora nyimpakuw bi a wɔfrɛ hɔn 'KWA' no ho. Nna nkyɛ wɔtsetse Ebibirmu naaso etutsena anaa batatu na ɔmaa wobopuee ndɛ mber Ghanaman yi mu na wɔbɛtsenaa bea a ndɛ yehu hɔn yi. Dɛm nyimpakuw yi yɛ ahorow ebiasa. Hɔn nye Akanfo, Ga-Adangbefo na Anwonafo. Guanfo na wodzii kan wɔ Sikambew do ha. Akanfo, Ga-Adangbefo na Anwonafo nyinara botoo Guanfo wɔ ɔman yi mu. Nyimpakuw a wodzidzi do yi na wɔyɛ Akanfo; Adansefo, Ahantafo, Akuapemfo, Akyemfo, Akwamufo, Asenfo, Bonofu, Denkyirafu, Esuantsefo, Kwawufo, Mfantsefo, Wassafu na adze.

Nwomanyimfo pii ayɛ nhwehwemu dze ato gua dɛ Akanfo nye nyimpa a wɔdɔɔso wɔ Ghanaman mu. Sɛ yɛhwɛ mfe mpem ebien na du (2010) nyimpakan ho nkontaabu a, ɔkyerɛ dɛ Akanfo dodow yɛ ɔha nkyɛmu eduanan esuon na ekyirpɔw enum (47.5%) (GSS, 2012) na sɛ yɛhwɛ dza “World Bank Report on Education in Sub-saharan Africa, 1988” dze too gua do. Ɔkyerɛ dɛ hɔn a wɔka Akan kasa no so yɛ ɔha mu nkyɛmu eduanan (40%). Iyi ma yehu dɛ Akanfo yɛ nyimpakuw a wɔdɔɔso wɔ Ghanaman mu (Agyekum, 2006).

Akanfo yɛ nyimpakuw a wodzi akotsen papaapa wɔ Ebibiman Atɔɛ afamu abakɔsem mu. Ndɛ Akanfo hɔn a dodow bor ɔpɛpɛm eduonu no ama wɔaayɛ nyimpakuw a wɔdɔɔso wɔ Ebibiman Atɔɛ afamu. Akanfo ka ‘KWA’ kasa a ɔyɛ Niger-Congo kasakuw kɛsɛ ne fa bi. Akanfo hɔn dodowara ka ‘KWA’ kasa (Shino, 1997).

Dɛm ‘KWA’ kasa yi yɛ dza yɛgyedzi dɛ ne farbaa bi fi Ebibiman n’ɛpuei na finimfin afamu ansaana wɔrobɔ asɛsɛ. Nyimpakuw a wɔfrɛ hɔn Akanfo yi tum fii ‘Sahel’ bɛtsɛnaa Ebibiman atɔɛ mpoano. Bonoman nam Akanfo do na obetsimii wɔ mfe ɔha duebien mu. Bonoman yi nna ɔyɛ kurow bi a guadzi kɔ do a ɔda Akanfo na nkorɔfo a woetwa hɔnho ehyia ne tsitsir ‘Djenna’ ntamu.

Ɔnam nsakyɛr ahorow a ɔbaa Bonoman man no mu ntsi, Akanfo ekuwekuw binom fii hɔ kɛkyekyer nkurow wɔ mbea bi a wotu famu egudze na wɔyɛ kwadwuma. Michelle (2019) so kyɛrɛ dɛ, Akanfo yɛ nyimpakuw a wɔtse Anaafɔ na Finimfin afamu wɔ Ghana na Anaafɔ Atɔɛ afamu wɔ Ivory Coast. Wɔbɔ mu yɛ nkorɔfo soronko na hɔn nyinara ka Twi kasa a ɔwɔ kasa ahorow pii wɔ mu.

2.2 Amambra na Amandze

Yenam nkasafua nkabomu do na yenya kasafua "amambra" na "amandze". Yenya amambra fi nkasafua "oman + mbra" mu, nna yenya amandze so fi nkasafua "oman + adze" mu. Iyi ntsi yebotum akyerɛ mu sin dɛ amambra yɛ mbra a akyerɛ oman pɔtsee bi, dɛ bi a, awar, eyiyɛ, dzinto na dza akɛka ho. Ɔyɛ mbra anaa nhyɛ ma Ɔkannyiba biara dɛ sɛ onyin du ber bi a, akɔwar na akɔwo ba ato no dzin, na sɛ onyin na owu so a, woyɛ n'enyi dze gya no kwan ma akɔ samanadze asomdee mu. Ɔkannyiba biara nnkotum ekwetsir dem amambra yi.

Nyimpa a obobu n'enyi egu do no, amamfo no bu no dɛ onnye nyimpa papa na nkyii so ammbɔ bra biara. Amandze no kyere ndzeyɛ anaa atormuadze a woyɛ no wo amambra mu. Dɛ bi a sɛ obi rowar dem a, onyia no yɛ akɔba no ho adze, tua ne tsinsa, tua akontansika, akɔdotowa, tamboba na dodowara a akɛka ho. Dem ndzeyɛ ahorow a akɔwo amambra mu no na akɔ amandze no. Ono so kyere dɛ nyimpakuw a akɔwo oman pɔtsee bi mu no fa kwan pa a hon amambra no kyere hon no do na wadze akɔ hon daa daa bra. Enyimdzefo beberee na akyerɛ hon adwen afa amambra n'asekyere ho.

Amambra yɛ kwan a nyimpakuw bi fa do akɔ hon bra. Akyerɛ mbrɛ wosi kasa, yɛ hon edziban, si hon dan, yɛ hon ndzeyɛ, gor hon ayer, yɛ hon edwindzi na dodowara a akɛka ho (Odoom, 2013). Asuquo (2011) kyere dɛ amambra yɛ ntsetsee na suban a akɔ nyimpakuw bi akɔ mu ma woyɛ kor. Akyerɛ mu bio dɛ, amambra kyekyer amamba biara. Ono na akɔ mbra a odzi kan a Ɔkannyi biara nya ansaana oebenya ne man mbra so aka ho.

Adizie (1993) so kyere de amambra ye kwan a ofi mbre nyimpakuw bi a wowa sonmu si dze ndzeyee na nyehyee pa gu akwan mu a oboa hon ma wotum gyina]haw biara a oba hon asetsena mu ano.}boa hon so ma wotum nya dza wohia na wodu hon botae ahorow nyinara so ho. Amambra dze opepa, adwen pa na nyimpakuw bi hon ehiadze na odze dzi dwuma. Odze nyimpakuw bi hon su potsee to gua na oyi hon kyere de woye kuw soronko.

Amambra wo nsunsuando a oye dzen na tum wo mu wo nyimpakuw a wodze dzi dwuma no hon do. Amambra boa adwen, ope, dwumadzi na kwan a yefa do bo bra. Nyimpakuw biara wohon amambra a wonndzi ho agor koraa. Amambra biara so wo n'ahyensewdze, afahye, ntsetsee, nyehyee, enyidoadzehu, gyedzi, botae, su, nyankomadze, kasa, ekyiwadze na atsetsesem. Iyinom na woka bo mu ma amambra ye adze soronko na no ho ye na so. Amambra a nyimpakuw bi dze dzi dwuma no nye hon mpontu ne ngyinado.

Amambra ye ndzeyee na nkitahodzi potsee, adwempow na ntseasee a wotum sua fi nyimpa nkitahodzi mu. Yebotum so ahwe no de, oye kwan a nyimpakuw bi hon ndzeyee a oda hon nsew no tu hon daa daa dwumadzi soronko bi mpon. Osom, edziban, afadze, mbre yesi hy[fa, hen kasa, awar, ayer, hen gyedzi a yegye to mu de oye na dza omuo nyinara; mbre yesi tsena ase dzidzi, mbre yesi kyia ahoho, mbre yesi nye hen adfo dzi nkitaho na ndzamba pii a okekaho nyinara ka amambra ho (Odoom, 2011).

Odoom (2013) kyere mu de amambra kyere mbre nyimpakuw bi hon abrabo nyinara tse. Mbre wosi ye hon ndzamba, mbre wosi hu abodze nye abae for kwan a wofa do

nya hɔn ehiadze, hɔn nyehyɛɛ a ɔkyerɛ hɔn ndzeyɛɛ. Mutwa no sin a, mbre nyimpakuw bi si hu wiadze na hɔn abrabɔ. Odoom (ibid) kyere mu bio de amambra ye nyimpakuw bi hɔn ndzeyɛɛ a ɔda edzi wɔ hɔn adwen nye kasa, edwindzi na kwan a wɔfa do sua adze na wɔdandan nyimdzee ma nkyirma.


Dem soronkoyɛ a ɔda edzi wɔ amambra mu no na yɛfrɛ no amandze no. Amambra nyinara ye kor na mbom ɔsor mbre nyimpakuw biara ye n'amandze anaa atɔrmuadze. Binom dze ye per naaso sorbisorbi pii wowɔ mu. Odoom (2013) kyere de amambra mu na yɛnya amandze fi. ɔkyerɛ mu de sɛ yɛfa amambra bi tse de eyiyɛ dem yi a, yɛwɔ amandze bi tse de detseyi, funguar, esiedze, mbɔwerɛbubu, ndedae, adakato, nsagu, edzibanyɛ na dodowara a ɔkeka ho. Dem nkyerɛkyerɛmu ahorow yi da no edzi ma yehu de amandze gyina amambra do na osiande dwumadzi yi ye amambra san so ye amandze ntsi, otwar de yeka ho asem ma yehu twaka a ɔda hɔn ntamu.

2.3 Owu

Akanfo gye dzi de abrabɔ ye kɔntɔnkrɔn anaa pruw a onnyi ewiei. Sɛ wɔwo nyimpa dasanyi aɔyɛ ber a abrabɔ ahyɛ ase. Sɛ ɔyɛ ɔbaa na odu ne mpanyin mfe do a, wɔgor no bra na ofi ne mbafobermu kɔ mpanyinyɛ mu. ɔtoa n'abrabɔ do war, wo, ye edwuma biara a obotum ayɛ dze aboa n'ebusua kɛpem de ɔdomankoma wu bɔto nsa afrɛ no.

Dem ɔbra pruw no na ɔka do yi:

Awoo



Owu

Mpanyin mfe do

Owu ye atwer a nyimpa dasanyi biara runntum nnkwetsir da wɔ n'abrabɔ mu gyedɛ bi a gyedzi bi bata ho. Ɖye kwan a otwar dɛ ɔdasanyi biara tu na ɔnam do ma onyia no akɔtoa n'abrabɔ do wɔ samandze. Ramose (2002a), Bujo (1998) na King (2013) dze to gua dɛ, sɛ nyimpa wu a, nna ɔnnye n'ewiei nye no, na mbom ɔye sunsum kɔtoa n'abrabɔ do wɔ Samandze.

Hacket (1989) dze foa do pintsinn dɛ Efikgo a wɔwɔ Calabar wɔ gyedzi a ɔtse dɛm fa owu ho. Owu kontonkronhwi a ɔda amansan nyinara kɔnmu. Akanfo nyim dɛ samandze nye ɔman a wɔmmfa enyikan (nyimpa a ɔwɔ nkwa na honam tsebea mu) nnkɔpue hɔ. Ɖye bea bi a nnkotum asan w'ekyir aba bio. Akanfo wɔ gyedzi bi dɛ, samandze hɔ no na hɛn nananom nyinara wɔɔno ntsi sɛ obi pɛ dɛ ɔkɔ hɔ a, gyedɛ onyia no wu ansaana oetum edu hɔ.

Odoom (2013) kyere dɛ sɛ obi wu a, "Akanfo gyedzi dɛ onyia no etu kwan tsentsenntsen naaso ber kor noara mu no wɔgye dzi dɛ ɔbɛn hɔn. Ne dɛm ntsi Akanfo fa mpaayi anaa nsagu na amandze ahorow do dze hɔn adzeserɛdze to hɔn enyim ma wɔye ma hɔn. Ne dɛm ntsi ɔye nhye ketsee wɔ ebusua biara mu dɛ, sɛ obi bɔ fa anaa

twā n'enyi hwē ban a, wōyē amambra a ɔsom bo na ɔyē fēw dze gya no kwan ma okopue n'agyanom na ne nanom enyim wɔ asomdwee na enyigye mu".

Mbiti (1975) kyere owu ase dē ɔyē kwan a oyi nyimpa fi *sasa* (tsebea a nkwa) mu kɔsāmandze (tsebea a nkwa nnyi) mu. Ɔtoa do kyere mu dē owu gyina hɔ ma hɔn a yedze hɛn enyiwa hu hɔn (atseasefo) na hɔn a yemmfa hɛn enyiwa nnhu hɔn (esunsum) ntamu. Ɔkyere mu dē, sē obi wu a, ɔnnyē prēkopēr na ɔyew fi wiadze yi do na mbom ɔkɔ do ara tsena wiadze anaa asaase yi do mber kakra ma hɔn a wōnye no atsena pēn, ebusuafo, adɔfo na anyenkofɔ kaa no wɔ tsebea nyinara mu. Wɔkaa ne dzin a nna wɔdze frē no no naaso nnyē aber nyina na wɔbɔ.

Wɔkaa ne nyimpasu, no suban binom a ɔdaa no edzi ber a nna ɔtse ase, ne nsem binom a ɔkae ne tsitsir dza ɔyē afotusem na dza ɔyē paserew na ehyiakwa bi a osisii wɔ n'abrabɔ mu. Akanfo gye dzi dē sē obi nyin na owu a, otum san ba wiadze yi do ma wɔwo no bio. Yoruba kasa mu no, Mbiti (1975) kyere dē dzin 'Babatunde' asekyere nye dē 'egya asan aba bio'. Dēm gyedzi yi, dēmara na ɔtse wɔ Akanman mu ha. Akanfo tum to dzin bi tse dē 'Ababio' ber a wɔgye dzi dē obusuanyi ewu dada na ɔasan aba ma wɔawo no bio.

Odoom (2013:135) kyere owu ase dē, ɔyē ber a ɔkra no na nyimpadua no dzi ntsetsewmu. Odoom (ibid) kyere mu dē ɔnnyē adze a nyimpa dasanyi biara dze n'enyiwa konkorrann bohu ɔkra a ɔtse nyimpadua no mu da. Mbrē Onyankopɔn dze dētse bɔɔ nyimpa, hoom nkwa sunsum guu no mu ma ɔbeyē ɔkra tseasefo no, dēm pēpēpēr na sē nyimpa ruwu a, ɔkra no fi no mu ma dza ɔyē dētse no kɔ beebi a ofi

bae. Iyi ntsi na se onyimpa wu a, okra no na nyimpadua no nntum nnko beebi fakor no.

Akanfo gye dzi de owu gu mu ahorow ebien. Ntsi se nyimpa biara bowu a, nna onam dem akwan ebien yi do. Ono nye de obotum edua yarba do ewu. Iyi nye de nyimpa no ayar ada ho ma onam do dze ewu. Akanfo fre dem owu yi owupa, osiande wogye dzi de oye mbusu de obi bodua akwanhyia do ewu na se onyia no wu ne yarba mu dze a nna kwan papa na ofaa do no. Bio, nyimpa botum edua akwanhyia do ewu. Iyi nye dza Akanfo fre no atofowu no. Ono nye de nyimpa binom tum nam akwanhyia do wu, binom ku honho anaa hye honho akomfo; nsu fa hon; gya hyew hon, na dodowara a okeka ho.

2.3.1 Abrabo mu Akwantu

Abrabo mu akwantu ye nyehyee kwan soronko bi a Bɔadze noara nam ne nyansa do ahyehye ato ho de nyimpa biara befa mu wo n'abrabo mu. Dem nyehyee kwan soronko yi nye; awow, braye, awar, owu na owu ekyir abrabo. Iyinom nyinara ye nsakyer kwan a nyimpa fa mu wo n'abrabo mu.

Akanfo wo gyedzi wo dem nsakyer a oba nyimpa n'abrabo mu no mu. Iyi ntsi wɔahwe ahyehye hon amambra no wo dem abrabo mu akwantu yi mu kor biara ho. Abawow ho no Akanfo wo abadzinto amambra a woye no mu amandze dze to abofra a jawo no fofor no dzin.

Braye mu so, Akanfo wo Bragor amambra a woye mu amandze dze pegya basiaba bi ko ne nkataasia mfe mu dze kyere de oaso awar. Akanfo wo amambra a wofa do gye

banyin na basia bi to mu de wɔaso awar. Dem amambra pɔtsee yi nye awar. Afei Akanfo wɔ amambra bi a wɔye no mu amandze dze gya nyimpa a oewu kwan. Wɔfrɛ dem amambra no so eyiye. Iyinom nyina boa da Akanfo amambra na amandze ahorow edzi.

2.3.2 Awoo na Abadzinto

Ansaana basia bi bɔwo no nna gyedɛ oenyinsen ana. Nyinsen ba wɔ ber a basia bi ne bra apa ho anaadɛ ɔannyɛ bra bosoom bi. Yɛtaa ka de ɔafa yafun, noho ayɛ dur, noho adan, bosoom ewia no na dza ɔkeka ho. Dzin kor so a Akanfo taa dze ma dem basia anaa ɔbaa no a onyinsen no nye ɔpemfo. Akanfo gyedzi nye de bɔgya, sunsum na ahom na ɔɔ mu ye nyimpa (Mintah, 1996).

Akanfo kyere de bɔgya no fi basia no mu, sunsum na fi banyin no mu na ahom no fi Nyankopɔn ho. Se ɔbaa na banyin hyia mu ye awardze na ɔbaa nofa yafun a yɛfrɛ no nyinsen. Asɛnkyerɛdze a ɔma yehu de basia bi nyinsen nye de, otwar de ɔbaa a oenya mfe duenum dze rok] biara ye bra anaa obu ne nsa bosoom biara mu. Iyi ntsi se basia bi hyia banyin bi na ne bra pa ho a, na ɔkyere de oenyinsen. Nyinsen ye enyigyesem naaso ɔye a nna adwendwen atɔ kun no do osiand[nyinsen na awoo mu wɔ nsem pii. Bi nye de ɔbaa no tum wu w]n'awoe no mu anaa ɔdze amandzehu pii bre basia no wɔ awoe mu. Tsetse no nna s[ɔbaa nyinsen a enunsifo na wɔtsetsew ndur ama ɔpemfo no kesi d[]b]wo. Nde dze ɔbaa no tum kɔ asopitsi kegye borɔfodur (Bosiwah na Kofuwa, 2009).

Ndur a ɔpemfo no nom no ma no ahoodzen na abofra a ɔhyɛ yafun mu no so no ho ye no dzen. Afei so ɔsan bɔ abofra no ho ban fi nyarba ho. Ɔnam dɛ nyinsen na awoo mu wɔ nsem pii na Akanfo wɔ gyedzi bi dɛ dɛm ɔhaw na amandzehun pii a ɔwɔ awoo mu no tum si wɔ ber a ɔbaa no ammfɔ obu na enyidzi amma no kun no anaa ɔafom no kun no ntsi, sɛ ɔbaa nyinsen a onnyi dɛ ɔyeyaw no kun, onnyi dɛ ɔbaa no ye bɔn biara so tsia no kun no annye dɛm a, ɔdze ɔhaw bɛba no do wɔ n'awoo mu.

Sɛ ɔbaa nyinsen a ɔnnye edwumadzen, wɔma no edziban pa ma odzi nye ndur pa ma ɔnom. Sɛ ɔpemfo no nya bosoom ebiasa a ɔhyɛ ase guar ndur na ɔnom bi so. Sɛ onndzii bosoom ebiasa a ɔnnom nhabandur osiandɛ edur no botum asɛɛ nyinsen no osiand[nna bɔgya no nnyinii (Mintah, 1996; Bosiwah na Kofuwa, 2009). Edur a ɔnom no bi ye abɛdur a ɔdze ye abɛnkwan. Edur a oguarbi nye ndua a woetwitwa anoa nye nhaban. Sɛ ɔbaa nyinsen a, ɔwɔ dɛ odzi edziban pa ama oeenya ahoodzen fofor. Edziban a ɔwɔ dɛ odzi bi nye nkontomire, paya, ekutu, nye mpuwa, ɔkɔtɔ na nwaba.

Sɛ ɔbaa nyinsen a onnyi dɛ ɔye kuna. Ɔtse hɔ a ɔmma obi mmfa n'ekyir. Sɛ ɔtse hɔ na ɔtsen ne nan mu a, onnyi dɛ obi bɔ tra. Onnkotow hɔ nndzidzi. Onnyi dɛ oyi n'efur anaa n'enumfu ho ma obi hu. Ɔmmbɔ ne tam ano pɔw wɔ ber a oefura tam no. Sɛ ɔbaa nyinsen a abosoom akron na ɔwo. Wɔtaa kan abosoom akron no fi ber a ɔbaa no ennu no bɔgya enyim no (Odoom, 2013).

Mbaa binom so wo bosoom akron dze kesi bosoom du anaa dubiako. Ndɛ mber yi dze nnye fie nko na apemfo wo na mbom wotum so wo wɔ asopitsi. Akanfo amandze mu no, sɛ basia no ne ber so dɛ ɔwoo a, ɔkɔ ne maame anaa n'awofo hɔ kɔ wo.

Nyimpa a ɔregye [pemfo no awo w] fie nye ebusuafo no bi nkotsee na wɔkɔ n'awobe a ho. Onnyi de nyimpa hun biara ba awoe ho (Odoom, 2013).

Akanfo wɔ akwan ahorow pii a wɔfa do to mba edzin naaso ne nyinara mu no, wɔnnhye da nnye amandze tsitsir biara wɔ ho gyede ebusuadin. Abadzinto ye amandze bi a Akanfo ye dze kyere de wɔagyɛ abofra no afora atseasefo mu. Se abofra no aba atseasefo mu dze a, nna dza wɔye dze ye ahyensewde wɔ ho nye ne dzin a wɔdze ma no no. Dem dzin yina wɔfre no ebusuadin no. Akanfo wɔ gyedzi bi de asaase a yehu na yetse do yi ye wiadze a yemmfa hen enyi nnhu no ntoado ne dem ntsi onyimpa biara a wɔ asaase a yehu yi do no wɔ awofo bi a wɔwɔ asaase a yemmfa hen enyi nnhu no do (Mintah, 1996).

Dem ntsi Akanfo nnto mba edzin gyede oedzi ndaawɔtwe ansaana. Dem aber no na wɔka de woeyi no efi tan mu anaa woeyi no efi atantandze mu. Wɔpra abofra no n'atamgowfi na ndzɛmba a wɔdze esie wɔ ndaawɔtwe no mu nyinara kogu anaa kɔtow gu sumina do. Dem no kyere de ɔnye ne maame a wɔ asamanadze no edzi mpaampaamu. Ndaawɔtwe da no, abofra no ne nana soer anapa tutuutu koguar abofra no na otwa ne hyirew siesie ne maame so ho dze hon ko abofra no n'egya fie kegye ne dzin.

Ber a wɔbeyɛ amandze no, ɔpanyin a ɔroboto dzin no dze abofra no to serɛ do na obisa awofo no, ɔye egya no na n'ebusuafo no dzin a wɔpe de wɔdze to abofra no. Tsetse no a nna nyimpa tum wo pii no nna amambra nye de se abofra ye banyin a wɔdze no to ne nana no nua panyin. Se ɔye basia so a, wɔdze no to n'egya ne maame no nua panyin (Odoom, 2013).

Mfantseman mu mpo dze, nkye wɔdze ma nyimpa kor noara mpɛn ebiasa naaso
ɔnam nwomasua na awo dodow ho ban a yɛpɛ dɛ yɛbɔ ntsi, ndɛ mber yidze obi tum
dze n'abakan to n'ɛgya anaa ne maame. Obi mpo tum dze ne ba to ne nyenko anaa
no dɔfo bi gyan. Nyia ɔroto dzin no dze ne nsa tseaba bɔ nsu mu mpɛn ebiasa dze ka
abofra no ne tɛkyerɛma do ka dɛ bi a,

Kwesi, ndɛ ɔwo ntsi na yeehyia ha,

Yɛdze wo to wo nana ɔpanyin Odum,

Mma mmbɛyɛ ɔyɛkyerɛ na nnkɔ.

Fa wo nana no suban no bi.

Sɛ esɛ nsu a, se nsu.

Sɛ esɛ nsa a, se nsa.

Wo dzin ara nye Kwesi Odum-Aɛmpa

Dɛm amandze yi n'asekyerɛ nye dɛ sɛ abofra no nyin a, mma n'ano nnye ebien ebien.
}w] dɛ ɔyɛ nokwafo. Afei nna ato dɛ woyi mpaa. Wɔma ɔpanyin no soɛr bɔ mpaa serɛ
nkwahosan, nyinkyɛr na ɔpɛnya ma abofra no.

Wowie a wɔdze ɛgya no ne ndzɛmba a ɔdze riya abofra no tan nye ndzɛmba a wɔdze
rema abofra no so pue. Ndzɛmba no taa yɛ mpɛtsea a wɔdze bɛhyɛ abofra no ne nsa,
kɛtɛ, eguardze, ntar, nnkɔ, bayer na edziban ahorow bi ka ho. Sɛ ɔpanyin anaa
nyimpa a wɔdze abofra no roto no no tse ase a ɔno so kye abofra no biribi. Afei adɔfo
a woehyia ho no so keka hɔn nsa adze dze bɔ abofra no atsena ase. Wɔhyɛ nsa no a
wɔdze aba ho no ma obiara nya bi nom ansaana woetu apo (Odoom, 2011).

2.3.3 Brayɛ na Bragor

Amoah (2017) kyere de bragor anaa brapue ye amandze bi a woye ma basiaba bi a oebu ne nsadze tsew noho na wodze pegya no ma ofi mbofra mu ko mpanyin mu. Akanfo gor bra dze kyere de basiaba no edu ne mpanyin mfe mu, onnda ho nnye abofra, mbom oenyin a obotum awar atsena no kun fie na owawo mba. Akanfo nnyi amandze soronko bi a woye dze gye banyimba to mu de n'enyi efir, mbom se egya bi hu de ne babanyin n'enyi efir a, oto itur hye ne nsamu na odze no sua edwuma a ofata anaa [dze no k] skuul.

Yboa no ma onnara nya no kwa anaa nyambowa nye ahodze kakra na ekwir no okyegye obaa bi awar ma no. Mpen pii no se banyimba bi hu de n'enyi efir a onnara dze noho hye mpanyindze mu ye. Bi nye de n'egya n'asafo ridzi dwuma biara a, odze noho hye mu dzi bi. Nde mber yi dze bragor nntu huam osiande nkorofu pii hu bragor de nye atsetsekwaadze, mbom mperwa-nyinsen dodow ama ahemfo pe de wosan kefa dem amandze yi ba bio.

Bragor gu mu ahorow ebien. Yewo dza wogor basiaba no bra wo dan mu, osiande basiaba bi wo ho a no sunsum mmpɛ bagua mu adze ye. Dza oto do ebien nye dza wopue basiaba no wo bagua mu no. Akanfo nam bragor do kyerekkyere obrafo no ndzɛmba pii fa abrabɔ ho. Se basiaba bi nyinsen wo ber a wonngor no bra a ono wogor no kyirbra.

Se wɔrobɔgor bra a obrafo no n'awofo toto ndzɛmba kakra a wobehia no bragor ber mu. Ndzɛmba no mu bi nye ahondzɛpa, seradze, anoatar, atam, nduukuu, amoase, asopaatsee, pawda, afe, ketɛ, sawee, entuho, asowamuadze, mpɛtsea, nsakɔndze,

mpabowa, hweaseambo, kɔnmuadze na senimahuam. Wɔtɔ edziban na edziano ahorow so. Bi nye dwow, nkyirefua, ngo, boreɔdze nna nsa. Awofɔ no totɔ dɛm ndzɛmba yi nyinara dze hyɛ hɔn ba basia no enyimnyam.

Akanfo tɔ dɛ wɔgor basiaba bi bra wɔ ber a oebu ne nsa ne mpɛn ebien do. Wɔtweɔn ma obu ne nsa mpɛn ebien dze hwɛ dɛ ana nnyɛ nyarba bi na ɔmaa basiaba no buu ne nsa asɔpɔn no a. Sɛ basiaba bi yɛ bra na ɔbɔ n'awofɔ amandzɛɛ anaadɛ awofɔ noara hu a, wɔkɔbɔɔhembraa a ɔwɔ kurow mu hɔ amandzɛɛ. Ɔhembraa no yɛ nhwehwɛmu hwɛ dɛ ana basiaba no nyinsen anaa. Sɛ ohu dɛ onnyinseneɛ a, ɔma ho kwan ma wɔgor no bra.

Ɔyɛ a wotum gor mbasiamba beenu, baasa anaa dodow biara a oebu hɔn nsa bra bɔ mu ber kor noara, ntsi ɔhembraa no tum ma wɔbɔ dawur dɛ ɔbaatan biara a ne ba ekegyina gyinabew a ɔtse dɛm na ɔayɛ ahoboa no mfa no nkɔ ama wɔaagor hɔn bra abɔ mu. Sɛ oibara nnyɛɛ ahoboa dze a, wotum gor basiaba kor bra ma ɔyɛ yie; amambra nnsiw kwan. Akanfo frɛ basiaba a wɔreyɛ amandze yi ama no no ɔbrafo, sekyima anaadɛ ɔbranyi.

Wɔwɔ kasambirenyi bi a wotum dze ma ɔbaa no. Wotum ka dɛ basiaba no ekum son, n'abɛ aber, ɔkɔ mfikyir, oebu ne nsa anaa ɔaso bɔn. Sɛ ɔhembraa no hu dɛ basiaba no mmfaa yafun na ɔpen do dɛ wɔngor no bra a, ɔno ahanamakye no basiaba no ne na hwehwɛ kyɛnsegow bi bɔ mu dze fa kurow mu dze da no edzi dɛ wɔrobɔgor ne babaa bra ntsi obiara nkɔhwɛ bi.

Ʒye no dem ama obiara a ɔwɔ ne babaa no ho dɔno akɛye no mboa. Kurow biara wɔ mbaampanyimfo a wɔhwɛ gor basiaba a oebu ne nsa bra. Onnyi de ɔbaampanyin no ye okunafo anaade obi a oegyaa awar na mbom ɔwɔ de ɔye obi a ne mfe kɔ enyim na ne mba nyina so tse ase. Ɔbrafo no n'ayenkofo no bi kɛtsena ne nkyem som no araa kesi ber a wobowie bragor no. Wɔkɔ no nsuna wɔhor ne ndzɛmba so.

Sɛ wɔrebɛka branyi no n'ano a, mbaampanyin no susuaw ɔbrafo no ho nhwi nyinara, mekyere n'amaadze na no tumaamu nhwi nyina na wɔdze ankama twuw no ho. Beebi wotum susuaw anaa woyi basiaba no tsinhwi no wɔ kwan soronko do. Kwan a wɔbɛfa do eyi tsinhwi no gyina sika a awofo no wɔ do. Sɛ awofo no ye adzefo papaapa a, woyi tsir no ma ɔye de ɔbaahembaa nedze.

Sɛ hɔn nsamu ye kakra a, woyi ma ɔkɔ ase kakra, mbom wɔmma ɔnnto tsikwankura no. Mbom sɛ awofo no ye nnyi bi dze a, woyi tsir no ma ɔye hyenn de ewia. Wɔye iyi dze kyere ahotsew na ahosiesie. Sɛ wowie a wotur no kɔ esutsen ho koguar no na wɔsera no nku, bɔ no pawda dze anoatar gu no ho ma no ho ye huanhuannhuam.

Wɔdze tam fitaa bɔ n'asen na wogyaa n'enumfo gu do. Wɔsesa n'ahondze dadaw no na wɔdze fofor hye no. Wɔdze no ho nhwi a woyii no ka ahondze dadaw no ho sie no wɔ esutsen no ho. Woyi mpaa sere abosom na ewuakɔr de wɔmbɛye hɔn mboa wɔ bragor no mu. wowie a wɔsoa ɔbranyi no kɔ fie kɛtsena asɛsɛgua do.

Dapɛn kor a wɔdze bɔgor ɔbaa no bra no, ɔnye n'anyekofo a wɔwɔ ne nkyɛn no sua nyimdzee pii fi mbaampanyin a wɔwɔ awar mu nyimdzee hɔ. Wosua mbre wɔnye hɔn kunnom bedzi nkɔmbɔ, mpa do agodzi, mba hwɛ, mbre wɔye edziban ahorow, nsaano edwuma, ndwom ahorow, asaw nye pii a ɔkeka ho. Wɔma mbasiamba no

kwan ma wobisa nsem a ofa abrabɔ ho na wɔma hɔn nkyerɛkyerɛmu a ofata. ɔbrafo no nye n'anyenkofo nyina to nsa dzidzi ntsi ɔye amamfo no asodzi de wɔnnkɛma edziban, nsuna nyena apa fie hɔ.

Sɛ wɔdze ɔbrafo no fi esutsen no ho kɔ fie a, wɔguar no siesie no fɛfɛfɛw na wɔdze nkuto fow no ho. Wɔdze ndzɛmba a wɔdze siesie no ho tse de pawda, seradze na anoatar no bi si guamu ma obiara a ɔpe no fa bi ye noho. Anapa no na wɔdze ne tsena egua do. Wɔdze no tun ka egua no mpɛnsa na nkyii wɔma ɔtsena egua no do. Wɔdze nkyen ka n'ano mpɛnsa ma opuw gu mpɛnsa. Ekyir no wɔdze nkyirefua a woanoa ho kakra ma no ma]men. Gyedzi nye de onnyi de ɔdze ne se bɔ nkyirefua no mu. Sɛ ɔye dem a nna ɔkyere de ɔrowe ɔnoara ne mbadwowa.

Sɛ wowie anoka no a, wɔdze ɔto si h] ma mbofra a wɔwɔ sɔn mu hɔno fom dzi. }brafo no kyer mbofra a hɔn ho ye akɔndɔ beenu; ɔbaa kor na banyin kor na onntsie hɔn mma wonndzi edziban no bi. Ekyir no, ɔbrafo noara tow hɔn pon fɛfɛfɛw nye hɔn to nsa dzidzi. Siantsir a ɔkyer banyimba kor na basiaba kor nye de ɔpe de sɛ osi awoo kwan do a, ɔwo ntotomu. Iyi ekyir no ɔbrafo no n'awofo dze hɔn akyedze ma no. Adɔfo binom so kye no adze. Sɛ ɔye basiaba a obu adze na]y[somakor a, onya akyedze pii.

Bragor no ba ewiei beye witɔree mbom nkorɔfo tsena ɔbrafo no nkyen tow bradwom na wɔma anansesɛm dze gyegye ɔbrafo no enyi araa kesi esuamu mpo. Sɛ adze kye a, ɔbrafo no siesie noho fɛfɛfɛw na ɔkɔ kurow mu kɛdeda kurowmba no ase de wɔkɛyɛɛ no mboa wɔ kwan ahorow nyina mu. Sɛ wɔgor basiaba no bra wie a nna ɔkyere de oesi awar kwan do ntsi obiara ɔpe no awar no botum akɛpaa no abanyɛn.

2.3.4 Awar

Akanfo gyedzi de awar yeadze a Nyame hyehyee maa odasanyi no mu kor. Dem ntsi wonntoto awar ase koraa. Awar nye ber a banyin na basia agye atomu wo amandze kwan do tsena bo bra d[kun na yer. Banyin na okɛgye basia abanyen fi n'awofo nkyen (Odoom, 2011).

Amoah (2017) kyere de awar ye ber a banyin na basia bi aka hon ho abo mu wo amandze kwan do na wotsena de kun na yer. Akanman mu no, awar nkabomu no ngyina awarfo beenu no nkotsee do mbom oka ebusua ahorow ebien a banyin na basia no fi mu no so bo mu, osiande se asem to ebusua afanu no mu kor mu a, oye ebusua kor no so n'asedze de wokoboa ma wodzi dwuma biara a ofata ma yie to yie.

Mpanyimfo ebu be esiw amandze ano de, "S[oka enyiwa a nna aka hwen". Akanfo hon nhyehyee wo awar ho nye de wo de aberants[anaa akataasia war wo ber a caso awar. Se obi so awar na onwaree a, kurowmba tsitsir n'ebusuafo na n'anyenkofo mmbu no. Mpanyimfo bu be de'awar no kwan war' ntsi Akan awar ne gye na ne gyaenyina ye dzen.

Se banyimba bi hu basiaba bi na ope no awar a, onye obaa no keka ma ogye pen. Se obaa no gye pen a, banyin no koboko n'egya amandzee. Oye so a se egya bi hu de ne babanyin bi aso awar a, otum war ma no. Egya no hwehwe obaa a ofi fie papa mu dze ma ne ba banyin no. Ansaana woboko ekebisa obaa no ekwir no woye nhwehwemu fa obaa no ho. Wohwe de yarba bon bi tse de abodam, kwata, enyifura anaa otwar dem nnyi ebusua a hon dehyee roko awar wo mu no mu. Wohwe bio de

suban bɔn bi tse demansotwe, ewisem, enyiannso, akwadwer nye pii a okoka ho nnyi ebusua no mu (Odoom, 2013).

Sɛ wɔyɛ mhwehwɛmu no wie a, banyin no n'ɛgya no tu nyimpa ma wɔkɔ kebisa basia no ase. Iyi nye kɔkɔkɔ no. ɔbaa no n'ebusuafo no yi to nkorɔfo a wɔkɛgye awar no enyim dɛ wɔnkɔ na ekwir yi wɔkɛgye hɔn ebisadze no ho mbuae. Sɛ wɔkɔ a, ɔbaa no n'ɛgya fa mber frɛ ne ba baa no bisa no dɛ ana ɔpen awar no do a. Sɛ ɔbaa no ka dɛ ɔpen do a, ɔbaa no n'ebusuafo hyɛ hɔn nhwehwɛmu ase. Wɔhwɛ dɛ yarba bɔn anaa suban bɔn a yɛaka ho asem dada wɔ basia n'afamu yi bi nnyi banyin no so n'afamu a. Sɛ woennhu dɛm yarba bɔn anaa suban bɔn wɔ nhwehwɛmu yi mu a, ɛgya no soma k] banyin no n'ebusuafo h] dɛ wɔmboaboa hɔn ho mbɛyɛ ɔbaa no no ho adze (Bosiwah na Kofuwa, 2009).

Sɛ da no du dɛ wɔgye awar no a, banyin no n'ebusuafo fefa ndzɛmba a wɔdze rikehyia ayefor no nyina kɔɔbaa no n'ɛgya fie anaaso n'ebusuafo kɛgye awar no. Amandze a wɔyɛ no, ɔsor kurow anaa ɔnam biara na dza wɔahyehyɛ dɛ wɔyɛ naaso wonnkotsir amandze tsitsir a ɔkɔ do wɔ awargye mu no.

2.4 Ndzɛmba a]dze Owu Ba

Owu nam akwan ahorow pii do na ɔba. Odoom (2013) kyere ndzɛmba anaa dza ɔnam do ma nyimpa wu wɔ akwan etsitsir a odzidzi do yi mu:

Eduto: Obi tum to no nua anaa ne nyenko edur ma owu. Nyimpa no tum kɔ bosom do kɛgye tum anaa edur dze yeno nua anaa ne ny[nko no ma owu fi atseasefo asaase yi do. Dza ɔma wɔyɛ dɛm nye dɛ, ebia na nyimpa no afom hɔn anaa wɔtan anaa hɔn

enyi ber nyimpa no. Obi to obi edur dze yi no fi ho de mbrɛ obɛyɛ a obɛgye onyia no ne dzibew wɔ edwuma mu efi ne nsamu na onno akɛhyɛ ho.

Duabɔ: Binom so gyina asem bi do bɔ ne nyenko anaa no nua dua ma owu. Duabɔ tum yɛ dza obi dze n'ano ka ebususem bi ma oba mu anaa adze nkyirefuwa na hyenapo kɔ esutsen anaa nsutaae bi ho kekrantse gu do ma abosom suo mu dze ku nyimpa no.

Akwanyhia: Binom so tum nam akwanyhia do hwer hɔn nkwa. Akwanyhia botum ayɛ lore akwanyhia, ehyiakwa bi tse de dua ebu ekum obi, nsu afa obi, awɔ aka obi ma oewu, ogya ahyew obi, dan ebu egu obi do ma oewu na dza akɛka ho. Dem akwambew yinom nyina tum ma nyima hwer no nkwa.

Yarba: Yarba so tum gye obi no nkwa fi ne nsamu. Mbofra na mpanyin nyina tum yar ma wowu. Nyarba ahorow a nyimpa tum yar no bi nye etsirdzii, ayamukaw, yafun nhonee, tsipaa, nan nhonee, gyaprim, konduroku, na dodowara a akɛka ho. Dem nyarba ahorow yi na dza akɛka ho tum ma nyimpa dasanyi hwer no nkwa.

Bayi: Abayifo so tum nam sunsum kwan do ku nyimpa. Wotum dan onyimpa oguan anaa apɔnkye wɔ sunsum famu na woku no. Abayifo dze nsɔhwɛ, ahokyer, asetsena mu atseetsee gu nyimpa do ma otum hyɛ noho akɔmfo wu. Wotum gye nyimpa ne nsamu siar na ndzɛpa nyinara na wɔdze yarba bi tse de etwar, enyifurae, abɔdam, honam mfafakuwa no bi kyematɔ na sunsum yarba bi a no nkoe yɛ kona to no do ma owu. Bi mpo wɔ ho a, wɔma onya aban mu amandze ma akɛda efiadze.

Mpanyinyɛ: Sɛ obi n'nyi fir pii a, otum wu osiandɛ ne mfe no asa. Dem owu yi mu no, Akanfo fura tam fitaa dze kyere de nyimpa no enyin. Dem owu yi ne ngyina fi Baebor

mu. Ne dem ntsi Akanfo nntoto no ase koraa. Wofre dem owu yi owupa, osiande nyimpa too no kon na owui anaa wuu wo ne mber pa mu.

Abawoo: Obaa bi tum ko awoo do ma obo fa. Dem owu yi mbasiafo nkotsee na oka hon. Obaawofo no na abotoaba no nyinara tum wu, anaade obaawofo no wu. Dem owu yi yeatsetsee na haw kesenara ma Akanfo. Iyi ma mbasiafo dodowara roko nkotowee do a, nna hon nson gu gya mu (Odoom (2013, pg. 135).

Akanfo hu no d[, s[]baa bi k]waeeee na]k] to a, nna d[m nyimpa no ay[b]n bi ntsi na bosom bi dze ne nsa aka no ma d[m owu no aba (Nhwewh[mu).

2.4.1 Owu Ahorow

Akanfo hon gyedzi fa owu ho nye de, otwar de odasanyi biara tum nyin nya mfe a Obadze Nyankopon hyehyee maa no no ansaana obiara efi wiadze. Naaso se yehwe a, nnye dem na otse. Binom tum nya lore akwanhya anaa nam atowerenkyem bi do tum hwer no nkwa. Ne dem ntsi Akanfo nam hon nyimdzee do akyekye kwan a nyimpa fa do wu mu akwan ahorow etsisir ebien a onye owupa anaa akrawu na atofowu anaa esianwu.

Odoom (2011, 2013) kyere de owupa ye owu a obi atow no kon ewu. Oye owu a nyimpa no enyin na oyar ma n'ebusuafo aper no kakra naaso Nyame ammfa no nkwa amma no ma oewu. Akanfo gye dzi de oye nhyira de obi benyin na oewu. Oye owu a ongyina nyimpa dasanyi n'ahyehyedze do. Oye owu a ofi nyimpa no ne hyeber. Dza odze owupa (akrawu) ba nye yarba na mpanyinye. Se obi yar na mpanyimfo hu de onyia no ruwu a, wogu n'anomu nsu. Iyi kyere de nyimpa no rutu kwan tsentsen ntsi owo de woma no nsu ma odze ko. Akanfo gye dzi de, se obi wu wo

ne mfe 70 ekyir a, onyia no ewu owu pa, osiandɛ wɔfa no dɛ onyia no bɔɔ bra pa ntsi na otumii nyinii no. Yarba wu n'eyiyɛ yɛ soronko kyɛn eyi nkaa no nyinara. Wofura tam fitaa yɛ dɛm eyi no.

Kobi (2010) na Prempeh (2009) san kyere owupa ase dɛ ɔyɛ owu a obi nyin ansaana ɔroto no kɔn ewu. Mɔpɛn pii no, ebusua no tum per onyia no kra dɛ ɔbesan aba nkwa mu bio. Sɛ wɔyɛ iyi nyinara na enntum antentam a, ofi mu. Mbrɛ ɔtse wɔ Akanfo mu no, Mfantsefo dodowara mmfa sunsum mu nsem tse dɛ dza ofi abayifo, abosom na duabɔ, mmbata owupa ho mbom wɔdze hyɛ onyia no ne nyin. Akanfo gye dzi dɛ, sɛ obi nyin ansaana oewu a, ɔnnkyɛr na ɔasan aba wiadze bio ama wɔasan awo no bio. Sɛ obi wu owupa a, Akanfo yɛ amandze gya no kwan fɛfɛɛfew mbrɛ ɔbeyɛ na ɔbɔkɔ ekopue samanadze hɔ enyimnyam mu.

Odoom (ibid) kyere mu pefee dɛ yɛwɔ owupa anaa akrawu bi wɔ hɔ a Akanfo nnyɛ ho eyi. Dɛm owu no nye dza wɔfrɛ no kukuba, fɛba anaa fea (sodo) na obi a ɔnnhyɛɛ ne bra ase na ɔabɔ fa. Ɔkyere mu dɛ kukuba nye owu a abofra bi a wɔawo no anaa wɔwoo no nnkyɛɛ san n'ekyir wɔ awoe anaa owu mu. Wɔdze no to kuku mu anaa semina adaka bi mu kesie no wɔ sumina do. Wonnsie dɛm mbofra no wɔ ɔman esiei.

Dza wɔyɛ nye dɛ, wɔpɛ pon kakraba bi si hɔ, na wɔdze kyɛnse kakraba bi si do dze nwera kata do. Ɔmamfo du hɔ a, wɔma no hy[dzen, na wɔdze hɔn nsawabɔdze no to mu. Siantsir a Akanfo nnsosɔw dɛm eyi yi do nye dɛ, sɛ wɔsosɔw do pii a, mbofra nkaa no so botum ewuwu. Akanman mu no, sɛ obi nwaree, na sɛ ofi mu a, ɔyɛ a, mpanyimfo nnsosɔw dɛm owu no do. Wɔnnyɛ ho eyi. Wɔyɛ amandze kakra dze gya no kwan.

Amoah (2017) kyere de atofowu nye de nyimpa bi nam akwanhyia do ewu, anaaso de onoara eyi no nkwa efi ho. Kwan a obi fa do wu atofowu no bi nye de obi benya kaar akwanhyia, dua bobu abo obi ma oewu, obi a nsu afa no, obi a orowo na oewu, obi a abo no itur anaade onoara abo noho itur, obi a asen noho, obi a ogya ahyew no ma oewu, obi a anam ewudur ma afa ho ahwer no nkwa nye pii a okeka ho.

Kobi (2010) na Prempeh (2009) kyere atofowu ase de, oye owu a Akanfo susu deoye putupruw wu a esian bi bata ho, anaa d[obi bedzi noho dzem. Se obi wu akwanhyia wu a, Akanfo fre no atofowu. Nyimpa a oewu no ye otfo. Atofowu no bi nye de lore bobo obi, enyiam kandzea mu ahoodzenboku obi, dan bobu abo obi, abowa kese bi bekyer obi awe anaade obi boko awoo do ato, nye dza okeka ho. Dem owu ahorow yi nyinara ye akwanhyia wu. Akanman mu no, se obi wu akwanhyia wu a, wofre ne saman no de otfo anaa samantwentwen (Hw[Bonsu, 1993).

2.5 Akanfo Eyiye

Eyiye ye amandze bi a Akanfo ye dze gya owufo bi kwan (Odoom 2013). Akanfo gyedzi nye de, se obi wu a, okotoa n'abrabo do wo samanadze. Ne dem ntsi, woye amandze fefefew dze gya no kwan de mbre aboko ekopue nananom enyim wo enyimnyam mu. Oye ber a ebusafo na amamfo dze enyidzi soronko ma owufo no. Akanfo wo botae (siantsir) ahorow ntsi a wogyina do dze ye eyi. Dem siantsir no bi na odzidzi do no (Hw[Achana, 1993).

Wɔdze kyere hɔn gyedzi a wɔwɔ fa owu ekyir asetsena mu no ho. Akanfo wɔ gyedzi bi dɛ, sɛ obi wu a, dɛm nyimpa no kotoa n'abrabɔ do wɔ asamanadze. Dɛm ntsi wɔyɛ amandze dze gya no kwan dɛ mbrɛ ɔbɔkɔ ekopue hɔ wɔ enyimnyam mu.

Wɔdze hyɛ owufo no enyimnyam. Akanfo wɔ gyedzi bi dɛ, onyimpa biara n'abrabɔ mu enyimnyamhyɛ yɛ ebiasa, n'awoo mu, n'awar mu na no wu ekyir. Iyi ntsi, sɛ obi wu a, wɔyɛ amandze ahorow dze hyɛ no enyimnyam (Mintah, 1996).

Eyiye yɛ amambra a wɔyɛ dze gya owufo bi kwan. Eyiye yɛ Akanfo amambra. Ɔka hɔn abrabɔ ho. Iyi ntsi sɛ wokwetsir a, ɔnnɔyɛ yie, osiandɛ amambra wɔ hɔ yi, wɔnntoto no ase. Ɔyɛ hɔn asɛdze. Ɔyɛ ɔkannyi biara n'asɛdze dɛ sɛ no busuanyi bi ka beebi a, ɔbeyɛ n'eyi. Iyi ntsi sɛ obi wu a, nna ɔnnɔyɛ adze fofor mma hɔn. Wɔdze serɛ mboa fi ɔmamfo nkyɛn. Ebusua a hɔn dehyee efi mu no hwɛr ndzɛmba pii, ntsi wɔyɛ n'eyi dɛ mbrɛ ɔbeyɛ a ɔmamfo bɛba abeyɛ hɔn mboa ma woeenya biribi dze atsew hɔn kaw (Danquah, 1968; Tjibeba, 1997; Prempeh 2009).

2.5.1 Kwan a Akanfo fa do yɛ owupa ho eyi

Sɛ obi yar na ebusua per nobiara na annyɛ yie na owu a, Akanfo wɔ nhyehyɛɛ pa awɔyɛ dze gya no kwan. Sɛ obi yar dzendzenndzen na ebusuafo hu dɛ ɔnnkɛtse apɔw a, wɔma busuanyi bi tsena ne nkyɛn ama oeeɔgu ne men mu nsu. Akanfo gye dzi dɛ owufo no rubotu kwan ntsi ohia dɛ ɔbɔnom nsu ama oeeɔtum aafow koko a otwa adasa na samanadze ntamu no (Tjibeba, 1997; Prempeh 2009).

Sɛ onya ba no dɛm a, wodzi kan bɔ ebusuafo amandzɛɛ. Ebusuapanyin no so tu bɔfo ma wɔkɔbɔ ɔdzekurow amandzɛɛ dze se no eyi. Sɛ ɔwɔ mba a, no hokafo na mba no

na wɔbɔ kaw no ne tsitsir, mbom sɛ yɛhwɛ mu a, ɔyer na mba h]n ebusuafo na wɔhwɛ dzi dwuma biara a ɔfata. Iyi yɛ dza ɔtaa si Mfantseman mu, ne tsitsir Gomuaman ahorow no mu (Hw[Achana, 1993).

Ebusuafo hyɛ da a wɔdze besie fun no na wɔma ɔman no nyinara aso tse. Tsetseber do no, nna Akanfo nntaa mmfa hɔn fun nnto hɔ. Wosie no na wɔhyɛ da a wɔdze bɛyɛ n'eyi. Ebusua biara wɔ dampan wɔ ebusuafie a wɔdeda fun wɔ mu. Wɔdeda no wie a obiara wɔ ho kwan dɛ osu dze kyere no dɔ na wɔnye no dzi mpaamu. Adɔfo tɔ mpetsea hyɛ fun no na binom mpo kyɛ no sika a ɔdze besi noho etu kwan no. Iyi rokɔ do no nyinara nna nkorɔfo wɔ esiei robɔ owufo no ne nda. Wɔbɔ nda no wie a, wɔma nkra to fiefo no (Wiredu, 1992).

Ber so dɛ wɔto no adze mu a, wɔma ahɔho a wɔwɔ fun no ho nyinara twe hɔn ho ma ɔka tsir-ho-namno nko. Woyiyi fun no ho ndzɛmba a wɔdze siesiee no ho no faara. Wɔdze no to adaka no mu na wɔdze ndzɛmba kakra a obehia gu mu. Woyi mpaa na wɔto no adze mu na wɔdze no kɔ esiei kesie no. Esiei hɔ no woyi mpaa ana wɔaka anhwea egu no do. Wowie a wodzi ndan kɔ fie kɛyɛ n'eyi. Akanfo wɔ afadze a wɔdze yɛ eyi. Akanfo taa fura tam tuntum na kɔben. Ɖɔɔfabi na sɛ nyia oewu no n'eyi efir papaapa a, ebusuafo tum twa tam kor a ɔtaa yɛ fitaa (Tjibeba, 1997; Prempeh 2009).

2.5.2 Amandze Ahorow a Akanfo Yɛ Wɔ Owupa Ho

Akanman mu no, sɛ obi wu a wɔyɛ amandze ahorow dze gya no kwan fɛfɛfɛw. Amandze a wɔyɛ fitsi eyiyɛ no n'ahyɛse dze kɛpem n'ewiei na odzidzi do yi dɛ mbɛ Achana (1993), Adu-Gyamfi (2010) na Odoom (2013) akyerɛkyere mu no pɛpɛpɛr.

Nkrato: Tsetse no se obi bo fa (wu) a, wodzi kan dze nsa kaboben a wo kuro no mu amandze. Iyi ekyir ansaana woetum abo kuromba no nyina amandze. Afei woma asomfo tsew honho gu kwan do kabo ebusuafo a wowa akwantu mu no nyina amandze ma woba. Ebusuafo no dze nsa kese owufo no ne yer anaa no kun (de ye banyin anaa basia) eyi. Tsetse no, se obi wu a, nna wotum dze no to ho kakra ansaana woekesie no. Dza woye nye de, wobam fun no de mbre wobotum dze no ato ho ma edzi nda kakra ansaana woekesie no. Wobam no beye ndansa dze roko ne ndaawotwe do (Mintah, 1996).

Funguar: Se owufo no ye banyin a, ne mbaa na mbanyin no n'ebusuafo na woguar no. Demara so na se owufo no ye basia a, ne mba mbaa na no nuanom mbasiafo na woguar no. Dza woye nye de, wobubu owufo no no bowere (ne nsa na n'anan awerew nyina), na woyi no nsumaa mu nhwi so ka ho. Wodze nsuhyew guar fun no mpen ebiasa (Kobi, 2010).

ba panyin na odzi kan tu nsu no bi gu n'egya anaa ne na a oewu no do ansaana hon a waka no aboa no ma oeguar fun no. Ansaana woboguar owufo no, wo de ebusuafo no dze eguradze bi tse de sapow, entuho, semina, afe, pawda, eduhuam na ne nkekaho ba. Okunafo no na adze dem eguradze yinom nyina beba. Se woguar fun no wie a, wosiesie no ho fefefew dze no to mpa mu ma ebusua, oman na adfo ba bohwe no (Danquah, 1968).

Nkradzi: Wodeda owufo no wampa do. Nd[mber yi dze wotum deda owufo no w] adaka mu na woma ebusua, oman na adfo nye no bedzi nkra. Obiara ma no nantsewyie wo akwantu a orutu no mu. Se owufo no ye Kristiannyi a, n'asomba

behia tow ndwom si pe kesi adzekyee a wobesie no. Wɔyɛ ewufosom dze ma no. Sɛ ɔnnkɔ asɔr biara a, ɔno wɔgor agor ahorow bi tse dɛ apatampa, adowa, kete, ekurodo na dza ɔkeka ho dze ma no (Hw[Bosiwah na Kofuwa, 2009).

Esiedze: Akanfo nntoto hɔn amambra ase koraa. Osian dem ntsi wɔwɔ gyedzi bi dɛ owufo no rutu kwan akɔtoa n'abrabɔ do wɔ samanadze, ɔno ntsi wɔma no ndzɛmba ahorow a obehia no wɔ n'akwantu no mu. Dem ndzɛmba no bi nye: adaka a wɔdze no bɔto mu ekesie no, mba na wɔtɔ adaka no. Afei wɔdze ketɛ, mpadotam, sundze, ntwontwo, dwɔmpa, tam, ahondze na sika a ɔdze bɔtɔ nsu anom dze bi asan etua nsutwafo no kaw wɔ kwan mu no ma no (Kobi, 2010).

Nsewnom so dze hɔn esiedze ba begya owufo no kwan kamakama. Ebusuafo dze ndzɛmba no gu n'adakaa no mu dze gya no kwan wɔ n'akwantu no mu. Nde mber yi, sɛ owufo no kɔ asɔr na otua n'asɔr funsie tow a, asɔrmba noara gyina yɛ biribiara. Wɔtɔ adaka a wɔdze besie owufo no na wɔboa okunafo no ma ɔyɛ eyi no asomdwee mu (Hw[Bonsu, 1993).

Ndabɔ na funsie: Ebusuapanyin na ɔhwɛ ma wɔbɔ owufo bi ne nda. Ɔnoara so na ɔhwɛ ma wosie fun no. Ɔdzensa kɛma Dabɔhen ma ɔno so bɔ ne mamfo amandzɛɛ. Akanfo amambra mma kwan mma owufo no ne mba mmbɔ hɔnara hɔn egya anaa hɔn maame ne nda (Mintah, 1996). Mpanyimfo aka dɛ, “Obi a n'ekyir apaa no, nnye ɔnoara na ɔpam” ntsi onnye dɛ ɔmamfo no gyaa mba no ma wɔbɔ hɔn egya anaa hɔn nã ne nda (hw[Shino, 1997).

Mbom sɛ mba no nnye amandze wɔ kurow no mu a, ɔno ɔmamfo no bɔ hɔn kaw ansaana wɔakɔbɔ nda no. Sɛ worisie fun no a, ebusuapanyin na oyi mpa ma wosie

no. Sɛ wofi esiei reba a, ebusuafo no dze nkyensu si kurotsia hɔ ma hɔn a wɔkɔr esiei no dze hohor hɔn nsa ho. Ebusuapanyin na sɛ obi wu a, oyi obi fi ebusua no mu dze no dzi owufo no n'adze (Hw[Achana, 1993).

Eyiye no ankasa: Sɛ wokesie owufo no ba wɔ da Memenda (otwar dɛ yehu dɛ nnye Memenda nkotsee na Akanfo dze ye hɔn eyi. Wotum ye eyi wɔ Yawda na Fida so) no a, wotum dze eyiye no toa do anaa wotu hye da fofor. Iyi gyina ebusua no hɔn ahoɔdzen do. Eyimba no noa edziban ma ahɔho no. Mpen pii no, wɔka mbɔr (etsew), wɔye dɔkon, wɔwɔw fufu, wɔnoa emo na wɔye frɔwee asorɔtow dze ka ho. Nana na ne mpanyimfo bɛtsena ase ma wobue eyi no. Ɔmamfo na Adɔfo a wɔbaa nyinara *bɔnsawa* dze ma owufo no n'ebusuafo (Hw[Adizie, 1993).

Dzin kor so a wɔdze ma nsawabɔ nye ayɛdze. Sɛ obi kɔ eyi na ɔpɛ dɛ ɔbɔ nsawa a, onyia no dzi kan bɔ ɔman no nsawa. Owie so a, ɔbɔ ebusua a owufo no da mu no so nsawa ansaana ɔabɔ mba anaa okunafo a ɔkɔr n'enyi no nsawa. Siantsir a wodzi kan bɔɔman anaa ebusua nsawa nye dɛ wɔahwer adze kɛse ntsi wɔdze rekyekyere hɔn werɛ. Bio, nyimpa biara da ɔman na ebusua mu, ɔno ntsi ɔwɔ dɛ wɔye biribi dze hye no enyimnyam wɔɔman na ebusua no mu (hwe Agyekum, 2008). Eyimba no fura tam tuntum na kɔkɔɔ anaa kɔben. Iyi kyere awerɛhow na enyiber. Sɛ owufo no ye panyin a, wofura tam fitaa. Fitaa gyina hɔ ma konyimdzi na asomdwee. Iyi kyere dɛ owufo no wuu asomdwee mu. Okunafo, mba, ebusua na adɔfo nyina bɔ mu dzi asaw ma eyiye no ye ahomka (Hw[Danquah, 1968; Wiredu, 1992).

Kawbu: Sɛ wɔye eyi wie a, wɔkye kaw. Nda a ɔtɔ do anan a ɔye Benada (ogyina ebusua na ɔman ne nhyehyɛɛ do) no, ebusuafo no tsena ase bu hɔn kaw a wɔbɔɛ

nyinara. Ebusuaфона wohyia mu kyε kaw a ɔbaa eyi no mu. Wohyia mu wɔ hɔn ebusuafie na wobu hɔn kaw. Sε wɔtsena ase a, wɔhwε kaw dodow a wɔbɔe, nna nsawa dodow a wonyae. Sε kaw ba a, wɔkyε ma ebusuafo no tua. Sε wonya mfaso so a, wɔdze to ebusua no no foto mu. Afei woyi obi a obedzi owufo no n'adze. Akanfo frε dem nyimpa no owuodzi anaa adzedzifo. Sε wɔdze owuodzi no dzi adze wie a, ne mbambanyin ma no do to kɔn ho tu pawda gu no do dze no kyer[]man no. Nd[mber yi woyi owuodzi no Kwesida a w]dze eyiy[no reba ewiei no ma oibara hu ma]man no dzi dase (hw[Shino, 1997).

Kunayε: Kuna kyere de obi dzi **kun-na**. Sε basia bi no kun wu anaa banyin bi ne yer wu a, amandze a wɔye dze pa mbusu (sasa) a ɔwɔyer anaa okun no a noho kafo egya no hɔ no na yefrε no kuna no. Akanfo ye mbaa kuna kyen mbanyin, osiandε wɔgye dzi de mbaa na hɔn sunsum no mu ye har, ntsi hɔn na wohia dem amandze yi ne kεse. Siantsir a Akanfo dze okun anaa ɔyer to kuna mu nye de: odzi kan, wɔdze pam sasa (mbusu) a ɔwɔ owufo no ho fi okunafo no ne nkyen. Ɔtɔ do ebien, wɔdze tsetsew ɔtseasefo no na owufo no ntamu (Hw[Wiredu, 1992).

Sε obi da kuna mu a, odzi ndaawɔtwe (dapɛn) ansaana woepue no. Akan amambra kyere de, sε banyin wu ma woyi no wuodzi a, owuodzi no tum war ɔbaa okunafo no. Amambra mma kwan mma ɔbaa a ɔda kuna mu nnkyia. Ansaana okunafo bekyia no, gyedε ɔatsew towa mu ana, osiandε wɔfa no de mbusu wɔ no ho. Ɔbaapanyin na wɔma ɔhwε okunafo no do. Wɔdze kuna dɔsɔ to okunafo no n'asen. Okunafo nnhyε mpaboa, onndzidzi ewimbir. Kunayε boa ma ebusuafo no na okunafo hyia dwendwen mbofra a wɔwɔ ebusua no mu ho (Hw[Bonsu, 1993).

Ndaase: Sɛ woyi okunafo no pue a, ebusua na adɔfo dzi n'enyim ma wɔkɛdeda ɔmamfo ase. Ndaase mu no, wɔdze tawa bi kitsa okunafo no ne nsamu ma obiara a obehyia no anaa wɔbɛba ne fie abɛda no ase no, ɔtsew bi. Iyi kyere dɛ, seseiara mbusu biara nnka okunafo no do bio. Ndɛ mber yi, wɔdze ndaase no fa kasafir do ma ɔman na adɔfo nyina aso tse (Odoom, 2011).

Nana mbo: Iyi yɛ amandze a mbofra a wɔdze hɔn too owufo no yɛ. Sɛ obi wu na onyia no wɔ nananom a, ɔno mbofra no so yɛ biribi dze kaa no anaa dze hyɛ no enyimnyam. Dɛm amandze a owufo no ne nananom yɛ no na wɔfrɛ no nana mbo no. Sɛ ber no dur a, Nananom no na wɔkyerɛ edziban a wɔpɛ na nam a wɔbɔwe. Nananom no yɛ dɛm ara dze kɛpem ndaawɔtwe. Ndɛ mber yi, osian skuulsem ntsi, wɔyɛ no dakor pɛr. Sɛ ndaawɔtwe no so a, ebusuafo no ma nananom no si kurom dze hɔnho kɛkyerɛ. Ber a wɔnam kurow no mu no, adɔfo tum kyɛ hɔn adze. Wɔnam nyinara nna wɔrotow ndwom (Hw[Mintah, 1996).

2.5.3 Ndabu wɔ eyiyɛ mu

Amoah (2017) kyerekyerɛ amandze ahorow bi a Akanfo yɛ wɔ ber a obi abɔ fa anaa wɔyɛ wɔ hɔn eyiyɛ mu. Dɛm amandze no mu bi nye;

Adzekye-enyim: Sɛ obi wu a, ebusuafo dzi adzekyeenyim. Dɛm da yi nkan no nna ɔyɛ da ber. }yɛ Benada, Yawda anaa Memenda. Benada yɛ da a Akanfo dze bɔ bena dze dzi awerɛhow. Yawda so kyere awerɛhowda dɛmara. ɔno ntsi wɔdze dɛm nda yi yɛ amandze a ɔtsetse dɛm ama da no nye no mu dwumadzi no asaa. Sɛ wosie obi Benada a, adze kye Wukuda a, ɔyɛ danyin ntsi wonndzi adzekyeenyim na mbom wotu hyɛ Yawda. Ndɛ mber yi nkorɔfo pii bu hɔn enyi gu iyi do. Dza wɔyɛ nye dɛ

ebusuapanyin no tu nsa ma amamfo a woehyia mu wɔ hɔ no na wɔdze da a wɔdze bedzi ndaawɔtwe no to gua (Mintah, 1996). Danyin y[da w]mmfa nndzi dwuma pii w] d[m da no mu. Mpanyimfo d[,]y[da a w]dze y[amandze ma nananom abosom mfatoho bi nye; Wukuda, s[gye kyim na si apem pem enyim a behyia. Daber y[siar da a w]y[dwuma biara w] mu a]y[yie (Fieldwork).

Ndaawɔtwe: Ndɛ mber yi sɛ obi wu a, wodzi ne ndaawɔtwe. Ebusuapanyin no dze nsa bɔ mpa na]dze nsa ne nkaa no ma amamfo na adɔfo-adɔfo a woehyia mu wɔ hɔ no. Sɛ wowie nsa no nom a, ebusuapanyin na ebusua kyeame dze da a wɔdze bɛyɛ eyi anaadɛ wɔdze bogu nsa no to guana wotu dɔm no apo. Sɛ obi wu ma odu ndaawɔtwe a, ebusuafo na adɔfo hyia mu dzi ne ndaawɔtwe. Wɔyɛ ewufosom kakra dze ma no na wɔkyekyer ebusua a hɔn dehyee efi mu no werɛ (Hw[Adizie, 1993). Dem ndaawɔtwe ne ndzii mu no, adɔfo keka hɔn nsa adze kakra na wɔdze boa ebusua no ma wɔdze boaboa hɔnho bɛyɛ eyi no. Wɔfrɛ dem sika no kubensu. Dem ndaawɔtweyɛ yi mu ara na ebusuafo hyɛ da a wɔdze bɛyɛ eyi no. Ebusua no paa tow a wɔdze bɛyɛ eyi no ma ebusuafo no ma obiara kedzi paa dze botua. Wɔdze sika kakra a wobɛnya no boaboa hɔnho dze kɔpem eyiyɛ da no. Wɔdze bi totɔ edziban na nsa asorɔtow dze yɛ eyi no ma ɔyɛ ahomka (Hw[Wiredu, 1992). S[owufo no annk] as]r ber a nna]tse wiadze no a,]no ebusuafo na ad]fo tse na ase ky[r kakra. Nd[mber yi kurow no bi mpo dzi ndaaw]twe no ewiaber, na sika a wobɛnya no w]dze tuatua kaw a w]b]e.

Adaduanan: Akanfo wɔ gyedzi bi wɔ dem amandze yi mu dɛd[m aber yinna owufo no no honam no aprɔw ma ne tsir atsew efi do ntsi wɔyɛ dze kaa owufo no. Dza

wɔyɛnye dɛ ebusua, adɔfo na anyɛnkofo hyia mu wɔ ebusuapanyin no fie anaaso eyiadze ho. Ebusuapanyin no tu nsa na ɔdze bi bɔ mpaa na wɔnom nkaa no. Mbasiafo su dze kaa owufo no. Wowie a, wotu apo. Beebi a wonndzi adaduanan yi mpo, wɔkan da no ara na ebusuafo no nnhyia mu (Hw[Achana, 1993).

Adapɛn esia: Sɛ nyimpa a n'enyi efir wu a n'ebusuafo dzi ne adapɛn-esia. Mbasiafo bɔ ne dzin su. Ebusuapanyin tu nsa ma wɔdze bi yi mpaa. Wowie a wɔnom nkaa no na wotu apo (Hw[Bonsu, 1993).

Adapɛn duebien: Nnye ewufo nyina na wodzi hɔn adapɛn duebien. Hɔn a wɔtsenaa ase na wonyinii kyɛree na wɔbɔ bra a ɔfata no nna wodzi hɔn adapɛn duebien yi. Sɛ woridzi da yi a, anafua a adze rebekye no wosi pe kakra. Mbasiafo no bɔ owufo no dzin su. Nkan no dɛm aber yi na woyi ɔbaa okunafo no fi no kuna mu (hw[Shino, 1997).

Afe anaa afrenhyia: Owufo n'afe wodzi no dɛ mbrɛ wosi dzi n'adapɛn-esia na adapɛn duebien ara pɛr. Iyi nyimpa a ɔhwɛ ma wodzi nye owuodzi no. Ɔma ebusuapanyin tse na otu nsa ma wɔdze yɛ amandze no. Sɛ wogu nsa no wie a, wotu adɔfo a woekhyia mu no apo. Afei ebusuapanyin no kɔ owufo no ne fie na wokobue n'adze do hwɛ ne ndzɛmba a ogyae. Wɔbɔ mpaa na wɔkyɛ dɛm ndzɛmba yi ma tsir-ho-nam no wɔ ber a owuodzi no afa bi ewie. Wowie iyi yɛ a, nna ɔkyɛ dɛ wɔakata owufo no n'ekyir koraa (Tjibeba, 1997; Prempeh 2009; Adu-Gyamfi, 2010).

2.5.4 Kwan a Akanfo fa do ye ɔtofo n'eyi

Akanfo hɔn gyedzi nye de se obi wu atɔfowu a ɔye mbusu ma owufo noara, n'ebusua na ɔman mu no nyinara. Osian dem ntsi hɔn eyi ye ye soronko koraa. Se obi nam akwanhyia do wu a, wodzi kan ye atormuadze wo beebi a owui no ansaana wodze nio fun no ahɛn kurow mu. Wɔndeda ɔtofo wo fie mbom wɔdeda no kurowtsia anaa gua do. Wɔmmfa no nnhɛn ebusua fie koraa, osiande wɔgye dzi de ɔba no dem a no ho mbusu no bodwir ebusua no nyinara (Amoah, 2017).

Akanfo mma kwan ma obiara nsu no. Akanfo nnsie fun ewiaber, mbom anapa anaa aber a wi akɔto naaso ɔtofo dze wosie no ewiaber ketekete. Wosie ɔtofo wo atɔfo esiei. Wɔnnto no abadzin. Wogu ɔtofo nsa ewia ketee. Akanfo ye iyi nyinara dze kyere de onyia no ammfa kwan papa do wui ntsi wɔngyegye dem owubɔn no enyi koraa wo kurow mu (Hw[Adizie, 1993).

2.6 }hen N'asɛdze

Ahendzi ye adze kor a ɔda ho ara ye edwuma wo Ghana. Ghana mbra a wodze bu ɔmanyi mekyere "The 1992 Constitution of Ghana, article of 270 of clause 2", no bo ahendzi ho ban fi mbrahyɛbaguamu mfeefeemu gyangyan ho. Demara na mbra krataa no kyere de, mpen no, ɔhen ye obi a ofi ebusua a ɔfata mu na woedzi no ho dase atow no do aba anaa eyi no na wodze no esi egua do de ɔhen anaa ɔhembraa wo amambra kwan do.

Akanman mu no, ɔhen ye obi a odzi no nkorɔfo enyim wo amambra kwan do. Adwen a ɔtaa Akan mpanyindzi ekyir nye de, ahemfo na woapaw hɔn de wɔnhwe ɔman no

ne mbra, nhyehyɛ na sunsunsem do. Dɛm nhyehyɛ korɔngyen no ma ahemfo no tum dɛwondzi hɔn mamfo do. Sɛ dɛm dze a, ohia papaapa dɛ ɔhen bi nya tum wɔ mbra kwan do wɔ nhyehyɛ krɔngyenn tse dɛ ebusuadehye na ɔman no mu ahemfo kuw mekyerɛ “National House of Chiefs” (Dawson 1947:66). Akan ahendzi no gyina ebusua nhyehyɛ do.

Dɛm nhyehyɛ yi no, ɔhembaa no nye ebusuapanyin no paw obi dɛ wɔb[kyer no]hen. ɔhen no gyina hɔ ma ewuakɔr ɔnam dɛ ɔnam bɔgya do nye hɔn wɔ twaka. Amandze ahorow a wɔyɛ dze si hen no ma ɔhen no akwangya dɛ ogyina hɔ ma ewuakɔr. Iyi kyere dɛ, ɔwɔ dɛ ɔhen no bɔ asɛndzi biara a ɔbɔkɔ do no amandzɛ kyere ewuakɔr ama wɔaatse anaaso dɛ woehyia hɔn a akasakasa sii hɔn ntamu no. Ahemfo yɛ sunsum mu nkorɔfo, ne dɛm ntsi ɔwɔ dɛw]dze ekyiwadze ahorow bɔ hɔn ho ban (Danquah, 1968).

Sɛ wosi ɔhen no adze do pɛr, ne gyinabew bɛyɛ adze a no ho tsew. Ekyiwadze ahorow na ɔma iyi si pi. Onnkotum eku obi, dɛmara so na obi innkotum eku no annyɛ dɛm a ewuakɔr no dze ɔhaw bɛba dɛm ebusua no do. Onnyi dɛ ɔdze n’anan to famu nantsew annyɛ dɛm a obopurow. Sɛ opurow a, gyedɛ wɔyɛ nyankomadze dze siw ɔhaw a]bɛba no ano kwan. Onnyi dɛ no tun ka famu (Adu-Gyamfi, 2010).

]no so dze ɔhaw kɛse bɛba. Dɛm ekyiwadze ahorow yi kae ɔhen no nye nkorɔfo dɛ ne gyinabew no yɛ adze a ɔyɛ hu na no ho tsew. ɔno na ɔtsena nananom hɔn egua ho. ɔnam dɛm ntsi, wɔdze enyidzi a ɔfata ma no. Tum a ɔhen no wɔ a ɔdze hwɛ dɛ nkorɔfo nnkɛyɛ ekyiwadze ahorow nye dza ɔbɔ no ho ban no ntsi na yɛka dɛ ɔyɛ

asaasewura. Kastenbaum (1977) kyerε dε ber a nna aborɔfo no nnyae mbedzii hɛn do no nna ahemfo yε asaase ewuranom.

Dɛmara so na Danquah (1968:120) so si do dua dze kyerε dε hɛn amambra mu no, hɛn gyedzi nnhyε da nnyi seseiara na daakye awoo ntoatoado a ɔyε Ɔbɔadze n'akyɛdze no do. Na mbom yebu akontaa ma ewuakɔr wɔ ntotoe pa a yεayε afa akyɛdze yi ho. Ewuakɔr no ma ɔhen no tum dε ɔmfa mbɔ abɔdze mu mba a Nyankopɔn dze akyε hɛn nkankan asaase na nsu ho ban. Ne gɛnabew no ho hia ma atsenae ho bambɔ ankasa anakasa.

2.6.1 }hen No Dwumadzi

Mbrε ɔhen n'asɛdze na no dwumadzi tse ntsi na wɔhyehyε ekyiwadze ahorow dze bɔ atsenae ho ban ndε mber yi no. Bio, gyedzi a Akanfo wɔ wɔ sunsum dwumadzi mu ma yehu mbrε wɔnye atsenae nkitahodzi tse. Nkorɔfopii nntse Akanfo ase ɔnam hɔn amambra no ho mfaso a ɔyε ngyinado na mbrε wosi hu abɔdze.

Hacket (1989) kyerε dε sε etse nyimpakuw bi hɔn amambra ase a, nna ebɛtse hɔn abrabɔ so ase. Dza]kaa yi da edzi w] d[m ns[m yi mu: Nsonsonɛe w] dza osi na mbr[nyimpa n'amambra si ma]tse dza osi no ase. Yesusu dε, ndzɛmba bi kɔ do naaso ɔyε dza ɔhyε hɛn adwen mu na yεgye tum dε ɔrokɔ do. Nyimpa hɔn amambra nye hɔn adwen ma wohu ndzɛmba a ɔkɔ do dε mbrε hɔn amambra na hɔn adwen tse. Ɔwɔ dε yɛhwε Akanfo hɔn amambra ho dze tse hɔn gyedzi a ɔbɔ abɔdze ho ban ase. Sε yɛbɛtse Akanfo ase a, gyedε yɛhwε mbrε hɔn som sitse na nnyε mbrε Kwesi Borɔnyi aka afa ho no dε mbrε ɔbɛyε a yebeyi adwembɔn a yɛwɔ wɔ Akanfo ho efi hɛn tsir

mu (Bosiwah na Kofuwa, 2009). Nd[mber yi w]ma]hen kor tsenaa eyi mpa do hw[toto ndz[mba w] ber a ebusuapanyin na eyi no baanodzifo ka ho ma biribiara k] do t]]tsen (Nhwehw[mu).

2.6.2 Ahemfo Eyiye

Akanman mu no, se odzikurow, ohen anaa omanhen bi yar a, yeka de okyeame yar. Oye mbusu kese de obefi obi n'ano na oaka de dem nyimpa yi no mu bi yar. Okyeame yar a, ahemfie nsumankwaafo na wosa no yar. Na se nsumankwaafo yi pem do na oye dzen a, mpanyimfo soma kehya enunsifo a wotse apow nye nkramofo a wofow mpata we esuman no ma woba ho. Se obano dem a, ohembaa na amambra mu no oyi ano mbusu (Mintah, 1996).

Amandze mu no, Gyaasehen, Ankobeahen na Dabewhen na wohwe okyem ma wosa no yar. Dabiara anapa ohemabaa dze nsa ko nkonguafie dze kogu nkongua akese no do yi mpaa ma hon nyinara fre abosom na nsamamfo de wobehyirahyira enunsifo no nsa do na se nsu mpo na wobesaw ama okyem anom a, oeyya ahodzen.

Se yarba no mu ye dze a, Banmuhen, Nkoguasafohen, Gyaasehen, Akyeamehen, ohembaa anaa de hon a amandze ma ho kwan de woko nkonguafie no dze nsa ko ho dze keyi mpaa serε ahodzen ma hon wura. Merekasa yi na nyimpa a wodze hon eyi mbusu no nnye adzewa. Se wopem do na se hon a wotse yar no ho no hu de onnye yie a, wofi ho ma]dan ebusuasem (Mintah, 1996). Se oba no dem a, amambra mu no, Dabewhen dze nna owo ho. Obaapanyin no bram ohen no na otsena n'ekyir na nanahembaa egu n'anomu nsu aka de bia,

'Osimesi ee! Nsu nye yi oo'

Ebusuafo, Asona yemmpɛr kwa

Na wɔma wo nsu no

Eb[n osimesi na ɔma wo nsu no?

Benkum, Nyimfa na Adɔntsen

Na wɔma wo nsu no

Kurowtsihen nye Akwamu,

Oyoko, Gyaase, Ankɔbea na Kyidɔm

Na wɔma wo nsu no!

Sɛ ɔhɛmbaa no gu n'anomu nsu wie a, ebusuapanyin anaa akyeamehen dze nsa yi mpaa. Afei Dabɔhen siesie hɔ ma Gyaasehen ma wɔtow abow mu ma ahɛmfie hɔ taa dzinn. Gyaasefo nkotsee na amandze ma hɔn ho kwan dɛ wɔgor wɔ ahɛmfie hɔ. Hɔn a wɔrotow dame rotow, hɔn a wɔrotow ɔwar na osikyi tow. Wɔgor dɛ mbrɛ hwee nnsii. Osoodefo furufuruw tɔ anaa dɛ wɔnoa edziban wɔ ahɛmfie h] amma hɔ gya enndum na tum no eygina fie hɔ daa nyina. Ebusuafo hyia hu kwan a wɔbɛfa do ayɛ eyi no. Wobubu n'awerɔwba na adze nyina (Kobi, 2010).

Wɔhwɛhwɛ saw fofor na ndzɛmba a wɔdze boguar no nyinaa. Nsunoafohen ma wɔdze nsu kesi gya do. Sɛnsu no dɔ a, wɔk[ma fun no do koguar no. Ansaana wɔbɛma fun no do no, ɔkyeame anaa ɔhɛmbaa dze nsa yi mpaa. Wɔbɛtse no nna eguaree mbrɛn so gu do. Sɛ woruguar ɔhen yi a amandze kwan do no, akyɛmpɛmhen na osuo saw fofor no mu dze tu nsu gu ne papa no do mprɛnsa ana woeguar no (hw[Shino, 1997).

Woruguar no nyina nna mben gu do. Amandze mu no wodze ohen yi tsena n'akongua do de bia asesegua ber a otse ase no nna otsena do dzidzi no do mbre obeye na no sunsum bok akongua no mu na se daakye bi worupun egua dze akaa no a, ono na wodze ye. Se woguar no wie a, dabewhen dze tam fitaa kema hon (akraguarfohen, akraguarfo, ebusuafo) a woguaar no wo eguaree ho ma wodze kata fun no ho dze no fi ho ko aserae kema aserahen. Se wodu ho a, aserahen ker sika mfutuw bochen n'amoansee ano (Hw[Mintah, 1996; Odoom, 2013).

Wodze no fi ho ko bea a odzidzi dabaa no. Dem mber yi na Soodehen ama wodze borede eesi gyado efurufuruw to dze ekese pon kese do wo hon edzidzii. Wodze edziban no kesi ho per a wobetse no nna mben gu do. Ber a edziban akese no sisipon no do no na mben gu do no nna osoodefo nkumaa repra do. Ahen mba ridzi ho nd]fir no nna gyaasehen so ridzidzi dembr[hwee nnsii (Kobi, 2010).

Wodze no ko Fotosamfo ho dze no kesi prama do. Afei Fotosamfo nye Sanaahen ker sika futuw a wodze beye eyi no ma Gyaasehen, ebusuafo na ebusuapanyin. Dem mber yi dabewhen siesie ketε wo dabew kese ho a wodze odεεfo boto. Wodze nsaa dura dan no mu na famu nyina. Nsumankwaa hen anaa ohembaa kuruw suman wo dow a woefura do dze boboohen no. Aserahen dze adze a nku wo mu ba bohue sika futuw dze gu adze mu dze sera ohen yi ma oye gonn de owia (Wiredu, 1992).

W]dze ntwoma twa no asafe wo ne koko do dze besi n'abestir. Afei dabewfo ma no do dze no ko dabew kese do kofura no tam, dze sika kokoo fa no ho ma noho ye hu. Se wowie no ho esiesie dze no to mpa do a nna ahenananom na menatofa a woye ahennananom dze hon mena aketsena hon nana enyim benkum na nyimfa do dze

apra no ho. Akraguarfo a hɔn mu biara dze ne sika ato ne kɔn mu, etwitwa hyirew a wɔnye menatofo na mfoasofo nyinaa abɔ ntwuma so wɔ hɔ bi (Odoom, 2012).

Odoom (2013) kyer[d[abofra a ɔso ɔbaaman kyɛw esiesie no ho tse n'enyim. Edumfo, abrafo na werɛmpɛfo sɔ gya wɔ gyaase kɛse mu dze hɔn nsa bobɔ hɔn kɔn mu tsew bi dze b] kwan do. Ahenyernom nyinaa dze nsa bobɔ hɔn mu tsetse ɔdapan mu. Obiara tsena famu gu egyabra. Afei abrafo begyina ɔhen n'enyim dze akɔmfo bekyerɛ n'enyim moma no. Abrafo amoma no si a nna kyen sin, mpintin, na mbɛntsia agye do. Ɔhen akyeame a Akanfo frɛ hɔn ɔhen yernom yi nyinaa furafura kuntunkun bobɔ abɔtsir dze ntonko kɔkɔɔ sesa ho twa asafe kyere dɛ hɔn so ye ekunafo. Gyaasehen fura kuntunkun anaa dɛ ɔhyɛ bataker kɛse a wɔdze nsebe abor mu twɔm twa asafe dze menankɔnson na nyina gu no kɔn mu ((Tjibeba, 1997; Prempeh, 2009; Kobi, 2010).

2.6.3 Ɔhen N'esiedze

Adu-Gyamfi (2010) kyer[d[tsetse no, esiedze a nna amandze ma ho kwan ma gyaasehen dze sie no wura ɔhen nye tam, nsa, sika futuw a ɔye mpreguan anan, nyimpa bɛye beenu a woewura hɔn supɔw dze menankɔnson na abiredua kɔkɔɔ egu hɔn kɔn mu abɔ hɔn tɔprɛson. Ɔdze n'esiedze du hɔ a, mfoasowahen anaa dɛ ɔkraguarfo a okura sekan a amandze ma no ho kwan ma odzi no dwuma. Sɛ ɔba no dɛm a wɔdze ka ntam kyere ɔhen no na ɔdze hyɛ ne nsa ma ɔdze ka ntam kyere no wura ɔhen no fun no dɛ,

“Mekã ntam dɛ,

Emi na wɔfrɛ me osimesi.

Ɔman yi ne gyaasehen nye emi

Sɛ ɔnnɛ ɔdomankoma owu

Na abɛfa hɛn wura ɔhen dze no kɔ,

Na nkyɛ ɔyɛ ɔko ano na aba dɛ wɔabɛker no ,

Na nkyɛ emi nye Annkɔbea na Apɛsɛmaka,

Dɔmakwaa na Kyidɔm annko anngye no a,

Nkyɛ moto ntam". (Hw[Mintah, 1996).

N'ano si pɛr a nna ɔdze akɔmfo no ato ne tsir dze ne nsa nyimfa asɔbea a sika wɔ no na ɔdze benkum asɔ ano faktor a dadze wɔ no dze etu ntsen. Osu yi ekɔir no ɔdze akɔmfo no ma nyia ɔdze ma no (Amoah, 2017).

Ɔdze n'adzesiedze a okura no no fa ɔkyeame no do dze ma nyia eyi no hyɛ ne nsa. Ahemfo nkaa no so bosua dɛmara a hɔn esiedze ka ho. Edumfo anaa abrafo kyer ɔhen yer, ɔkra anaa ahenkwaa wurawura hɔn supɔw kum hɔn dɛ wɔnkɔsom ɔhen a oewu no. Ne tsitsir no wokum (Dabewnyi, Eguareenyi, Aseranyi, Soodonyi, Ɔfotosamfo na Sanaanyi). Iyi ekɔir no wɔdze oyiwan twerɛw ɔman no nyina tsir do nhwi dze gu ɔhen n'abobow ano ma obiara bɔne tsir ho ntwoma. Dɛm ɔman no nyinara tsir do nhwi a woyi no ase nye dɛ, ɔhen aka nkyen egu yi nky[ɔsɛ dɛ nyimpa nyinara wu kegya no asaman, naaso ammba dɛm ntsi obiara dze sekan ka ne tsir yi ne tsir do nhwi dze tɔ ne tsir dɛ woennku no (hw[Shino, 1997).

Wɔhyɛ da a wɔdze bɛkyer no ato dan mu, mbom wɔmma nyimpa no nntse osiande bia nyimpa no mmpɛ ahen dzi no ntsi otum guan anaa ɔɔɔ hatse. Ber no so a, nyimpa

kakra kɔhwehwɛ beebi a ɔdehye a woribesi no hen no hyɛ, wɔkɛkyer no to kɔn ho na wotutu pɔwda gu no do. Wɔtow asafo kyen do, wɔbɔ no ehumbo bɔɔman adze. Wɔdze no twa ɔhen pusuban ho mpreɔsa na ekyir no woekesian no wɔ pusuban no enyim na wɔyɛamandze biara ɔfata dze no hyɛ ne nananom ewuakɔr na abosom nsa ansaana wɔaso no kɔn ho bio akɔto dan mu (Hwɔ Mintah, 1996; Odoom, 2013).

Wɔdze no to dan mu ndaawɔtwe asaana woepue noma oesua akyerɛ ne mamfoe. Wɔpa no ho tam a ofura anaa dɛ woyi n'atar a ɔhyɛ no ma ɔhembraa no ma ɔdze kesie na wɔdze tam fofor fura no. Sɛ ndaawɔtwe no so dɛ woyi ɔhen no pue ma osua kyerɛ ne man a, ewimbir a adze rebɛkye ma woepue no no, wɔnye no kɔ nkɔnguadan mu dze no tu kɛka ne nananom egua mpreɔsa (Hwɔ Bonsu, 1993).

Beebi wɔdze tam kyekyer n'enyi ma okeyi akɔngua no mu kor. Onnyi dɛ ɔdze ne nsa si akɔngua no mu kor do. Beebi so ɔntse dɛm osiandɛ ebusua no nyim nyia orikedzi n'adze. Sɛ oyi egua no a, otum bɛyɛ ɔhen a ɔtɔdo ebien, ebiasa, anaa anan a ɔaatsena egua no do (Amoah, 2017).

Wɔyɛ amandze dze no tun ka egua no do mpreɔsa nam do dze nananom hɔn sunsum hyɛ no mu. Sɛ wɔdze no tun reka egua no a, ɔbaahembraa a mpreɔn pii no ɔyɛ ɔhen no ne na anaa n'akyerɛbaa no hwɛ dɛ sɛbew ne banyin nnkɛka egua no. Gyedzi nye dɛ sɛ ɔannhwɛ ma ne banyin kɛka egua no a, onnkotum awo; ɔbɛyɛ saadwe. Wowie a woyi mpaa wɔ nkɔnguadan no mu na wɔdze no san kɔto dan mu. Adzekye dɛ ɔwɔ dɛ osuae kyerɛ ne mamfoe a, wɔbɔgua na wɔhyehyɛ ɔhen no gɔsɔɔ tsena apakan mu bɔɔman adze. Sɛ ɔnnye apakanhen a, ɔno ɔnantsew famu bɔ ɔman adze. Wɔbɔ

bɔmbaa na ahenyer ahorow ma ogyina guamu saw dze n'ahoɔfɛw kyerɛ ne mamfo (Tjibeba, 1997).

Odoom (2013) kyer[d[s[wowie a, wɔdze ɔman no n'akomfowa kitsa ne nsamu ma osuae kyerɛ ɔmamfo no de ɔbɛyɛ etuhuakyɛ na setsie ama hɔn wɔ ber biara mu. Sɛ orusuae a, ɔbaahembaa no tsena egua a ɔhen no rebetsena do no do ma ɔhen no suaɛ ma no. Sɛ osuae wie a ɔhembaa no dan egua no ma no ma ɔtsena do. Sɛ ɔyɛ ɔmanhena, ahemfo nkaa no so suaɛ kyerɛ no de wobedzi n'asɛm do akwan nyinara mu. Sɛ ɔhen no rusuae akyerɛ ne mamfoe no a ɔka dɛ;

*Emi Nana Osimesi a moto do ebien, migyina me mamfoe enyim
suae ndɛ dayi. Dɛ sɛ wɔfrɛ me anapa o, ewia o, ewimbir o
Mebɛba. Sɛ wɔfrɛ me na mammba a, moto ɔman ntam. Musuae
miyi yarba. Sɛ wɔfrɛ me na mammba a, nna mesi akomfowa yi ne
tsir adze. (Fieldwork)*

ɔhen no suaɛ mprensɛ, na kor biara n'ewiei no sɛ odu bea a ɔka dɛ“nna mesi akomfowa yi ne tsir adze” no a, nna ɔdze akomfowa a okitsa no n'ano esi famu. Sɛ osuae wie a, wɔma ɔtsena egua no do (Fieldwork).

2.6.4 ɔhen n'eyiyɛ mu amandze

Akanfo hɔn eyi kor a wɔnntoto no ase nye ɔhen n'eyiyɛ. ɔhen yɛ obi a ɔnnyɛ nyimpa kumaa wɔɔman mu, ntsi sɛ owu a mbrɛ wosi dze no wu to gua yɛ soronko koraa. Mpɛn pii no wɔdze owu no ho amandzɛɛ suma kakra na wɔyɛ ho amandze na atɔrmuadze nyinara ansaana ekyir no wɔdze ato gua (Hw[Mintah, 1996; Odoom,

2013). Otum dzi dapɛn anaa mpo bosoom ana wɔda owu noedzi. Siantsir a wɔyɛ dɛm nye dɛ ɔyɛ nyimpa a odzi mu. Sɛ ɔhen wu adza wɔtaa ka nye dɛ 'Nana kɔ ekuraa, Asaase apaa, Menankɔnson esi netsir adze, Odupɔn kɛse etutu anaadɛ Nana akɔdɔm ne mpanyimfo (Hw[Owiredu 1992, Mintah 1996). Sɛ ɔhen bi wu a, wɔma ebusuapanyin n'aso tse. Afei so ebusua dehye no mu mpanyimfo nyinara wɔbɔ hɔn amandzɛɛ. Ɔyɛ a dza yehu nye dɛ mbanyin na mbasiafo nyinara fura kɔben na wotwa asafo.

Ɔhen wu a wɔhyɛ no akyenkyendur dze no to hɔ kakra ama oetum aatoto ndzɛmba yie ansaana wosie no. Ɔnam edur a wɔdze hyɛ no ntsi otum da hɔ bɛyɛ dapɛn na no mboree a ɔnnɛɛ. Dɛm aber yi ohia dɛ obiara bɛyɛ ahwɛyie. Sɛ ipuepue basabasa a, annyɛ a wo tsir bɔtɔ. Ber so dɛ wosie ɔhen no a, wɔdeda no ebien; kor yɛ dza ɔyɛowufo noara, nna kor so yɛ n'ahonyi. Wɔtaa deda ohonyi no wɔ asa do nna wɔdeda owufo noara wɔ piamu. Dɛmara so na wɔyɛ fundaka ebien a wɔdze kor biara bɔto mu. Ber a wɔdeda nana no, ahemfo nkaa no to satsen bɔhwɛ hɔn nua a oenya ne beebi kɔ no. Ansaana wɔbɔhwɛ fun no gyedɛ wotwa oguan dze no bɔgyaa gu abow n'ano ma obiara dze ne nan tsia mu ana oetum akɔhwɛ osiandɛ ɔhen nnhwɛ fun (Fosu 2000).

Sɛ wɔreyɛ ahɛnyi a onnyi dɛ obiara gyaa n'anyɛnbowa ma ɔnantsew basabasa wɔ gua do. Anyɛnbowa biara a obopue gua do no wokum no kwa. Iyi ntsi ɔwɔ dɛ obiara ka n'anyɛnbowa gu buw mu. Dɛm aber no na edumfo enyi ayɛ hyiregyahyiregya wɔ gua do rohwehwɛ obi nye no agor atoprɛ. Ayer a wɔtaa gor no wɔ Mfantseman mu ahɛnyi ase bi nye Fɔntɔmfrɔm, Bɔmbaa, Adenkum na Adzewa. Sɛ wɔreyɛ ɔhen n'eyi

a, asafomba nnyi adagyer koraa. Wɔtotow itur na wɔgor dze kyere de hɔn ɔkofo a odzi hɔn bano wɔ akono no ako ato (Mbiti, 1975).

Nkan no se worikesie ɔhen a, wokum 'ɔkra' na afei nkowaa a wɔwɔ ahemfie hɔ no bi ka no ho ma wɔnye no kɔ asamanadze kɔsom no. Nde mber yi ɔntse dem osiande enyibue aba na aban ne mbra tsia nyimpakum. De mber yedzi kan aka no adaka no ye ebien. Wɔdze ɔhen no no fun no to adaka kor mu na wosie no ahemfie hɔ nna wɔdze ohonyi no so to kor mu kesie no pɔw mu anafua. Anafua aworikesie nana no onnyi dewohyia obiara. Se innyim na ihya hɔn a edumfo no twa wo tsir dze ye amandze. Se worikesie fun no a, edumfo no taa dzi enyim na wɔpaa de, "Wonnhyia o! wonnhyia o! (Crayner, 1985).

ɔhen biara wu a, wɔnnye n'eyi gyede wɔahye n'ananmu ana. ɔhen fofor yi na ogyina ye ɔhen a oefi mu no n'eyi. Eyi da no robɔso a, wɔkaakaa ahemfo nkaa no nyinara ma wɔboaboa hɔn hata ɔhen no n'ekyir fefefew. ɔhen biara reba a ɔdze n'asafomba. Se wɔreye ɔhen biara n'eyi a kurow no butuw koraa. Obiara fura tuntum anaa kɔben na se innyim na eye fitaa kɔ eyi no ase a, asem bɔto wo. Se erehyen kurow bi mu na wɔreye ahenyi wɔ mu a, dza ɔtaa da no edzi nye ahemfo kyim a wɔtaa dze si kurotsia (Odoom, 2013; Amoah, 2017).

2.8 Gyedzi a Akanfo wɔ fa Owu na Ahenyi Ho

Akanfo gye dzi de, nyimpa a wowuwu kɔ samanadze no, hɔnara na wɔsan ba ma wɔwo hɔn bio no. Iyi ntsi, ɔwɔ de wɔye amandze soronko bi dze ma hɔn, de mber ɔbeye na se wɔreba bio a, wɔbeba abɔsoe hɔn bio (Odoom, 2013).

Opoku (1978) kyere de owu da ho ma obiara dze naaso wogye dzi de ohen nnwu da. Ono ntsi se ohen bo fa a, wadze kasambirenyi nsem dze dzi dwuma (Kastenbaum, 1977; Wiredu, 1992; Onyewuchi, n.d.; Rahner, 2011). Kasambirenyi nsem a woka no bi nye, nana ko ekuraa, odupon kесе etutu, asaase apaa na dza okеka ho. Atormuadze a woye no ahyese, finimfin na ewiei no nyinara dzi dase kotoo de wowo gyedzi soronko bi w] ahemfo eyiye mu. Akanfo gye dzi de ohen biara ne tegyirama mmprow. Wogye dzi de ohen biara dze n'ano dzi nsempa.}no ntsi se ofi wiadze a, ne nsem pa no dze omamfo bekaa no dabaa dze eedzi dwuma wo h]n daa daa asetsena mu.

Bio, Kastenbaum (1977), Wiredu (1992) kyere de Akanfo gye dzi de ohen biara kotoa n'ahendzi do wo samanadze. Ono ntsi na se worikesie no a, wonnsie no enyimkan na wosie no anafua beye duebien roko no. Tsetse no se worisie ohen a, nnye nanko na wogya no kwan ma oko, na mbom wadze okra ka no ho. Dem atormuadze ahorow yi da no edzi ma yehu de Akanfo wo gyedzi kesenara wo owu na ahenyi ho.

2.9 Adwenmusem a Dem Nhwehwemu Yi Gyina Do

Dem nhwehwemu dwumadzi yi gyina Hymes (1974) kasa ngyinadosem no do. Dem tiori yi hwe de se obi bue n'ano de okеkasa a nnye asem no a onyia no dze roto gua no nkotsee na ohia, na mbom otwar de yehwe ndzamba bi tse de: Ber na bea a onyia no dze ka asem no? Woana anaa nyimpakuw ben na onyia no nye hon rekasa?Botae ben na okasafo no gyina do? Ebenadze na odze asem no reye anaa rikesi?}kwan ben do na okasafo no reka asem no? Nyee anaa ndze su b[n na odze rekasa? Anaa eb[n tsebea na okasafo no wo mu wo ber a nna okеkasa no?}kasa potsee a odze ridzi dwuma anaa

ɔdze ka n'asɛm no (dɛ ɔyɛ Mfantse, Twi, Borɔfo anaadɛ French) na kwan a ɔdze kasa no refa do, dɛ ɔyɛ anokasadwin, akyerɛw kasadwin anaadɛ kasafir do.

Bio otwar dɛ yɛhwɛ dɛ asɛm pɔtsee a onyia no reka no, Akanman mu no yetum dze dɛm bagua mu kasa anaadɛ kasadwin pɔtsee no to gua mbrɛ ɔtse noara anaadɛ yetum fura no tam kakra. Otwar dɛ yɛsan hwɛ kasadwin pɔtsee a onyia no dze roto gua no dɛ ɔyɛ bɛ, nsagu, ayan, osukwadwom, ebisaa na abrɔme na dza ɔkeka ho. Hymes (1974) no dwumadzi no kasa fa ber pa na ber bɔn a otwar dɛ ɔdasanyi biara dze asɛm pɔtsee anaa kasadwin bi to gua. Ɔda no edzi dɛ nkitahodzi mu no, otwar dɛ onyia no a ɔrekasa no hu mbrɛ hɔn kasa no n'amambra si tse na ohu kwan a wɔfa do dze dzi dwuma so.

Hymes (1974) da no edzi pefee dɛ, ansaana yɛbɛka dɛ obi n'ano atsew wɔ kasa bi mu no, gyedɛ onyia no yɛ obi a ɔwɔ nyimdzee papaapa wɔ ber na bea a ɔsɛ fata dɛ ɔdze n'asɛm to gua. Siantsir a mefaa dɛm tiɔri yi nye dɛ Akanfo eyiyɛ gyina kasa do. Kasa na Akanfo nam do dze eyiyɛ mu amandze na ntotoe nyinaa to gua. Ɔno ntsi na menam do faa dɛm adwenmusɛm yi dze dzii dwuma no. Hymes (1974) abɔ dɛm nsɛm yinom nyina pɔw wɔ Borɔfo kasa mu ayɛ no "SPEAKING Theory".

2.9.1 'SPEAKING THEORY' no ne Nkyerɛkyerɛmu

Dɛm ɔfa yi kyerekyerɛ Hymes (1974) kasa nkitahodzi nhyehyɛɛ ahorow a ɔato no dzin 'SPEAKING' no mu.

(a) *Setting*: Ber na Bea

Iyi ye hwe bea na ber pɔtsee a obi dze asem roto gua. Akan amambra ben anaade eɓenadze pɔtsee na nna ɔrokɔ do ma ɔkaa ɔkasafɔ no n'adwen ma ɔdze dem kasa no dzii dwuma. Nsem a wɔda no edzi wɔ eyiyɛ ase no no mu dodowara gyina tsebea a ebusua, okunafo, mba na adɔfo akɔ mu no do. Bea no tum ye eyiadze hɔ, ebusua fie, ahemfie, esiei anaa banmu na dza ɔkeka ho. Tsetse no sɛ obi wu a, ɔman no tum si etumpan/ayan do anaa bɔ dawur ma ɔmamfo nyina asowa tse.

(b) **Participants – Ahemfo na Eyiazemba**

Iyi kasa fa nyimpa a woetwa ehyia mu wɔ eyiadze hɔ no ho. Nyimpa anaa dɔm a wɔba eyiadze hɔ no dɔɔ so a binom ye ahemfo anaa nananom atsenankongua, ebusuafo, agofomba, frɔmfo, adɔfo, mba, okunafo na ɔmamfo nyinara. Yewɔ nyimpa beenu anaa baasa a wogyina hwe ma eyiadze dwumadzi no nyina kɔ do tɔɔtsen. Sɛ ɔba no dem a, hɔn a wɔaka nyina ye etsiefo. Dem akasafɔ yi na wɔhwe gyegye nsawabɔdze no na wɔtow ma mba, okunafo, ebusua na ɔman no. Hɔn kor yi ara so na ɔmamfo dze hɔn nsem fa hɔn do ma wɔtow ma hɔn. Dem nkorɔfo yi taa ye mbanyin, na ɔɔfabi so a mbasiafo so forafora mu. Hymes (1974) kyere de otwar de hɔn a wogyina bagua mu rekasa no hwe nyimpa a wɔnye hɔn edzi ehyia no na wɔhwe ber na bea a wogyinae no ansaana wɔakasa. Onnyi kwan de wobue hɔn ano ara anna wɔrekasa.

(c) **Ends: Botae**

Dem fa yi kasa fa botae a osi ebusuafo a wɔreyɛ eyi no hɔn enyiwa do dɛ ɔbɛba mu wɔ eyiyɛ no n'ewiei. Nyimpa biara rekasa a, ɔwɔ adwen bi taa ekwir, na ɔno na ɔhwehwɛ dɛ ɔbɛba mu ama no wɔ ne kasaa no ekwir. Ebusuafo biara a wɔreyɛ hɔn dehyee n'eyi no hɔn botae nye dɛ wobegya no kwan fɛfɛfɛw ma hɔn dehyee no ekopue samanadze asomdwee mu. Ɔno ntsi wɔfa kwanhorow a ɔma adze anaa dwumadzi bi yɛ fɛw do dze yɛ eyi no.

Wotum fa 'systems', yɛ owufo no no ho mfonyin femfam anaa tetar ban ho, kɔbɔ ho dawur wɔ kasafir do, twa atam na ntar, bɔ eguradze, tɔ adaka, fa 'brass band', frɔm na agodzifo ahorow, yɛ edziban asorɔtow, nsa na no mu 'take away' dze ma akwangyasom no dzi mu. Dem dwumadzi yinom nyina no botae nye dɛ wɔbɛma hɔn dehyee a oefi mu no n'akwangyasom anaa eyiyɛ no ayɛ fɛw ma ɔmamfo so ehu dɛ onyia no baa wiadze anaa asaase yi do no, ɔbɔbɔɔ bra na ɔbɔsoɛɛ ebusua papa so mu.

(d) Act Sequence: Kasa no ne Nhyehyɛɛ na No Su

Dem ɔfa yi kyere kasadwin pɔtsee a wɔdze ridzi dwuma no ne nhyehyɛɛ (ahyɛse, finimfin na ewiei) na kasasu ahorow a wɔdze dzi dwuma wɔ mu. Eyiyɛ wɔ ahyɛse, ɔno na yɛfrɛ no **dɛtseyi** no, finimfin no na yɛfrɛ no **sikasa** no, na ewiei no nye **kabu na adzedzi** no. Kasa kwan do no, otwar dɛ ɔkasafɔ no ne kasaa no dzi Akan kasa mbra no do pɛpɛpɛr. Eyiyɛ mu no, yɛwɔ mbre yesi su kwadwom, kenkan ewufosom nwoma, saw anaa yɛ ndzeyɛɛ. Ndzeyɛɛ ahorow a yɛyɛ no eyiyɛ mu no ma ɔda edzi

kotoo de yewo awereshow mu. Asembisa nye de, ebenadze ntsi na eyiye mu no yefa dem kwan yi nyina do dze dzi dwuma? Mbuae nye de adze woye no n'ano n'ano na se awereshow ba a, wonnhyehye ndzamba do, woto bo ye ma ekowie asomdwee mu.

(e) Key: Tsebea a Eyiyefo no wo mu na Ndzesu a Wodze Dzi Dwuma

Iyi kyere okasafo bi anaa okyerewfo bi ne tsebea anaa yebeta na ndzesu potsee a odze ridzi dwuma wo kasadwin no mu. Akanman mu no, se owu to fie a, nna awereshow aba. Ono ntsi tsebea a ebusufo, okunafo na mba na eyiyefo no nyinara ko mu ye awereshow na enyiber. Osu na awereshowdzi mmpa hon tsir do da. Se worutwa kwadwom ama owufo bi a, osufo no tum dze ne nsa gu ne tsir do, deda fam purupurow, dze ne nsa kyere wimu kyere de odan Nyame, ne nsa bobo n'akoko dze kyere d[ono na ampaara dem asenyaw yi ato no yi na pii a okaka ho.

Afei ndwom ahorow a wototow no eyiadze ho nyinara ye dza ofa owu ho. Ndze a wodze kasa nyinara ye awereshow. Tributu akenkan mu no, okenkamfo no ye ne ndze no awereshow kwan do de mbre obeye a obenya atsenka wo etsiefo no do. Afadze a owo eyiyefo no ho nyinara dzi dase de wowa awereshow mu, osiande hon dehyee efi hon nkyen ko.

(f) Instrumentalities: Okwan a kasa no fa dokoto gua

Dem kwan yi tum ye radio, ayan anaa etumpan, dawurbu, Tv, mfonyinye krataa a wotsintsim dze tetar aban ho na 'information centre' ahorow a obi fa do dze n'asem to gua. Eyiye mu no, wonam dem akwanhorow yinom nyinara do to nkra ma omamfo tse dza esi. Bi mpo wo ho a, wodze nsa kesi eyi. Nde mber yi so se obi bo fa a, wotum

dze kɔ kasafir do kɔbɔ ho dawur ma amansuon nyinara tse. Wɔdze kɔ 'Tv, Radio na Social Media' nyinara do. Owufo no ho nsem a wotsintsim gu krataa do ka no mfonyin ho no yɛ bea kor a mutumii nyaa nsem. Wotum dze kasa bi tse dɛ bɛ, kasambirenyi, osukwadwom, ndwom na nsɛnkyerɛdze ahorow dzi dwuma.

(g)Norm: Kasadwin no ho Mbra na ne Nhyehyɛɛ

Iyi yɛ mbra na nhyehyɛɛ a ɔbata nyimpa bi ne kasaa na ne kasadwin ne nkae ho. Kasa ho mbra na ne nhyehyɛɛ yi tum kyekyer etsiefo, bɔhwɛadzefo na nyimpa a woetwa ehyia hɔ no nyina. Iyi boa ma wɔnnye biribi nntsia hɔnho wɔ dwumadzi a ɔrokɔ do no mu. Nnye ber na bea nyina na yetum ka nsem pempen. Sɛ owu tɔ fie a, mpanyimfo hwɛ ber na bea a asem no sii wɔ mu ansaana wɔdze ato gua. Sɛ bi a okunafo no wɔ tsebea bi mu a, wotum kora asem no kyɛr ansaana wɔama n'aso atse. Sɛ owufo no yɛ ɔhen a, ɔno bɛyɛ ndaawɔtwe dze kɔ no bosoom do na wɔnndaa no enndzi nnkyerɛɛ ɔmamfo. Siantsir nye dɛ ɔyɛ nyimpa a odzi mu.

Akan eyiyɛ ho wɔ mbra na nhyehyɛɛ ahorow pii. Sɛ wo dehyee tɔ a, otwar dɛ okunafo a ɔtse awar ho no bɔ ne mpanyimfo amandzɛɛ ma hɔn so wɔdze kogu owufo no n'ebusuafo enyim. Ebusuafo no na okunafo no ka bɔ mu kɔbɔɔdzekurow amandzɛɛ ma ɔnam do ma ɔmamfo so aso atse. Dem nhyehyɛɛ yinom nyina otwar dɛ ebusua no dzi do. Nnye iynom nko, nhyehyɛɛ bi tse dɛ mɔkyersie, adakatɔ, esiedze, edzibanyɛ na dodowara a ɔkeka ho nyinara otwar dɛ okunafo na mba na ebusuafo nyinara tse na ase dwendwen ho dzi ho anobaabaa ma osi pi ma p[rp[ry[na asomdwee ba (Fieldwork).

(h) **Genre: Bagua mu kasa nkyekyemu**

Iyi hwe mbrɛ nyimpakuw bi si kyekye hɔn kasadwin ahorow mu ekuwekuw, dɛ bi a, kasabɛbu, anansesɛm, osukwadwom, nsagu, amoma, kasambirenyi, abakɔsɛm anaa tsetsesɛm, nsɛnkyerɛdze ahorow a ɔkasa, ndwom, nsɛm a obi etsintsim na dza ɔkeka ho. Eyiye mu no, yehyia dɛm kasadwin ahorow yi dodowara wɔ mu. Yehyia osukwadwom, ndwom, nsagu, amoma, bɛ, abakɔsɛm, kasambirenyi, mpanyin kasa na nsɛkyerɛdze a ɔkasa bi tse dɛ ayan, frɔm, kɔɔgyan a ɔsensɛn kurom na ndzɛmba ahorow pii.

2.9.2 Siantsir a medze }KASA TI}RI (SPEAKING THEORY) yi dzii dwuma

'SPEAKING THEORY' ye anafanu. Nnye kasa nkotsee na otum kyerekere mu na mbom otum kyerekere kasadwin no nkorabata ahorow no bi so mu. Akan eyiye mu no, dwumadzi anaa nyehyee beberee na ɔye a ɔko mu a annhwe a nhwehwemu dwumadzi yi rennka ho asem. Naaso se mefa dɛm tiɔri yi a, ɔbema mato mo bo akyerekere dɛm dwumadzi ahorow no nyina mu ma ekowie dɛ, eyiye dzi nyehyee pɔtsee bi do. Tiɔri yi besan aboa ma yeehu mbrɛ Akanfo si ye hɔn eyi, amandze ahorow a ɔda edzi wɔ mu na kasadwin kwan a wɔfa do dze asem bi to gua. Tiɔri yi bɔboa ahyehye Akan eyiye ndzidzido ndzidzido ma nhwehwemu dwumadzi yi ne ntseasee aye mberew na enyika.

2.10 }fa yi T]fab]

Dɛm ɔfa yi akasa afa owu na eyiye ho na atwe adwen esi kwan a Akanfo fa do ye eyi na amandze anaa kusum ahorow a ɔko do wɔ mu ho. ɔfa yi kasae faa amandze na

amambra, owu na ndzɛmba bi a otum dze owu ba ho na ɔtwee adwen sii owupa anaa akrawu na atɔfowu do. Iyi ekyir no, ɔkyerɛkyerɛɛ mu ma yehun kwan a Akanfo fa do yɛ akrawu na atɔfowu ho eyi, nye amandze ahorow a ɔkɔ do w] akrawu anaa owupa na atɔfowu eyiy[mu. Ɔfa yi rokɔ ewiei no ɔtwee adwen sii ɔhen n'asodzii na gyedzi a ɔmamfo wɔ no wɔɔhen mu na mbrɛ wosi yɛ ɔhen n'eyi. Afei, ɔtwee adwen sii gyedzi a ɔmamfo wɔ fa owu na ahenyi ho, na ɔkyer[ɛ mu d[Akanfo wɔ gyedzi bi dɛ sɛ ɔhen wu a, ɔkɔtoa n'ahendzi do wɔ samanadze. }fa a ɔtɔ do ebiasa mu no, bɛkasa afa kwan a mefaa do nyaa nsem yɛɛ nhwehwɛmu dwumadzi yi.



}FA EBIASA

}KWAN A MEFAA DO NYAA NS{M Y{{ NHWEHW{MU YI

3.0 Nyienyim

}fa a ɔtɔ do ebiasa yi kasa fa kwan a mefaa do nyaa nsem yɛɛ me nhwehwɛmu yi. Ɔfa yi mu no, mobɔhwɛ nhwehwɛmu yi no su, bea a nhwehwɛmu yi kɔr do na nyimpa

pɔtsee a menye hɔn dzii dwuma no. Ɔkwan a mefaa do yii nyimpa a menye hɔn dzii dwuma no na akwan ahorow a mefaa do nyaa nsem dzii dwuma no.

3.1 Nhwɛhwɛmu Yi No Su

Mo nhwɛhwɛmu dwumadzi yi yɛ nsenkyerɛkyerɛmu nhwɛhwɛmu a ogyina nsem pɔtsee bi do. Menam dɛm kwan yi do dze mo botae no too ɔmamfo enyim ma hɔn so wɔboaa me. Kothari (2004) kyere mu pentenn dɛ dɛm nhwɛhwɛmu kwan yi do na nhwɛhwɛmuyɛnyi no nam do tum bisabisa nsem bi tse dɛ, eɛnɛnɛn ntsi, ɔkwan bɛn do, ber bɛn, henfa na dɛm asem no osii, dze boa ma otum twa bea a dɛm asem no sii ho mfonyin kyere ber a ɔnye ɔkasafɔ no rotwetwe nkɔmbɔ no. Menam dɛm kwan yi do paaw nyimpa a wobotum aka biribi afa mo nhwɛhwɛmu dwumadzi yi ho dɛ mbrɛ Dawson (2002) dze to gua no. Menam dɛm kwan yi do hyehyɛɛ mo dwumadzi no nsentsitsir ahorow dɛ mbrɛ ɔye a obesi mo botae no do tadia. Nsem a metsee na dza muhunii nyinara moboabooa ano dze dzii dwuma.

Nhwɛhwɛmu dwumadzi yi mu no, mankyerɛw me nsem a mikebisaa ɔmamfo no enngu nkrataa mu, na mbom menye hɔn twetwee nkɔmbɔ na mekyeer hɔn anomusem nyinaa guu efir do. Siantsir a mankyerɛw me nsem no amma nkorɔfo a menye hɔn dzii dwuma nye dɛ, binom wɔ hɔ a wonnyim akyerɛw na akenkan ntsi ɔbɛyɛ dzen dɛ wobohu dza merepɛ akyerɛ. Hɛn nkɔmbɔtwetwe mu no, mutum nya nsem bi a mpo memmbisa hɔn ho asem. Nyimpa no hɔn ndzeyɛɛ na kwan a wofa do kasa nyinara ma nhwɛhwɛmu no wiee mudzi papaapa.

3.2 Nyimpa a me nye Hɔn Dzii Dwuma wɔ Nhwɛhwɛmu yi mu

Dɛm nhwɛhwɛmu dwumadzi yi fa Akanfo nyinara ho. }no ntsi nyimpa a medze hɔn dzii dwuma no nyinara yɛ Akanfo. Nyimpa no bi yɛ Mfantsefo, Esuantsefo na Ekuapemfo. Osiandɛ dɛm Akan kasakuw ebiasa yi nnyi mantɔw kor mu ntsi, medze m'enyi sii mansin bi a wɔka dɛm Akan kasa nkorabata yi bi wɔ hɔ do.

Mfantseman mu no, medze m'enyi sii Mfantseman, Abura Asebu Kwaamank[se na Oguaa mansin do na mepaaw nkorɔfo a medze hɔn dzii dwuma no fii nkurow bi tse dɛ Egyaa, Odonase, Oguaa na Egyirkrom. Esuantse nso miyii nyimpa a medze hɔn dzii dwuma no fii Asante Kɔkɔben nna Asante Kaase. Ekuapemman mu so, miyii mo nkorɔfo no fii Aburi na Mampɔn Akuapem. Siantisir a mefaa nyimpa no fifii mbeambea nye dɛ, nna mepɛ dɛ muhu mbrɛ dɛm nyimpakuw yi nyina si yɛ ahenyi na iyi bɛma meehu nsɛdzi na sorbisorbi a ɔdeda hɔn amandze na kusum ahorow ntamu.

Mekyɛɛ nyimpa a medze hɔn dzii dwuma no mu ekuw ebien. Hɔn a hɔn dwumadzi fa eyiyɛ ho na wɔboa ma eyiyɛ no tum kɔ do na hɔn a hɔn dwumadzi nnye eyiyɛ nnyi twaka biara. Miyii nyimpa du (10) fii kasakuw biara mu na medze hɔn dzii dwuma yi. Iyi kyɛɛ dɛ dwumadzi yi nyinara mu no, medze nyimpa eduasa (30) na medze hɔn dzii dwuma yi. Ma y[nhw[Pon 1 no do.

Pon 1: Kasakuw a mepawee na h]n dodow

Kasakuw	Nyimpa dodow	}ha mu nkyekyɛmu (%)
---------	--------------	----------------------

Mfantsefo	10	33.3%
Esuantsefo	10	33.3%
Ekuapemfo	10	33.3%
Mboano	30	100%

Mfantseman mu no, mepaaw nyimpa beenu (2) wɔ Egyaa, beenu (2) fi Odonase, baanu (2) so fi Egyirkrom nna baanan (4) so fi Oguaa. Esuantseman mu so mefaa nyimpa beenum (5) w] K]k]ben na beenum (5) so w] Kaase. Ekuapem so, mefaa nyimpa beenum (5) fii Aburi na beenum (5) so fii Mamp]n Akuapem. Hom mma y[nhw] Pon 2 no do.

Pon 2: Nkurow nye nyimpa dodow a mepawee

Kasakuw	Nkurow	Nyimpa dodow	}ha mu nkyeky[mu %
	Egyaa No. 1	2	6.67
	Odonase	2	6.67
Mfantsefo	Egyirkrom	2	6.67
	Oguaa	4	13.33
	Asante K]k]ben	5	16.67
Esuantsefo	Asante Kaase	5	16.67
	Aburi	5	16.67
Ekuapemfo	Mampong Akuapem	5	16.67

Mboano	30	100
---------------	-----------	------------

Siantsir a mefaa dɛm kwan yi do nye dɛ, nna mepe dɛ mo dwumadzi no nyina da edzi wɔ Akan kasakuw ahorow no nyina mu ma yehu sorbi-sorbi a ɔdeda hɔn ntamu na nsɛdzi a ɔwɔ mu.

Nyimpa eduasa a mepawee no, mefaa mbanyin duenum (15) na mbasiafo so duenum (15). Hw[Pon 3. No do.

Pon 3: Nyimpa no Hɔn Bɔbew

Kasa	Nyimpa Dodow	}ha mu nkyekyɛmu (%)
Mbanyin	15	50%
Mbaa	15	50%
Mboano	30	100%

Siantsir a mefaa mbanyin duenum na mbaa duenum no nye dɛ nna memmpɛ dɛ mebɛyɛ nyimpasu nyiyimu.

Mbanyin duenum (15) a hɔn mu mpanyimfo a woedzi mfe bɛyɛ eduanan kesi eduow]twe aw]twe (40-88) yɛ baakron (9) na mbabun a woedzi mfe bɛyɛ duawɔtwe kesi eduasa enum (18-35) a wɔyɛ beesia (6) na medze hɔn yɛɛ nhwehwɛmu yi. Mbaa duenum a mefaa hɔn no, nna hɔn mu baakron (9) yɛ mpanyimfo a w]n mfe fi eduanan biako kesi eduow]twe ebiasa (41-83) na beesia (6) so yɛ mbabun a h]n mfe fi duenum (15) kesi eduasa ebien (15-32). Siantsir a mpanyimfo d]] so sen mbabun

no nye d[mpanyimfo wə suahu wə abrabə na amandze mu kyɛn mbabun. Hom mma y[nhw[Pon 4 no do.

Pon 4: Nyimpa a mepaaw h]n no h]n b]bea, h]n su na h]n mfe

B]bea	Su	Nyimpa dodow	Mfe	}ha mu nkyeky[mu %
	Mpanyimfo	9	40-88	30
Mbanyin	Mbabun	6	18-35	20
	Mpanyimfo	9	41 -83	30
Mbasiafo	Mbabun	6	15-32	20
Mboano		30	15-88	100

Dzibew mu no, mepaaw ahemfo beesia (6), ahembraa beesia (6) na ebusuapanyimfo baanan (4). Afei, tamt]nfo, kapentafo, adzepamfo, akyerekyer[fo, ekuafɔ, fundedafo na skuulfo h]n mu biara nyimpa baanu (2). Hom mma y[nhw[Pon 5 no do.

Pon 5: Dzibewdzifo na h]n dodow

Dzibew	nyimpadodow	}ha mu nkyeky[mu %
Ahemfo	6	20
Ahembraa	6	20
Ebusuapanyin	4	13.3
Tamt]nfo	2	6.67
Kapentafo	2	6.67
Adzepamfo	2	6.67

Akyer[kyer[fo	2	6.67
Ekuafɔ	2	6.67
Fundedafɔ	2	6.67
Skuulfo	2	6.67
Mboano	30	100

Kwan a mefaa do paaw dem nyimpa yi nye de, kurow biara a mokor do no, menyɛ dem nkorɔfo kuw mu biara dzi nsawodo. Demara na funksiefo so menyɛ hon kotwetwee nkombɔ. Kwan a mefaa do daa dem ofa kumaa yi edzi no na mabɔ no taw wɔ pon ahorow a odzidzi do yi mu no.

3.3 }kwan a Mefaa Do Nyaa Nsem Dzii Dwuma Yi

Menam akwan etsitsir ebien do na minyaa nsem dzii dwuma yi. Dza odzi kan nye nsem a marankasa moboaboa ano dze dzii dwuma yi. Dza otsia ebien nye nsem a minyaa fii amamfo hon nwoma n'ewiei (appendix) mu. Minyaa nsem fii akyerewfo binom hon nwoma mu, dza wakyerew no wɔ nwoma na dza woetsintsim egu abaefer ntanetse do nyinara. Dem kwan yi boaa me ma minyaa nsem a odzi mu dze dzii dwuma yi. Nsem a marankasa moboaboa ano mu no, menam kwan a odzidzi do yi do na meyee.

3.3.1 Ahwɛɛ

Ɔkwan kor a mefaa do nyaa nsem fii afofor nkyɛn yɛɛ mo nhwehwɛmu yi nye ahwɛɛ. Medze sii m'enyiwa do pɛɛ dɛ mobɔhwɛhwɛ kwan a ɔmamfo binom fa do yɛ hɔn eyi. Ne dɛm ntsi nna mepɛ dɛ medze m'enyi to famu hwɛ mbrɛ nyimpakuw binom si yɛ hɔn eyi. Ahwɛɛ mu no, otum ba dɛ nyia ɔreyɛ nhwehwɛmu no gyina nkyɛn beebi a ɔmmfa no ho nnhyɛ dwumadzi a ɔrokɔ do no mu na mbom ogyina beebi hwɛ dza ɔrokɔ do no sua ho biribi a ɔbɔboa no wɔ no nhwehwɛmu no ho.

Ɔkwan fofor a ɔwɔ h] pɔtsee no, gyedɛ ɔdze noho hyɛ dwumadzi a ɔrokɔ do no mu bi ansaana oenya nsem a odzi mu dze edzi no dwuma. Iyi mu no, bosoom biara n'ewiei mu no, mokɔ nkurow a mepaaw hɔn dwumadzi yi mu no do kɔhwɛ mbrɛ wosi yɛ hɔn eyi ne tsitsir Fida na Memenda. Akanfo nda a wɔdze yɛ eyi hyɛ ase fi Fida na Memenda dze kesi Kwesida. Eyi no bi wɔ hɔ a medze mo ho hyɛ dwumadzi no mu na bi so wɔ hɔ migyina nkyɛn hwɛ dza ɔrokɔ do. Nkurow no bi wɔ hɔ a mokɔhwɛ mbrɛ wosi deda ewufo no, adaka a wɔdze risie fun no, agofomba ahorow, frɔm no mbɔɛ, mbɛntsia na mbɛnsuon ne nhyɛnee na dza ɔkeka ho.

Dɛm anamɔntu yi boaa me ma minyaa nsem a odzi mu dze yɛɛ me nhwehwɛmu no. Nyimpa a wɔyeyɛɛ hɔn eyi no bi yɛ ekuafɔ, ahɛmfɔ, akyerɛkyerɛfɔ, adrabafo, mbaahembaa na hɔn a wɔkeka ho. Eyi no bi wɔh] a hɔn ebusuafo no nyina tum twa tam na ntar kor hyɛ. Iyi mu no, wɔdze owufo no no mfonyin to tam na atar no mu na wɔkyerɛw ne dzin gu ase. Adze kor a ɔwɔ nhwɛɛ ho nye dɛ, ɔboaa me ma minyaa nsem a memmbisa obiara. Adze kor a ɔhaaw adwen kakra nye nkorɔfo a ɔtɔfabi a

wosiw m'enyim ma munnhu dza ɔrokɔ do naaso ber a menyɛ hɔn nyaa nkitaho no wɔtsee me ase ma midzii dɛm ɔhaw yi do konyim.

3.3.2 Nkɔmbɔtwetwe

Menam nkɔmbɔtwetwe kwan do nyaa nsɛm dzii dwuma yi. Siantsir a medze dɛm nhwehwɛmu kwan yi dzii dwuma nye dɛ ɔbɔboa me ma menyɛ akasafo no enya nkitahodzi a nna magye nsɛm no efi hɔn nkyɛn prɛkopɛr. Akasafo no nyinaa kyerɛɛ hɔn adwen fa dza wonyim no ahenyi na gyedzi a ɔtaa ekwir ho. Nkɔmbɔtwetwe no mu no, medze "VN-702 PC Olympus Digital Voice Recorder" efir kyerɛ nkɔmbɔtwetwe nyinaa na mokɔbɔɔ no fie tsiee nsɛm no nyina. Sɛ mudu fie a, mobɔ efir no tsie na mekyerɛw nsɛm no nyinara gu krataa mu. Adze biara a otwar dɛ nna meyɛ no wɔ efir no ho no, meyɛɛ ma mo dwumadzi no kɔr do dwuodwoodwo.

Sɛ menyɛ akasafo no rotwetwe nkɔmbɔ na mowɔ nsɛm fofor biasa hɔn a, mohom efir no do na mesan toa do ber a makasa ewie na ɔkasafo no riye me nsɛm a mibisae no ano. Menyɛ ahemfo, mbaahembaa, hɔn a wɔdeda fun, akapentafo, fundaka soafo, adzepamfo, ekuafa na nkorɔfo dodowara a wɔkeka ho twetwee nkɔmbɔ a wɔboaa me papaapa. Midzii kan nye akasafo no twetwee nkɔmbɔ faa ahenyi na gyedzi a wɔwɔ taa ekwir ho. Mesanee nye hɔn twetwee nkɔmbɔ faa mbrɛ wosi ye fun ho atɔrmuadze na ndzɛmba ahorow bi a ɔye esumasɛm ma binom dɛ wobohu.

Mfaso a opuee wɔ nkɔmbɔtwetwe no mu nye dɛ, minyaa nsɛm a nna ɔye nokwar turodoo osiandɛ akasafo a menyɛ hɔn dzii dwuma nyinara ye nkorɔfo a nna wonyim Akan amambra na amandze papaapa. Nkɔmbɔtwetwe a ɔkɔr do nyinara medze

Mfantse na Twi kasa krɔngyenn na medze dzii dwuma. Ɔwɔ mu d[nkɔmbɔtwetwe kwan yi boaa me papaapa naaso kwan bi do no, mihyiaa ɔhaw pii. Ɔnye de, mesɛ ber papaapa, akwantu mu nsem na ɔtɔfabi a mbrɛ akasafo no bi besi adandan hɔnho akyerɛ wo no, ye bobor. Naaso mutumii sɔw dem akwambew yi nyina ma mutumii dzi dwuma yi. Nsembisa a opuee wɔ nkɔmbɔtwetwe no mu bi nye dza odzidzi do yi.

1. Woana nye ɔhen?
2. Ɔhen bi ewu ma ehu n'eyiye pen?
3. Sɛ ɔhen wu a, amandze ben na nananom atsenakongua dzi kan ye?
4. Ber ben na Akanfo dze sie ɔhen?

Iyinom na dodow a ɔkeka ho na ɔdaa edzi wɔ nkɔmbɔtwetwe no mu.

3.4 }kwan a Mefaa Do Ye Mpensampensamu No

Ber a medze akwan ahorow a mefaa do nyaa nsem no nyinara wiei no, mibetsie nkɔmbɔtwetwe a ɔkor do no biara nkorkor na mekyerew guu nwoma mu. Dza mebeyɛ no ndaawɔtwe anaa bosoom bi mu no, sɛ meba fie ara pɛr a, na mabɔbɔ etsie na makyerew egu buukuu mu. Siantsir nye de, ɔye efir na ber biara obotum agye no ho anaa asɛɛ. Motwee nsem no nyinara fii Camera no do guu me laptop do na medze y[[dwumadzi no. Afei migyinaa mo dwumadzi yi no botae do kyekyɛ nsem no nsentsisir ahorow mu ma mo dwumadzi yi wiee mudzi. Nsem ahorow a minyae no nyinara, moboaboa ano de mbrɛ mo dwumadzi yi no botae tse dze dzii dwuma yi.

Mohwɛɛ nsem a ɔfa Akanfo hɔn ahenyi ho, ahenyi mu nsunsuando, gyedzi ahorow a ɔbata owu ho na mbre eyiye beye daakye nyinara. Makyerekyere dem nsempɔw yinom nyina mu wɔ ɔfa a ɔto do anan no mu.

3.5 }fa yi T]fab]

Dem ɔfa yi ahwe kwan a mefaa do yee nhwehwemu yi. }fa yi mu no, mehweɛ nhwehwemu yi no su, nyimpa a menye hɔn dzii dwuma yi na kwan a mefaa do nyaa nsem dzii dwuma yi. Mekyerɛɛ mu de menam nsem a mankasa moboaboa ano na dza minyaa fii afofor nkyen na medze dzii dwuma yi. Menam ahweɛ na nkɔmbɔtwetwe kwan do nyaa nsem a odzi mu yee nhwehwemu yi. Minyaa nsem no bi wɔ ahemfo, mbaahembaa, akapentafo, hɔn a wɔdeda fun na ebusuampanyimfo binom nkyen.

}fa a ɔto do bio no bɔhwe mbre mibesi apensampensam nsem a minyaa fii dza moboaboa ano na dza minyaa fii afofor nkyen no mu.



ƆFA ANAN

DWUMADZI YI NYINA HO MPƆNSAMPƆNSAMU

4.0 Nyienyim

Dɛm ɔfa yi kasa fa nsembisa ahorow a ɔtɔɔ gua wɔɔfa a odzi kan no mu no ho. Ɔtwe adwen si mbrɛ Akanfo si yɛ hɔn ahenyi, gyedzi a wɔwɔ taa ekwir no na nsunsuando a ɔwɔ do ho. Nkyerɛkyerɛmu ahorow a ɔda edzi wɔ dɛm ɔfa yi mu nyina yɛ nsem a ɔkasa fa Akan eyiyɛ na ahenyi ho. Mbrɛ mesi ahyehyɛ dɛm ɔfa yi nye yi. Ɔfa kumaa

4.1 kasa fa gyedzi ahorow a Akanfo wɔ fa owu na eyiyɛ ho. Ɔfa-kumaa **4.2** no so kasa fa kwan a Akanfo fa do yɛ ahenyi ho, na ɔfa-kumaa **4.3** no kasa fa nsunsuando a ahenyi nya wɔmamfo hɔn asetsena na hɔn abrabɔ do ho. Dɛm nsɛm yi nyina ne nkyerɛkyerɛmu gyina Hymes (1974) 'SPEAKING THEORY' no do. Afei ɔfa-kumaa 4.4 no yɛ mpɛnsampɛnsamu no nyinaa n'ewiei anaa no tɔwbɔ.

4.1 Gyedzi Ahorow a Akanfo wɔ fa Owu na Eyiyɛ ho

Owu ka nyimpa n'abrabɔ ho. Dɛ mbrɛ wɔwo nyimpa a wɔyɛ abadzintosom ma no dze gye no awaawaa etuu no, dɛmara na sɛ dɛm nyimpa no ne bra sa na owu a, wogya no kwan. Dɛm akwangyasom no na Akanfo no frɛ no eyiyɛ no. Eyiyɛ yɛ amandze bi a Akanfo fa do dze gya owufo bi kwan (Odoom, 2013:178). Akanfo gyedzi kor nye dɛ sɛ obi wu a, onyia no kɔtoa n'abrabɔ do wɔ samanadze, ɔno ntsi otwar dɛ wɔyɛ akwangyasom soronko bi dze gya no kwan ma okopue hɔ enyimnyam mu. Osiandɛ dɛm ber yi y[ber soronko a otwa tun wɔ owufo no n'abrabɔ mu ntsi wɔdze enyidzi na obu soronko ma owufo no dɛ mbrɛ Hymes (1974) da no edzi no. Sɛ yɛhwɛ Hymes (1974) 'SPEAKING THEORY' no mu a, yehu dɛ dɛm ber yi yɛ awerɛhow ber na ɔyɛ ber so a otwa tun wɔ owufo no no wiadze abrabɔ mu. Ɔno ntsi otwar dɛ kasa a wɔdze dzi dwuma fa owufo no ho no yɛ dza ɔyɛ enyidzi kasa. Wɔnnka owufo no n'ekyir nsɛmbɔn. Gyedzi nye dɛ asem biara a wɔbɛka no botum enya no do nsunsuando wɔ samanadze hɔ. Ɔno ntsi otwar dɛ wɔka kasa pa nkotsee ama hɔn dehyee no eenya enyimnyam na dzin pa wɔ samanadze. Gyedzi ahorow a Akanfo wɔ fa owu na eyiyɛ ho no na mahyehyɛ no ndzidzido ndzidzido wɔ ase ha no.

4.1.1 }kra no kɔ Nyame Nkyɛn

Akanfo hɔn gyedzi kɛse kor a ɔfa owu ho nye dɛ se obi wu a, ɔkra a ɔtse no mu a ɔma no ahom no kɔ no Bɔfo nkyɛn. Dza merepɛ akyerɛ nye dɛ ɔkra anaa sunsum a ɔma owufo no yɛ nyimpa no efi no mu. Sɛ sunsum no fi no mu a, ɔkɔ Nyame a Ɔbɔɔ no no nkyɛn. }no ntsi na Kristianfo gyedzi dɛ owu yɛ mfaso ma kristiannyi biara no. Akanfo gye dzi dɛ ɔkra a ɔtse nyimpa biara mu no yɛ sunsum. Dɛm sunsum no na ɔma nyimpa ahom na ahoɔdzen. Ɔno ntsi sɛ ahom no sa a, nna aka ndɛtsetɔw a Nyankopɔn dze bɔɔ nyimpa no. Dɛm tsebea yi na yɛfrɛ no owu wɔ asaase yi do no. Kristiansom mu dze, Baebor no frɛ no nda.

Sɛ ɔkra a ɔtse nyimpa no mu no wu anaa fi no mu a, nna nyimpa no adan fun (Prempeh, 2009). Sɛ yɛdze Hymes (1974) tiɔri no repensampensa dɛm gyedzi yi mu a, yebohu dɛ dɛm ber yi awerɛhow aba. Asem no tum si wɔ fie, ayarsabea, haban mu, lɔrekwan do anaa bea pɔtsee bi. Onyimpa no tum wu yarbawu anaa nya lɔre akwanhyia wu. Otum so nam duabɔ anaa atowerɛnkyɛm soronko bi do wu. Sɛ ɔba no dɛm a, hɔn a woetwa no ho ehyia no dzi mbɔɔ na wosu pii. Botae a ɔnam do ma wɔdze su pii no no bi nye dɛ, ebusua no ahwer hɔn adze kɛse anaa hɔn boafɔ bi a ɔsom bo. Bi so wɔ hɔ a, nna owufo no nye ebusua no nyinara hɔn wenyin anaa enyidado, ɔno ntsi sɛ ɔba no dɛm a, nna hɔn enyidado nyinara asa. Iyi gya hɔn nyinsuwa na awerɛhow ne ndzii. Bio, bi wɔ hɔ a nna owufo no ahyɛ obi bɔ dɛ ɔbɔboa no wɔ abrabɔ mu anaa dwumadzi bi mu, ɔno ntsi mpofirmu ara na ɔtse dɛm asem yi

a, nna tserɛ n'enyidado nyinara asa. Dza ɔyɛ a otwa nson mu nye dɛ dɛm nyimpa no, wonnkohu no bio kɛpem ber a hɔn so befi wiadze.

Mbra na Nhyehyɛɛ dɛ mbɛ Hymes (1974) kasa adwenmusɛm no kyɛɛ no nye dɛ, otwar dɛ owufo no fi atseasefo mu kɛka ewuakɔrfo ho. Na iyi mu no, wɔbam no nda kakra ansaana woekesie no. Ndɛ mber yi wɔdze no kɛhyɛ mɔkyer ma ɔgye nda na abosoom kakra ansaana wɔayɛ no nhyehyɛɛ dze akɛpɛ no korabew. Dɛm gyedzi yi si no tadua ma yehu dɛ samanadze yɛ ɔman a hɛn kra no dzi kan kekyinkyin hɔ hwe bea a ɔbetsena ansaana ɔakɔ.

4.1.2 Owufo no Kɔtoa N'abrabɔ do wɔ Samanadze

Akanfo hɔn gyedzi nye dɛ sɛ nyimpa wu a, nna owui. Onyia no kɔtoa n'abrabɔ do wɔ samanadze dɛ mbɛ medzi kan aka no. Dɛ wɔwo obi ba atseasefo asaase yi do ma obenyin bɔbɔ bra no, dɛmara na ɔtse wɔ samanadze. Sɛ obi wu a, Akanfo gyedzi dɛ ne bra asa wɔ wiadze ha ntsi ɔkɔtoa do wɔ samanadze. Mpanyin dɛ, “Samanadze yɛ ɔman”. }no ntsi na ɔyɛ a yɛbɛtse dɛ osimesi yi oewu naaso ɔakɔwo mba wɔ beebi no. Akanfo gyedzi nye dɛ osiandɛ nyimpa no rokɔtoa n'abrabɔ do ntsi otwar dɛ okopue beebi a ɔrokɔ no enyimnyam na enyidzi mu ama sɛ odu hɔ na woruhuahua no a, n'ahom aaka no ho.

Botae a ɔtaa iyi ekyir nye dɛ, nyimpa biara sɛ ekɔ ndɔmu anaadɛ itu kwan na ereba fie na w'ahosiesie nndzi mu a, akɔrbɔtofo bobu wo dɛ kɔ a ekɔree no, annkɔbɔ bra papa biara anaa ennsi wo yie. Akɔsa-abasa. Na mbom sɛ ifi akwantu mu reba fie na isiesie wo ho yie na ikitsa baage papa bi anaadɛ eda wo kaar bi mu a, obiara bobu wo

dɛ ekɔbɔɔ bra pa ntsi na esi wo yie no. Dɛm ntsi wɔfa nyimpa dasanyi biara dɛ ɔkwantunyi a ɔakɔ ndɔmu, na ber bi bɔso ma edze w'apaadzi mu nkontaabu ekopue w'ebusuafo nkyɛn. Dɛ ebusua bohu dɛ ebɔbɔɔ bra pa anaa bra bɔn no gyina w'akwagyasom no do. Ɔno ntsi na Akanfo nntoto hɔn eyiyɛ ase koraa no.

Dɛm gyedzi yi ka Akanfo hɔn abrabɔ ho. }no ntsi na sɛ obi wu a, wɔyɛ amandze a odzi mu dze gya no kwan fɛfɛfɛw no. Dɛm gyedzi ahorow yi ntsi na sɛ obi wu a, nkorɔfo taa kɛ dɛ "Osimesi e, ekɔ mona mu o, anaa ekɔ a, ka kyerɛ m'egya osimesi dɛ ɔmona me o anaa mikyia no a' no. Wɔgye dzi dɛ ewufo nyinara tsetse ase robɔ bra wɔ samanadze, na hɔ dze ahokyer, ohia, abɛbrɛsɛ, atsetsee na ɔbra mu nkukuhweasee na akotorka biara nnyi hɔ. Yiedzi na prɔmprɔmyɛ nkotsee na ɔkɔ do wɔ hɔ. }no ntsi na ɔyɛ a yɛbetse dɛ binom se hɔn egya anaa na abɔso hɔn daa no. Binom tum nya loto akradze fi ewufo nkyɛn twa dzi dze nya hɔnho.

Akanfo gyedzi nye dɛ, dɛ ewufo no bɔboa hɔn no gyina som pa a wɔdze bɔsom hɔn wɔ hɔn eyiyɛ mu. Akanfo nam nsagu na amandze ahorow do kaa hɔn ewuakɔr papaapa. Mfantseman mu no, wɔwɔ amandze bi a wɔfrɛ no nkɔtɔbiriw anaa eguadoto anaadɛ ahobaa kakraba. Sɛ obi dzi dɛm afe yi a, wɔkaa ewufo nyinara. Mfantsefo ne tsitsir Gomuafo binom frɛ no ewufosom. Okunafo na mba na ebusua nyinara totɔ anondze na edziban kakra dze kehya mu wɔ ahemfie. Nana na ne mpanyimfo nyinara hyia na woyi mpaa, gu nsu ma ewufo no dze kaa hɔn dze hyɛ hɔn enyimnyam.

Siantsir a wɔyɛ dɛm nye dɛ, wɔgye dzi dɛ ewufo yɛ sunsum, na sunsum anaadɛ ahonhom na woyi mpaa kyerɛ hɔn ma wɔyɛ hɔn ebisadze ma hɔn. Ɔno ntsi otwar dɛ

wodzi hɔn nyi ama sɛ wɔresere biribi efi hɔn nkyɛn a, hɔn so nam ɔpɛpa na akomapa do aayɛ ama hɔn. Nsagu mu wɔbɔ hɔn edzin dze ebisadze to hɔn enyim. Dɛm gyedzi yinom nyinara kyere dɛ nyimpa wu a, ɔkɔtoa n'abrabɔ do wɔ beebi.

Dɛ mbrɛ obi wɔ ebusua bi mu na otu kwan na ebusua no hia no mboa a, wɔfrɛ no no, dɛmara na Prempeh (2009) na Odoom (2013) so kyere mu dɛ, Akanfo gye dzi dɛ sɛ obi wu a nna oetu kwan ɔno ntsi sɛ wohia no mboa a wotum frɛ no aber biara osiandɛ ɔka ebusua no ho. Dɛm nkyerɛkyerɛmu ahorow yi da no edzi ma yehu dɛ nyimpa dasanyi biara wɔ beebi kɔ, na sɛ ber no so a ebɔkɔ akɔtoa wo bra do.

4.1.3 Owu yɛ Awofofor wɔ Sunsum Wiadze anaa Samanadze

Akanfo gye dzi dɛ owu wɔ asaase yi do no yɛ awofofor wɔ sunsum wiadze a yɛfrɛ no samanadze no. Wɔkyere dɛ nyimpa biara wɔ wiadze ebien: honam afamu wiadze na sunsum afamu a ɔyɛ samanadze no. Dɛm ntsi sɛ obi wu a, nna dɛm nyimpa no efi honam famu wiadze ha kɔ sunsum famu wiadze ma wɔwo no fofor (Odoom 2011).

Enyimdzefo bi tse dɛ Bonsu (1993), Asuquo (2011) na Fosu (2000) da no edzi dɛ, nyimpa a wɔwo hɛn ba asaase yi do ma enyigye ba fie no, sunsum wiadze anaa samanadze a yefi hɔ reba no, yeewuwu wɔ hɔ ma woegya hɛn kwan. Kwan a wɔfa do dze gya hɛn kwan no na ɔma yɛba bopue ebusua bi mu no. Asuquo (2011) si do dua dɛ, s[obi a ɔreba ma n'ebusua a wɔwɔ sunsum afamu no enngya no kwan yie no, sɛ obodu a n'abrabɔ kyere. Onyin na ɔyɛ edwuma a ɔnnyɛ yie. Onnhu ne sikasɛm ano na n'abrabɔ yɛ basaa.

Nyimpa a n'ebusua gya no kwan yie no, ɔkyere mu de dem nyimpa no mmbɔfona wɔ wiadze koraa. Dza wɔbeyɛ biara na ayɛ yie. Edwuma a sɛ ɔwo eyɛ a esow kaw no, ɔno ɔyɛ ara pɛr na ɔasow sika twom. Ɔno ntsi akwangyasom ho hia papaapa. Ɔtse de awo abofra na annto no dzin. Ebusua no ngyee no nntoo mu de ɔdehɛ. Ɔno ntsi ne kra na n'ahom mmbaa fie ho. Demara na nsɛm a mekegyee fii ɔmamfo nkyɛn no hɔn mu dodowara kae too gua.

Dza enyimdzefo ahorow no aka no ye nokwar turodo wɔ Akanman mu. Dem gyedzi ahorow nyina wɔgye to mu na wonyim de ɔyɛ edwuma wɔ dasanyi biara n'abrabo mu. Ɔno ntsi na sɛ wɔwo obi ba wiadze a, egya na ebusua no nyinara ye amandze dze gye no to mu de ɔtseasefo a ɔabɛka ebusua no ho no. Ɔno ntsi sɛ dem nyimpa no ewu na ɔresan ako beebi a ofi bae a, otwar de wɔsan ye amandze a ɔkyɛn dza wodzii kan ye maa no no dze gya no kwan fɛfɛfɛw ma okopue ho ahoɔfɛw mu a ɔkyere de ɔbɔsoɛ ebusua papa.

Mpanyin de, "Enyinguase mmfata Ɔkannyi ba" na Ɔkannyi biara so pɛ adze a ɔyɛ fɛw. Ɔno ntsi sɛ abɔbɔ bra mfe pɔrpɔr eduosoon na n'ekyir anaa mpo sɛ enndu na eresan ako a, eɛnadze na ɔyɛ fɛw kyɛn de wɔbɛkata w'ekyir asomdwee mu ma ekodu w'egyanom na wo nanom nkyɛn ahomka mu. Ɔno ntsi na sɛ obi dzi mfe eduosoon na ekyir na owu a Akanfo fura tam fitaa anaa krada no. Osiandɛ dem nyimpa no enyin na afei oedzi konyim wɔ owu do. Owu eenntum ammfa no afo wɔ ne mfe eduosoon no mu. Kwesida a ɔyɛ n'ewufosom so wofura fitaa.

Dɛm afadze ahorow yinom nyina kyere dɛ owufo no edzi konyim na oekodu fie asomdwee na enyika mu. Ne dɛm ntsi ber a asaase yi do atseasefo ridzi awerɛhow no, nna samanadze do atsefo so enyiwa aggye (Adizie, 1993).

4.1.4 Ewufɔ no yɛ Akɔ-san-ba

Akanfo hɔn gyedzi bio a ɔfa owu na eyiyɛ mu kor so nye dɛ, nyimpa a wowuwu kɔ samanadze no, hɔnara na wɔsan ba ma wɔwo hɔn bio no. Mpɛn pii no dza yetse nye dɛ, "Abofra yi dze ɔsɛ ne nana o, abofra yi dze ɔsɛ osimesi o". "Ao, oyi dze ɔpanyin asimesi no mfonyin ara na ɔda ha yi" na dodowara a ɔkeka ho. Ɔno ntsi sɛ obi wu wɔ ebusua no mu a, otwar dɛ wɔyɛ amandze soronko dze gya no kwan ama sɛ ɔkɔ na ɔresan aaba bio a oenya enyigye aabɔsoɛ dɛm ebusua noara.

Odoom (2011, 2013) kyerekyerɛ dɛm asem yi mu wɔ kwan soronko do. Ɔkyerɛ mu dɛ, dɛ mbrɛ obi tu kwan na okenya obi ma ɔsom no yie a onyia no tum fa dɛm nyimpa no dɛ no nua anaa n'egya anaa ne na no, dɛmara na ɔtse wɔ ha so. Sɛ obi wɔ ahokyer anaa tsebea bi mu na obi fa no siesie no yɛ no yie a, onyia no fa dɛm nyimpa no yɛ n'ebusua, osiandɛ ebusua o, ebusua o, ɔnoara nye mboa.

Ɔno ntsi dɛm pɛpɛpɛr na ɔtse wɔ owu na eyiyɛ ho. Sɛ ebusua no tum gya hɔn dehyee no kwan yie ma ɔsom bo a, ɔnntɔ ka dɛ ekyir yi sɛ owufo no resan aba atseasefo asaase yi do dɛ mbrɛ gyedzi kyere no a, obokwetsir n'ebusua a oedzi kan aba mu no akɔ ebusua fofor bi mu. Na mbom sɛ ebusua no yɛ eyisin dze a, ɔno nyimpa no pɛ ebusua fofor bi mu kɔ. Ɔno ntsi na ɔyɛ a yebohu dɛ obi sɛ ebusua bi mu nyimpa naaso nna nnye dɛm ebusua no na onyia no fi mu.

Dem gyedzi yi twa mfonyin wɔ Akanfo nyinara abrabɔ mu. Sɛ nyimpa a wɔba wiadze noara na wowu kɔ ba dze a, nna ɔno otwar dɛ obiara bɔ bra pa ma sɛ ɔrokɔ a woegya no kwan yie ma oekodu asomdwee mu. Na sɛ ofi hɔ so resan aaba bio a, oebopue ebusua pa mu (Shino, 1997).

4.1.5 Iwu a nna asa

Akanfo hɔn gyedzi kor so a ɔfa owu ho nye dɛ nyimpa wu a nna asa. Ne dem ntsi sɛ obi nam fona na atsetsee mu ma onnhu dza ɔnnye no ho a, dza mpen pii ɔtaa ka nye dɛ owui mpo a nkyɛ oye. Wɔgye dzi dɛ owu na otwa biribiara tun. Onyimpa wu a nna fona, akotorka na abɛbreɛ a ɔrosɔw no nyinara abɔ adze. Nna ɔrekeda fɔɔ. Dem gyedzi yi repɛ nye Kristianfo hɔn gyedzi a ɔkyerɛ dɛ nyimpa wu a, na ɔnnsae no abɔ ebira. Akanfo gye dzi dɛ owu ekwir wɔ ahomgye. Kristianfo binom so gye dzi dɛ owu ekwir wɔ atsembu. Dem gyedzi a Akanfo wɔ yi ma wotum ye ho ndwom dze fora hɔn amambra mu. Owu ho ndwom a ɔkyerɛ dɛ nyimpa wu a, nna asa ho no bi na odzi do yi.

Muwu a na asa o!

Muwu a na asa!

Onyimpa ee woyɛ deɛben?

Onyimpa ee woyɛ deɛben?

Onyimpa ee woyɛ deɛben?

Muwu a na asa!

Asentsitsir a ɔda edzi wɔ ndwom yi mu nye dɛ nyimpa nnsɛ hwee ɔno ntsi sɛ owu a ɔnkyɛn do. Iyi da no edzi ma yehu dɛ owu ka nyimpa n'abrabɔ ho, na otwar dɛ

ɔdasanyi biara so wu. Na s[owu a, nna adze biara abɔ adze. Sɛ etan obi yeyeyeyerew na onyia no wu a, nna wo kotokoto nyinara aka wo tsirmu. Dem gyedzi yi kyere mu bio de, wu a onyimpa wu a nna asa no kyere de, ɔrennsan mmba wiadze ha bio. Yerunnhu no bio. Ne bra wɔ asaase yi do nyinara aba ewiei. Ne ntsi otwar de ɔkɔ kɛda dzinn dwen no ho.

4.1.6 Owu ka nyimpa n'abrabɔ ho

Akanfo gye dzi de Nyankopɔn na }bɔɔ nyimpa na afei so]bɔɔ owu bataa no ho. Wɔgye dzi de ɔkannyi biara reba wiadze a ɔkɛkra no bɔfoe na ɔka ne nkrabea kor a ɔdze reba wiadze no kyere No. Akanfo binom so gye dzi de sɛ nyimpa reba wiadze a ɔkɛgye ne nkrabea fi Nyankopɔn hɔ. Iyi kyere de adze biara a obesi ɔkannyi n'abrabɔ mu no, ɔfa no de ɔye ne nkrabea. Akanfo bu be bi de, "Obi rekra ne Nyame no, nna obi nngyina hɔ". Dem be yi kyere de obiara nnyim obi ne nkrabea a ɔdze fi Nyame hɔ bae.

Bio, }kannyi biara so gye dzi de ɔbra twa owu na owu so bata nyimpa ho. ɔnam dem gyedzi a wɔwɔ ntsi, wɔwɔ nsem na abɛbu ahorow pii a ɔfa owu na abrabɔ ho. Dem bɛno bi nye: owu atwer ɔbaako mmfow, innyim owu a, hwe nda, owu kitsa adze a, nkwa nntum nngye, owu nnyim osikanyi nnyim ohianyi so, na kasambirenyi bi tse de ɔdomankoma owu afa no, obiara bowu, na dodowara a ɔkeka ho. Dem nsem na abɛbu ahorow yinom nyinara da no edzi de owu ka nyimpa n'abrabɔ ho na obiara nnkɛkye bo wɔ wiadze.

Dɛm gyedzi yi bata Akanfo hɔn abrabɔ ho. }no ntsi ber biara wɔma nkorɔfo a hɔn bra nnkyerɛ dɛ wɔwɔ beebi kɔ no afotu ma wɔsakyer fi kwan a wɔnam do no ho. Osiandɛ iyi yɛ adwen mu gyedzi ntsi, }kannyi biara robɔ bra a, ɔyɛ ahwɛyie amma eenkowie no mbusu na esian mu. Obiara toto ne ndzɛmba yie, osiandɛ onyim pefee dɛ ber bi bɛba a obefi atseasefo asaase yi do akɔ beebi a ofi bae. Dɛtse na wɔdze bɔɔ hɛn na dɛtse ara so mu na y[b[san akɔ. Dɛm gyedzi yi twa no sin ma yehu dɛ owu da hɔ ma ɔdasanyi biara ɔno ntsi na wɔka dɛ owu atwer, ɔbaako mmfow no. Odoom (2011) kyere mu dɛ owu yɛ kontonkronhwi, ɔda amansan nyinara kɔn mu. Panyin wu, dɛmara na abofra so tum wu. Owu nnyim obiara. ɔbata nyimpa abrabɔ ho.

4.1.7 Mbrɛ dɛm gyedzi yi si da edzi wɔ Hymes (1974) Kasa Adwenmusɛm no mu

Hymes (1974) Kasa Adwenmusɛm (SPEAKING THEORY) no yɛ adwenmusɛm a ɔtserɛw kɔ beebiara. Sɛ yɛhwɛ gyedzi ahorow a Akanfo wɔ fa owu na eyiyɛ ho no a, yehu dɛ mbea ahorow pii na owu tum si. Nyimpa tum wu wɔ fie, asopitsi, na mbea ahorow. Akanfo yɛ eyi wɔ eyiyɛbea, agoprana do, ebusua fie na mbea ahorow a ɔkeka ho. Iyi nye Hymes (1974) bea na ber a otwar dɛ obi hwɛ ho dze dzi dwuma bi no. Sɛ owu si fie bi mu a, ber a wɔdze besie no na wɔdze ayɛ n'eyi no gyina ebusua a ofi mu no hɔn ahoɔdzen do. Tsetse no sɛ obi wu a, wɔbam no ndaansa bi ansaana wɔakɛpɛ no korabew. Ndɛ mber yi, sɛ obi bɔ fa a, wotum dze no kɛhyɛ mɔkyer ndaawɔtwe, bosoom, afe-fa anaa mpo afe na no mboree ansaana wɔahyɛ da dze esie no dze ayɛ n'eyi.

Owu no bi wɔ hɔ a wɔmmfa nnto hɔ nnkyer. Bi mpo tum yɛ dɛm da noara. Owu bi tse dɛ ɔbaa a ɔakɔko awoe, obi a yarbɔn bi eku no, obi a oewu atowerɛnkyɛm wu na dza

okeka ho. Tsetse no nna wotum sie owufo no ansaana wɔayɛ n'eyi. Nna wɔmmfa fun nnto hɔ nnyɛr. Ndɛ mber yi osiandɛ wotum dze fun no kɛhyɛ mɔkyer ntsi, wɔdze eyi na ne nsiei nyinara bɔ mu yɛ no kor. Ɔno ntsi sɛ obi wu a, wodzi kan dzi ne ndaawɔtwe dze hyɛ da a wɔdze begya no kwan korakora efi atseasefo asaase yi do. }som bi tse dɛ Nkramo dze, sɛ ɔdehɛ bi fi mu a, wɔkɛpɛ no korabew dɛm da noara.

Ber a nyimpa no ewu no, ɔmamfo na adɔfo dzi ndɔfir wɔ owufo no n'ebusua fie anaa ne fie a osii kɛma okunafo, mba na ebusua hy[dzen. Dɛm dɔm a wodzi ndan kɔ okunafo, mba na ebusua nkyɛn no nyinara ka bɔ mu ma yehu dɛ adasa yɛ bataboa. Iyi na Hymes (1974) kyere dɛ ɔyɛ dɔm a wodzi akotsen wɔ kasa dwumadzi no mu no (participants), na mbom eyiyɛ mu dze, hɔn ekunafo, mba, ebusua na eyimba no nyinara ka ho. Hɔn na wɔka bɔ mu yɛ dɔm a wodzi dwuma wɔ eyiyɛ no mu no. Dɛm nkorɔfo yi mu biara yɛ n'asɛdze osiandɛ ɔgye dzi dɛ owu yɛakegya-akegya. }no ntsi bibotum aato ɔno so. Ne dɛm ntsi ndɛ ato no nua a otwar dɛ ɔboa no ama sɛ odu ɔno so no do a oeenya abofo ma woesuo no mu osiandɛ mpanyin dɛ, 'Nyia n'ekyir apaa no, nnyɛ ɔno na ɔpam'. Dɛm botae yi na wogyina do dze tu dɛm anamɔn no dɛ mbrɛ Hymes (1974) da no edzi fa kasa nkitahodzi mu no. Akanfo gye dzi dɛ owu da hɔ ma obiara, ɔno ntsi ɔyɛ ma no nua ndɛ a, ɔkyena dɛmara na ɔno wɔbɛyɛ ama no.

Osian dɛm gyedzi ahorow a Akanfo wɔ fa owu na eyiyɛ ho ntsi, wɔyɛ nhyehyɛɛ soronko dze hyia no kwan. Dɛm nhyehyɛɛ yi na wɔfrɛ no nsamansɛw no. Ɔtseasefo na ɔyɛnsamansɛw. }yɛ nsamansɛw dze bɔ n'egyapadze ho ban ama sɛ owu a n'ekyir aansɛɛ. Dɛm nhyehyɛɛ yi ho hia papaapa osiandɛ ɔboa ma asomdwee ba fie. Obiara a }fata nya kyɛfa wɔ egyapadze ne nkyɛɛ mu. Hymes (1974) kyere mu dɛ, kasa

nkitahodzi mu no, otwar de okasafo no dzi kasa a adze ridzi dwuma no ne sentase, mafologyi, fonologyi na amambra nyehyee do. Demara na owu na eyiye kwan do no, osian gyedzi ntsi, otwar de ebusua a hon dehyee abo fa no dzi owu na eyiye ho nyehyee nyinara do dze gya hon dehyee no kwan fefefew.

Owu dze awerehow, ankonamyee na ahokyer bosoe ebusua a hon dehyee efi mu no do. Hymes kyere de se obi ridzi nkitaho a otwar de ohu tsebea a nyimpa a onye no ribedzi nkombob no womu na ndzesu potsee a adze bedzi dwuma wo dem nkombob no mu. Owu na eyiye mu so, osian gyedzi ntsi, awerehow kesekese na aka ebusua no na adfo binom. Ndze so a wadze dzi dwuma nyinara ye awerehow na oda famu bokoo. Osu na nkekamu mmpa ho da.

Dem ndzeyee yi tum tserew ko edzibanye nyinara do. Se obi wu a, gyedzi nye de onnyi de okunafo no wowufu anaa mpo ko hamu keyee edwuma. Akanfo gyedzi nye de, se owu si fie na obi ye dem ndzembra yi bi a, nna okyere de owu a oye awerehowsem no mmpa dem nyimpa no hokoraa na obotum aba de onyim ho bi anaa ono mpo na oku nyimpa no.

Ikwan a dem gyedzi ahorow yi fa do da edzi noara gyina gyedzi no do. Iye adze a aka abrabo ho;ono ntsi wonnhye da nnkyere. Ber a wobowo obi no, onyia no hwe mbre edzikamfo no ye do na osua ana oeebohu ye. Bio, Akanfo nam osu anaa osukwadwom, ayan, nsagu, anansesem, abadzinto na dodowara a okeka ho da dem owu na eyiyei ho gyedzi edzi.

Kasa a wadze dzi dwuma fa owu na eyiye ho nyinara ye anokwan anaa anokasadwin a ogyina amambra na amandze kwan do. Ndzeyee na nsenkyeredze ahorow a woye wo

mu no ma yehu de nyimpa dasanyi biara wo beebi ko. Gyedzi ahorow no da no edzi de asetsena anaa wiadze abrabo ye twamuhen. Yebesenee ara. Ono ntsi ber bi bosoo a yeboko beebi a yefi bae.

4.2 Kwan a Akanfo fa do ye Ahenyi

Eyiye ye akwangyasom a Akanfo ye dze gya owufo bi kwan. Ahenyi nda famu. Se ohen bi bo fa anaa owu a, nna asem aba. Ddehye edzi ako ato. Ono ntsi n'eyi so ye soronko koraa sen eyi nkaa no nyinara. Dem ofa-kumaa yi makye mu ebien. Ofa-kuma 4.2.1 no kasa fa detseyi ho na ofa-kumaa 4.2.2 no kasa fa eyiye anaa sikasa ho.

4.2.1 Detseyi

Detseyi ye amandze ahorow a oko do fitsi ber a obi bowu kesi ber a wodze besie no. Tsetse no na nde nyinara se ohen wu a okyer ansaana wada no edzi akyerε omamfo. Womma omamfo nntse osiandε asenkese aba. Otum dzi beye ndaawotwe anaa bosoom na no mboree ansaana wada no edzi akyerε hon. Siantsir a woye dem nye de, ohen ye nyimpa tsitsir ono ntsi na otwar de wokora no kakra ma kurom ye hu. Se wodze ohen no wu ho amandzεεbo roboto gua a, wobira kasa no enyi ama ne ntseasee aye tsena ama amamfrafo a wowa kurow no mu ho no. Ono ntsi oye a woka de, nana ko ekuraa, odupon kese etutu, asaase apaa, menakonson esi ne tsir adze na dza okoka ho. Dem kasa yi kyere de, nana etu kwan ono ntsi se ne mamfoe nnhu no a, onnyi kwan de woma hon yamu hyehye hon. Amandze ahorow pii na oko do ber a

ɔhen bi ewu dze kɛpem ber a wɔdze besie no. Dem amandze ahorow no na makyekye mu wɔ ase ha yi.

4.2.1.1 Mbamee anaa Mɔkyersie

Akanman mu no, sɛ ɔhen ka nkyen gu a, wodzi kan bam no. Nde mber yi dze wɔdze no kɛhyɛ mɔkyer. Sɛ wɔyɛ dem amandze yi wie a, odzi nda anaa abosoom kakra ansaana wɔapa ho tam akyerɛ ɔmamba no, osiandɛ ɔnda famu de wobotum dze hɔn hɛmpɔn no wu ato gua traɔ d[ɪm. Otwar de wɔyɛ ho amandze ansaana wɔdze aato gua. Sɛ wɔbɔ amandzɛɛ wie a, wosi kyen do bɔ mbɛntsia na mbɛnsuon dze ma nana damirifa na hy[dzen. Kurow anaa ɔman no n'enyi nyinara dan butuw, osiandɛ hɔn satwafo anaa kandzifo edzi ako atɔ. Akyerɛma ka kyen dze da ne kɛseyɛ na ne mbanyinndam edzi.

Sɛ biribi dem si a, ahɛmfie na ɔhen no n'ebusuafie hyɛ ma. Sɛ ɔhen no yɛ ɔhɛmpɔn anaa ɔhen a wosuae kyere no a, ahɛmfo a wɔhyɛ n'ase nyinara bɛma ebusua na okunafo hy[dzen. Ahɛmfie na ebusuafie hɔ nyinara hyɛ dur, kɔɔgyan na no mu ahɛnsɛnkyerɛdze ahorow. Ahɛmfo na ebusua no gu nsa ma kurom hɔ anaa ɔman no abosom nyinara wotu hɔn dehyee no hyɛ hɔn nsa. De mbrɛ Hymes (1974) kasa mbra nhyehyɛɛ no tse no, nnyɛ obiara na wɔma no kwan ma otum kɔ ahɛmfie anaa ebusuafie hɔ. Osiandɛ ɔhen yɛ nyimpa tsitsir ntsi, nnyɛ nɛm na amandze nyinara na wɔyɛ a wɔdze to gua anaa wɔda no edzi ma ɔmamfo hu. Wɔkora na wɔbɔ ho ban ma emmpue abowano.

4.2.1.2 Ndaawɔtwe ne ndzii

Sɛ ɔhen wu a, wodzi ne ndaawɔtwe dɛ mbrɛ wɔyɛ ma obiara no. Dɛm ndaawɔtwe yi nsakyer tum ba mu kakra. Osiandɛ ɔhen wu a, otum bor ndaawɔtwe ansaana wɔada no edzi akyerɛ ɔmamfo ntsi, ne ndaawɔtwe ne ndzii no so tum bor dɛm. Naaso ɔyɛ ntɔyɛɛ a Akanfo yɛ dze hyɛda a wɔdze bɛkata hɔn dehyee no n'ekyir.

Ɔno ntsi dzin a ɔda do ara nye ndaawɔtwe ne ndzii. Sɛ ndaawɔtwe nda no so a, ahanamakye no, akyerɛma si kyen do ma kurom taa dzinn. Asaase paa ma ɔka nyɛmbowa nyinara. Sɛ nyɛmbowa bi tse dɛ nkokɔ, nguan, mpɔnkɛ na mbɔdɔm nenam kurow no mu a, wɔyɛ fa-no-kwa. Kurom hɔ nyinara hyɛ ma. Ndaawɔtwe ne ndzii mu no, ɔmamfo no taa fura tam tuntum, osiandɛ wɔwɔ gyedzi bi dɛ hɔn dehyee no botum aaba nkwa mu bio.

Ndaawɔtwe ne ndzii mu no, ahemfo etsitsir dodowara botwa hyia kurom no mu ma hɔ dzi dur. Mbrɛ ahemfo no woesi esiesie hɔn ho no ma mbofra na mbaa nyinara ka dan mu. Wɔka ayɛr na frɔm ahorow dze kyɛrɛ amandze wɔ ndaawɔtwe ne ndzii no ase. Ebusua, ahemfo na ɔman hyia yɛ amandze dze hyɛ da a wɔdze bɔkora hɔn dehyee no. Dɛm ber no, nna atsenankogua anaa tsirhonamfo no, merekyɛrɛ ebusua dehye no edzi kan apaw obi a ɔbɛhyɛ ɔhen no n'ananmu egyina ayɛ n'eyi. Wɔdze ɔno so ne dzin to gua ma wɔyɛ ho nhyehyɛɛ a wɔdze bɔsoa no apakan mu. Dɛm dwumadzi ahorow yinom nyinara tum kɔ do wɔ bagua mu, ahemfie, agoprana do anaa bea bi a ɔyɛ soronko. Awerɛhow na mpanyin kasa a ɔda famu nkotsee na wɔdze dzi dwuma.

Amandze a ɔkɔ do no dodowara ye asenkyeredze. Hɔn a wɔwɔ akyenso na asenkyeredzedwen nko na wotum tse ase. Afadze, bamkyim, akomfowa, aseseɖua, na abɔtsir nyinara ye asenkyeredze nkotsee. Wɔnnkyer wɔ dem dwumadzi yi mu. Ebusua hyia na wɔye nhyehyee fa ɔhen fofor ho.

4.2.1.3 At]rmuadze a w]y[w] Ahenyi mu

Mber a wɔdze ye amambra ahorow wɔɔhen bi n'eyiadze no gyina adze a wɔreye no do. Wotum ye amambra no bi anapa, wɔye bi ewiaber, ewimbir na mpo wɔye bi so esuom, nkanka amambra no bi tse de nguan anaa mbowa a woku hɔn no. Se mber dur na ahemfo mpanyimfo reba eyiadze a ansaana wobowura beebi a wɔadede ɔhen no ɔwɔ de wotwa oguan anaa abowa dze no mbɔgya gu abow no ano hɔ ma ahemfo no. Se woruwura dan no mu akɔhwɛ nana fun na wɔakema nana damirifa a wɔdze hɔn nan tsia mbɔgya no mu ansaana wɔewura dan no mu hɔ. Beebi so, nananom k]hw[h]n nua no n'emu no, y[h]n amandze wie na wobu ndan d[w]reba paado a nna obiara dze ne nan esi oguan mb]gya no mu ansaana w]akeka h]n tun adze (Fieldwork).

Akɔmfo so ba eyiadze hɔ de wɔrobɔkɔm aye amandze egyam nana a, no so wotwa abowa. Afei aber kor so a wɔdze twa oguan nye ber a aasafo kuw ahorow ebehyia wɔ eyiadze hɔ na woesi gua mu na wɔkɔ tsir ba tsir no, wowie ,a ɔwɔ de wɔma hɔn oguan ma wɔdze guar na wɔdze dwura hɔn ho. Demara na fɔntɔmfrɔm so wowie hɔn amandze ye a, ɔwɔ de wɔma hɔn oguan ma wɔdze sɔw amandze n'ano. Afei odu mber a wɔdze nana robɔkɔ ekuraa a, no so wotwa oguan.

Sɛ yɛfa no ɔhen no ne ndeda a mu a, ɔno ɔyɛ a, wɔtaa deda no wɔ ahemfie, dan a ɔyɛ pia na asa mu. Ɔyɛ a, wɔtaa ka dɛ nana kɔ ekuraa ntsi wɔyɛ fie hɔ anaa beebi a wɔadede ɔhen no ma ɔyɛ dɛ kwaa anaa pɔw kusuww mu wɔ ber a wɔdze ndua ahorow na abɔdze ahorow bi tse dɛ borɔdze, bankye, mbobaa, paya dua na efuw ahorow pii a ɔkeka ho hyehye anaa siesie hɔ ma hɔ yɛ dur ankasa ntsi sɛ obi wura mu a, ohu dɛwoewura nananom mpɔwmu.

Ndɛ mbabun taa bisa dɛ dɛn ntsi na nyimpa kor wɔdeda no ebien? Nna binom mpo dwen dɛ bi a sɛbew obi na woeku no na wɔdeda no wɔ enyim hɔ. Osiandɛ nna wɔwɔ gyedzi bi dɛ nana nko nntu kwan. Ɔnam mbaabun yi hɔn nsem a wobisa fa dɛm ahemfo hɔn ndedaa ebien yi ho ntsi ndɛ Akuapim man ayɛ sesawɔ dɛm amambra yi ho. Ɔnye dɛ ndɛ ahemfo nkakramba no dze dɛm ndzɛmba no worutwa mu wɔ hɔn afa mu na mbom ɔfa no ɔmanhen na ahemfo mpanyimfo na kurow ahemfo mekyɛsɛ Odzikuronom dze ɔtɔfabi a, yehu dɛ wɔdeda hɔn mpɛn ebien na ne nyinara mu no ɔyɛ adze a ɔnnyɛ obiara na wɔma no kwan anaa onya kwan ma ɔkɔ kɔhwɛ nana no fun no nankasa.

Wɔhyehye biribiara esiado esiado na mpo sɛ erokɔhwɛ nana no a, w]mmfa nsapan nnkɔ pɔw no mu hɔ. Ansaana wɔbɛma wo kwan ma akɔ dan anaa pɔw no mu hɔ no, ɔwɔ dɛ itua sika. Hɔn a wɔdze aborɔfo nsa bi tse dɛ hyenapo kɔ a ɔyɛ yie no dze kɔ ma wɔdze ma nana damirifa.

4.2.1.4. Ndzɛmba a ahemfo dze kɔ eyi

Nkan no, sɛ ahemfo rokɔ eyi a wɔmmfa hɔn nsapan nkɔ. Wɔwɔ kusum amambra ne ndzɛmba a ɔwɔ dɛ wɔdze kɔ a ɔno dze yenntum mbɔ dzin wɔ ha na mbom ndɛ

ndzɛmba asesa. Wɔdze hyenapo na nguan ba na wɔdze bɔboa eyiɛ no. Tsetse no, nna s[w]dze borɔsuow b[se]hen bi eyi w] ber a]hen bi k] ekuraa a, nna]kyer[d[nananom regye nyimpa ne tsir efi]hen a w]b[see no eyi no h]. Dɛm asɛnkyerɛdze yi wɔyɛ no ber a ɔmanhen bi ewu. Sɛ ɔmanhen bi bɔ fa a, wɔhyɛ ma n'ahemfo a wɔhyɛ n'ase no nyina yɛ amandze dze gya no kwan. Dɛm amandze no bi tum yɛ nyimpa ne tsir. Naaso osiandɛ worunntum nnka no pen ntsi, wɔdze yɛ borɔsuow dze soma ɔbɔfo ma ɔdze kɛma ɔdze kurow no ma ɔno so tu ho anamɔn.

Ndɛ mber yi dze ndzɛmba pii asesa, Nkan no, nkyɛ edumfo fa kwan do wɔ aber a ɔhen bi kɔ ekuraa, Ndɛ dze dɛm ndzɛmba yinom nyinara Kristiansom ntsi asesa. Mpanyimfo a menye h]n twetwee nk]mb] no mu faa ara sii no pi dɛ, dɛm nguan a wotwa no nyinara no ne kɛse noara mbɔgya no na nananom nsamamfo na sunsum mu no ɔyɛ edwuma na nam nankasa dze wɔkyɛ ma hɔn a wɔsɛ dɛ wonya bi ma obiara ne nsa ka n'afamu dze ma w]dze k]b] amandz[[kyer[nananom nsamamfo na abosom w] ber a w]dze nam no esi gya do ronoa.

Seseiara dza mobotum aka afa dɛm amambra yi ho nye dɛ, osian Kristiansom ntsi mbaabun a wɔaba no nntaa nnka hɔn ho mmfa nnkɔ dɛm amambra yi mu, ntsi sɛ monnsuro a mebeka dɛ annhwɛ yie a obodu mber bi no dɛm kusum amambra na amandze yi nyinara ano bɔbɔ adze na yɛafa Kristiansom do dze ayɛ hen amambra na amandze no

4.2.1.5. Ahensi na Ahensoa

Akanman mu no, sɛ ɔhen bi kɔ ekuraa a, gyedɛ wɔdze fofor si n'ananmu ansaana wɔayɛ n'eyi. Amambra kyere dɛ, ɔhen fofor no na oribegyina akata dadaw no a oefi mu ekwir. Dem ber nyina nna wonnsiee ɔhen a oefi mu no tse.

Nnye nyimpa biara na Akanfo ma odzi hen anaa wɔdze tum hyɛ ne nsa ma odzi hɔn do tum. Ansaana wɔbɛkyer ɔhen bi wɔ Akanman mu no, wɔhwɛ dɛ nyimpa no fi ebusua dehye no mu, nyimpa no wɔ akokodur a obotum dze eedzi dɔm enyim, nyimpa no bu adze, nyimpa no nnyi yarbabɔn bi tse dɛ kwata, enyifura, AIDS na yarbɔn biara a obotum egu egua na ɔman no ho fi ber a obopue dɔm mu. Nde yi wɔhwɛ dɛ nyimpa no nyim nyansa, nde mber yi mpo wɔhwɛ dɛ nyimpa no wɔ nwomasua mu nyimdzee a. Dem mbra yinom nyinara otwar dɛ wodzi do amma wɔaannkɛfa nyimpahun bi eemmbedzi hɔn do tum.

Wɔnam akwanhorow pii do dze kusum na amandze ahorow dzi dwuma. Dɛ mbrɛ Hymes (1974) kasa nhyehyɛɛ tse no, otwar dɛ ɔkasafo no fa akwanhorow do dze kasa no to gua, dɛ ɔyɛ radio, telɛbihyin, kɔmpiwta, nwoma, anokasa, kyen anaa dza ɔkeka ho do. Demara na ahensi so tse. Otwar dɛ ebusua na ɔman no fa amandze nhyehyɛɛ ahorow do da ɔhen no edzi. Sɛ ɔman bi hia ɔhen a, ɔmamfo no dze kɔto Gyaasehen enyim ma ɔno so dze to Kuntuhen enyim ma ɔno so gyaa mu ma }baahembaa. }baahembaa na osi hen. ɔno na ahensi mu no noho hia yie. }baahembaa no so bɔ ebusuapanyin na adehyebusua no nyina amandzɛɛ. Adehyebusua no nyina hyia mu, na wɔpaw obi a ɔfata ahengua no. Wɔhwɛ abaatan no mu na wɔdze paw dem nyimpa no. Iyi kyere dɛ, wodzi adze no ndzidzido ndzidzido.

Se wɔpaw nyimpa no wie a, Ɖhembraa no kɔbɔ Kuntuhen amandzɛɛ ma ɔno so dze kɔto Gyaasehen enyim ma ɔkɔbɔɔmamfo no amandzɛɛ. Wɔma mpanyimfo da Ɖbaahembraa no ase. Wowie a, nananom atsenankongua hyia na wɔdwendwen Ɖhembraa no ne nyimpa no ho. Se mpanyimfo no pen do a, wɔma ɔmamfo no aso tse.

Mpanyimfo no soma ma mberantɛ kɛkyer odziadzefo no dze no si kɔn ho ma wɔbɔ no ose. Wɔdze etudur anaa biriw yɛ n'enyim, na wɔhyɛ no akotar. Se osi kɔn ho a, ɔmamfo no bi tum bɔ no anaa tsitsi no. Wɔyɛ dɛm dze kyere dɛ, ofitsi dɛm da no roko no, wonnkotum nye no edzi agor bio, ntsi wɔreyɛ dɛm dze atsetsew hɔn mu. Wɔbɔ kyen tow asafondwom bɔ ose dze twa kurow no ho aprɔw. Afei sɛ wowie a, wɔdze no twa kurow mu hɔ puseban ho mpreɛnsa.

Wɔma Supi anaa Asafo baatan dze asafobaa hwe n'ekyir mpreɛnsa. Se wowie a wotwa guan na wɔdze no bɔgya no numanuma ne nan ho. Se wowie iynom nyinara yɛ a, wɔdze no ma Ankɔbeahen ma ɔdze no kɔto dan mu adaduanan, ndɛ mber yi mu dze ɔyɛ dapɛn. Iyi nye amandze a odzi kan wɔ ahensi mu. Wɔyɛ amandze ahorow pii wɔ ahensi no mu dze boa ma dwumadzi no kɔ do yie.

4.2.2 Eyipa anaa Sikasa

Dɛm amandze yi hyɛ ase fi ber a wɔdze owufo no aba fie kɛpem ber a wɔbɛyɛ n'eyi no nyinara ewie korakora. Iyi nye eyiyɛ da no. Amandze ahorow pii na ɔkɔ do wɔ dɛm ber no. Kusum amandze ahorow a ɔkɔ do no na mahyehyɛ no ndzidzido ndzidzido yi.

4.2.2.1 Ahoboaboa

Se ɔhen kɔ ekuraa ma ber so ma wobeyi no ekiesie no a, dza nananom atsenankogua ka ara nye de, "Asase apaa". Se wɔka de asaase apaa a, nna wɔrepe akyerɛ deade biara a ɔwɔ bea a ɔhen no n'asaase ano ka no nnye edwuma kepem de wɔbekata n'ekyir ewie. Se ɔhen no ye ɔmanhen a, mbra no ka nkurow ahorow a wɔhyɛ n'ase nyinara. Dem mbra yi ka nyembowa nyinara. Ekuafɔ nnkɔ hamu na nyembowa so mmpue. Se anyembowa bi pue a, ɔmamfo tum kyer no we no kwa a no wura no rennye hɔn hwee. Wɔmma ɔbaakofo nko nntu kwan anaa nnkɔ hamu. Gyedzi nye de ɔhen nko nnantsew na obotum aba de ɔhen ewu yi nkotsee dze nyimpa kum botum aakɔ do. Kurow no mu nyinara dan kɔgyan. Nsenkyerɛdze a wɔbeyɛ no kurow no mu no kyere d[asaase esi ne tsir adze ampa. Wɔdze kɔgyan na tuntum sensen kurowdua mu hɔ nyinara. Wosi bankyim tuntum anaa memen w] kurotsia na ahemfie abow enyim ama obiara a obopue kurow no mu no ehud[as[nk[se esi. Afei, wosi asafo kyen do dze bɔ mpintsin ahorow ma kurom ye dagyaa (Fieldwork).

Se wɔdze ɔhen kehye mɔkyer a, wonnyi no enyimkan de mbrɛ wɔye no dabaa ma nkorɔfo no. Woyi ɔhen anafua, beyɛ ahanamakye du-ebien hɔ rokɔ no. Wɔmmpɛ de obiara dze n'enyiwa bohu no. Se mbusu ka obi ma dem ber no okehiahya hɔn dze a, nna nnye obi na okum Entwi, na mbom Boasiako noara na ɔdze ne tsir kehye akyerɛma de mbrɛ mpanyin ka no. ɔman no mu ye dzinn osiande ɔbaatan biara tu ne ba fo. Tsirhonam noara na wodzi akotsen wɔ dwumadzi no mu. Wɔtotow etur ma obiara hu de ɔbirempɔn mu ɔbirempɔn bi abɔ fa. Dem ndzɛmba yi nyina ye

ahoboaboa a woye dze ka amamfo gu dan mu amma wammfa hon enyiwa emmbohu amandze a wabeye ama ohen no (Fieldwork).

De mbre Hymes (1974) kasa nyehyee mbra no kyere no, dem ahoboaboa yi nyina wo botae de mbre medzi kan aka no. Botae no nye de okunyin bi ato ase na otwar de wokora no soronko kwan do. Dem ber yi dom a wodzi akotsen wo mu no nyina ye tsirhonam na ahemfo etsitsir. Abrafo anaa edumfo hon enyiwa paa ko] de gya wo dwumadzi no ase. Hon ndzeyee nyinara dzi dase de enyiber aba. Mbre hon nsekan na hon enyim biriw anaa asenkyeredze tse no kyere de enyiber mu enyiber aba. Ddasanyi hu hon a, abo birim na nsempanara oguan kepe beebi ketsew de ewi.

De mbre Hymes (1974) kyere wo kasa nkitahodzi mu wo tsebea na ndzesu (keys) mu no, tsirhonam nyinara hon tsebea na hon ndzesu sesa. Mbre wosi ko ba nyinara ma yehu de wawa enyiber mu. Hon afadze na hon kasaa nyinara kyere de wawa enyiber mu. Wonom amandze do da dem kusum ahorow nyina edzi.

4.2.2.2 Funguar, Esiedze na Ndedae

Mba na tsirhonam na woka bo mu guar owufo no. Dza woye nye de, wobubu owufo no n'awerew san yi no nsumaa mu nhwi nyinara siesie no ho dze nduhuam na ngohuam ye no ho kamakama. Okunafo no na odze eguardze no nyina beba. Ndzemba a odze ba no bi nye entuho, sapaw, seradze, ngohuam na eduhuam, mpetsea, afe, onyiwana na dodowara a okeka ho. Se woguar no wie a, wadze ahondzepa, ntweaban na mpetsea a odzi mu siesie no ho kamakama dze no to mpa mu.

Mfonyin 1: }hen a w]adedada no



Binom kyere de wadedada ohen mprenu. Dza odzi kan no ye dza tsirhonam no mma obiara hu. Ono na oye fun no ankasa. Wodze ono sie na wope biribi to adaka a wodze rikesie no mu besi guamu. Ahemfo na abirempon nkotsee na wowa ho kwan de wakohwe. Mpanyin kyere de wotum dze boredzeba to adaka no mu wo ndeda a oto do ebien no mu. Iyinom nyinara mu no nna mbentsia na mbensuon so ridzi ehim ma kurom aye dagyaa. Asafomba bo asafo ma kurom ye begyabegya.

Mfonyin 2: }hen a w]adedada no atsena apakan mu



Sɛ ɔhen no yɛ Kristiannyi a, anafua no, n'asɔmba no bɛyɛ ewufosom kakra ma no na wofi hɔ kɔ. Osiandɛ mpɛn pii no ahemfo dodowara nnkɔ asɔr ntsi hɔn eyiyɛ no keyɛ kusum na amandze nkotsee. Dɛm funguar, esiedze na ndedae yi nyinara, wɔyɛ no ahanamakye. Gyedzi mpo kyered[akongua a sekan da ho no, wotwa tsir. Sɛ adze kye ma ahemfo robɔhwɛ nana a, amandze a wɔyɛ nye dɛ, woku guan na wɔma obi dze no bɔgyaa no numanuma ahemfo no hɔn nan ho ansaana woetum nye no ekedzi nkra. Ahemfo mpanyimfo a woribesie no nyina ka ntam na wɔdze no to adaka mu. Siantsir a wɔka ntam nye dɛ, wɔmmpɛ dɛ obiara dze owufo no ho asem bɔkɔ abowano. Nsɛm a wɔka no ntam no mu bi nye dɛ;

"Emi Nana Osimesi;

Meka me nananom hɔn akongua kɛse a,

Metsena do,

Ndɛ a medze m'enyiwa konkoran

Ebohu Nana Osimesi no fun yi,

Mepaa mu ka no kotoo dɛ,

Minnkegyina beebiara nka no fun ho asem,

Sɛ obi tse no wɔ m'ano a,

Moto nananom hɔn egua a metse do" (Nsɛm a megyee fii m'abofo no bi nkyɛn)

Medzi kan aka de dɔm a wodzi akotsen wɔ ha nyinara ye tsirhonam na ahemfo. Mpo nkurow bi do no, ahemfo nkotsee na wodzi dɛm dwuma yi nyina.

Hymes (1974) nyehyee a ɔto do ebiasa mu no, ndzeyee su a wɔda no edzi no kyere de enyiber aba. Wɔnnkasa na wonnkyia so osiande awerɛhow aba. Hɔn enyiwa aber kɔɔ de sekan a wɔdze ahye gya mu na hɔn ndzeyee nyina ye krakra krakra de sekan a kɔm dze no. Wɔnam mbentsia, mbensuon, ayan, na ndwom do dze nsem to gua. Mo nhwehwemu dwumadzi yi mu no, ɔdze me kopuee Gomua Otapirew hɔn ahenyi ase na nsem a nna hɔn abentsia mu nsem reka na odzi do yi;

Kɔba ee!

Kɔba ee!

Ɔkofo wɔmmfa no afɔ.

Ɔkatakɔyi, ɔnntɔ akono.

Ɔsabarimba n'akodze nnsa.

Soer oo!, soer oo! na mfɔtse rowe tumpan

Ma ngo na nsa ruhue egu.

Atamfo no rosoer

Wɔreba, wɔreba, wɔreba proprio

Ɔsahen wɔ hen?

Ɔkatakɔyi wɔhen?

Wo man yerotɔ dɔnsuar

Kɔba ee!

Kɔba ee!

Owu nnkotum wo

Kɔba ee!

Kɔba ee!

Owu nnkopuw wo

Abɔ-dɔm-ebutuw-ma-atamfo-esuro

Ɔkatakɔyi Kwakwaduam Kɔba e!

Soer oo! soer oo!

Na wo man ridzi akogu wo owu nsaano.

Abentsia yi dze nsem ahorow bi roto gua. Dem nsem a adze roto gua no, gyede hon a wawo tsieso nkotsee na wobetse ase. Abentsia no dze roto gua de, akatakya anaa asabarimba bi a odzi no dam enyim ka atamfo gu no, nde owu edzi no do konyim ma no dam ridzi akogu wo owu nsaano. Kasa a abentsiahennyi no dze ridzi dwuma no no mu da. Mpanyin kasa nkotsee. Abodin, nsabran, abebu, kasambirenyi, kasa ntsimu, ngyinahoma, ohye kasa na asembisa a onhia nyiano na abentsiahennyi no dze dzii dwuma. Dem nsem yi foa Akanfo hon gyedzi bi a wadze aye abebu ahorow do de, owu kura adze a, nkwa nntum ngye, owu atwer, obaako mmfow. Obiara nnkotum eedzi owu do konyim da wo atseasefo asaase yi do.

Wanam amandze na nsenkyeredze ahorow do dzi nyehyee do papeper wo hon dwumadzi nyina mu. Damfo nyina hye kogyan na kuntunkunu. Akanfo gyedzi nye de se obi wu a, nna onwui. Wogye dzi de bi a oetu kwan ntsi obotum aba. Dem ntsi dem ber no wofura tam tuntum dze kyere awerhow. Na mbom se wohwe kwan na nyimpa no mmba dze kepem de wobeyi no de worikesie no a, dem ber no dze, woye ho hwee a onkyye yie. Ono ntsi wohye kogyan dze kyere de hon enyiwa aber, osiande owu edzi hon do konyim. Dem ndzeyee yi nyina gyina Hymes (1974) *Norms* anaa kasadwin mbra anaa nyehyee potsee a oda edzi wo nkitahodzi no mu no do.

No korakora no yehu de, iynom nyina ye anokasadwin ne fa a ogyina asenkyeredze na amandze do de mbre Hymes (1974) *Genre* nyehyee no tse no.

4.2.2.3 Eyiye

Ahemfo eyiye nnda famu. Ɖye hu san so ye few. Amambra na amandze ahorow a ɔda edzi wɔ mu no ma Akan amambra na amandze da edzi prɛko pɛr. Dza otwar dɛ yɛhyɛ no nsew nye dɛ, ber a eyiye no rokɔ do nyinara nna owufo no da hɔ a ahemfo nko na wɔkɔhwɛ no. Medzi kan aka dɛ, ansaana ɔhen bi bɔkɔ akɔhwɛ ne nyɛnko ɔhen no fun no, gyedɛ wɔdze oguan no bɔgyaa numanuma ne nan ho ana oetum ekedzi dɛm dwuma no. Siantisir nye dɛ, Jhen nnka fi na wonnsie no enyimkan so; mbom wosie no anafua. Na osiandɛ yɛyɛ eyi so enyimkan ntsi, otwar dɛ eyiye no kɔ do ara.



Mfonyin 3: Ahemfo na Ahembaa a w]aba Jhen eyi ase



Dem ber yi nna kurow no mu hɔ nyinara edzi dur. Kɔɔgyan na no mu kuntunkunu ahorow agye kurow no na eyiadze hɔ afa. Asafomba kɔ tsir ba tsir dze asafo na ɔko ndwom ahorow a ɔkyerɛ enyiber dzi dwuma ma kurow no mu hur. Ayer ahorow tse dɛ frɔm, mpintsin na bɔmbaa mmpa eyiadze hɔ. Akyerɛma yan kyen dze tonton ɔhen no na ahemfo a woetwa ehyia mu wɔ eyiadze hɔ no. Botae a ɔtae iyinom nyinara ekyir nye dɛ, enyiber aba. Ɔman anaa kurow no edzi ako atɔ. Owu edzi hɔn do konyim afa hɔn sabarimba ndɔmmum.

Sɛ ahemfo no nyina hɔn ano tɔ mu wɔ eyiadze hɔ a, wɔma ɔkyerɛma si kyen do dze kaa nana a ɔrokɔ ekuraa no. Ɔkyerɛma Owura Kwame Mingle kyere mu dɛ, sɛ ɔreyan kyen ama ɔhen a, odzi kan hwɛ ɔhen no ne nkyir na ne mbanyinndam. Dza ɔka do yi yɛ ayan a ɔyanee maa no kuromhen Nana Kumson III a ɔkɔr ne nsamankyir.

*Otapirew Akobema Kwakwaduam,
Otapirew Akobema Kwakwaduam,
Hom mbɔ kɔɔgyan na hom nsu,
Hom mbɔ kɔɔgyan na hom nsu,*

*Hom nsu, hom nsu, hom nsu
Na Ɔkatakyi edzi ako atɔ,
Akobema edzi ako atɔ,
Mfɔtse awe tumpɔn
Okumenyin, Okumaber Osompa Kumson III atɔ
Ɔatɔ atamfo enyim
Ɔatɔ emimfo enyim,
Otapirew Akobema Kwakwaduam,
Otapirew Akobema Kwakwaduam,
Hom nka mbɔn na hom nsu
Hom nka mbɔn na hom nsu
Hom nsu ɔkatakyi,
Hom nsu ɔsabarimba
Na nyimpa beyee bi
Ɔammbye ne nyina
Owu afa no kɔ,
Afa no kɔ korakora korakora.
Hom nsu yɔɔyɔɔ
Hom nsu yɔɔyɔɔ
Hom nsu no, hom nsu no, hom nsu
Na asem ato hen.*

Dem ber yi, osu na awerehow hye eyiadze ho ma ma obiara hu de kurow anaa oman no n'enyi adan. Okunyin bi atɔ ase ampa. Wɔnam kyen do dze asenkese a ohia to gua ma obiara hu de asem ato oman no. Yei ye awensem a onnyi nkyekyemu biara. Okitsa nsensanee eduonu ebiasa. Dem ayan awensem yi dze to gua de Okunyin Nana Kumson edzi ako atɔ, ɔdomankoma wu abefa no kɔ. Ne dem ntsi ne mamfoe ndzi awerehow. Ɔkyerema no dze kasasu ahorow dzii dwuma. Ɔdze kasasu bi tse de nsabran, huandzin, kasa ntsimu, kasambirenyi, be, nkakuwho, na dodowara a okeka

ho. Sɛ yɛhwɛ ayan yi mu nsem dzinn a, yebohu dɛ ɔkyerɛma no wɔ enyiber mu. Dɛm nsem ahorow yinom nyina ma yehu dɛ enyiber aba.

Ahemfo na mbaahembaa ahorow dzi twom ba eyi no ase ma eyiadze hɔ yɛ dur. Hɔn afadze ma obiara hu dɛampa ahemfo gu mu ahorow. Wɔbɔ frɔm, mpintsin, 'brass band' na ayɛr ahorow ma ahemfo na adɔfo saw dze kyɛrɛ amambra na amandze. Ahemfo na mbaahembaa na obiara a ɔgye no ho dzi dɛ onyim mpanyin asaw bi tse dɛ bɔsoɛ, kete, adowa, asafo na dodowara a ɔkeka ho no tsew si gua mu na ɔsaw fɛfɛɛfɛw.

Sɛ obi resaw a, otum kɛgye akɔtɔkora fi ɔkyerɛma no ne nsamu na ɔdze dandan no ho. Otum dze akɔtɔkora no kɔto ahemfo no binom do. Dɛm asɛnkyɛrɛdze yi kyɛrɛ dɛ, otwar dɛ dɛm ɔhen no soɛr besaw. Sɛ ɔmpɛ dɛ ɔsaw a, ɔno ɔyɛ no sika mu dze ma nyia ɔyɛɛ dɛm no. Nyimpa no kɔ do yɛ dɛmara kɛpɛm ber a ɔnoara bohu dɛ ɔayɛ amandze a odzi mu. Bi so wɔ hɔ a, nyia ɔresaw no tum kɛtsena ɔhen anaa ɔbirɛmpɔn bi ne ser[do ma ɔma no sika.

Mfonyin 4: }hen bi na oridzi asaw w]]hemp]n n'eyi ase



Sɛ ahemfo no bi resaw a, wɔyɛ asenkyerɛdze ahorow dze kyere hɔn dzibew wɔ ahendzi mu. Dɛm kwan yi nyina yɛ dza wɔnam do dze asem bi to gua a ɔyɛ dza Hymes (1974) frɛ no kasakwan (instrumentalities) no. Wɔnam dɛm kwan yi do da ɔhen no ne kɛseyɛ, no ho hu, no tum, ɔman no n'abakɔsem na egua ho asem edzi dze kyere amansuon. Brass bandfo so tsew si mu ma eyiadze hɔ hur tutuitu. Wɔtow eyiadze ndwom na 'high' life' ahorow ma eyiadze hɔ dzi dur. Dɛm ndzɛmba ahorow yi nyina ma obiara hu dɛ ampa wɔreyɛ ahenyi.

Wɔma kwan ma mba, okunafo, ebusua na adɔfo bɛka owufo no ho nsem. Sɛ wɔrekenkan ɔhen no ho nsem a, wɔhɛn mbɛntsia na mbɛnsuon dze bɔ no mbran. Hymes (1974) kyere dɛ, iyi tum yɛ kwan kor a wodua do tum dze asem bi to gua.

Sɛ ɔhen no yɛ Kristiannyi a, asɔrmba no na wogyina mu yɛ ewufosom no dze kɛpem ber a wɔbɛhyɛ ase dɛ wɔrobɔ nsawa. Yeedzi kan aka dɛ wonnsie ɔhen enyimkan. Ɔno ntsi ber a wɔreyɛ dɛm amandze yinom nyina no nna ɔhen no so wɔadede no ahemfie anaa ebusuafie ma tsirhonam na ahemfo etsitsir no ridzi no ho akɔnaba. Abrafo anaa edumfo etwa ehyia wɔ bea hɔ.

Dɛm ber yi so nna mbaa a wɔreyɛ edziban so gu do gidigidi. Wotum ka banku, wɔw fufu, yɛ dɔkon (Mfantse na Nkran dze no nyinara), noa bayer na dza ɔkeka ho dze som hɔn ahɔhoe. Woku anantwi a otua dua ahorow dze som ahemfo na ahɔho ahorow a wɔbaa eyi no. Ɔwɔ mu dɛ enyiber aba dze, naaso wɔmmfa ayeradze pan nnhɛn abɛn mma ɔnnye yie bi. Na sɛbew, yesu mpo a, yegyaa hwem.

Ewimbir no, wɔbɔ dawur dɛ mma abofra anaa ɔpanyin biara mmpue. Ɔwo a innyim ma mbusu bɛka wo ma ibopue no, mma wommbisa ahemfo mpanyimfo no biara. Iyi

yɛ aɛm-sɛ-bɛ. Ne dɛm ntsi ewimbir no, kurom yɛdzinn dɛ sɛbew esiei. Ahemfie hɔ no, wɔhɛn mbɛnsuon na mbɛntsia dze ma nana damirifa. Wɔka akɛn na mpintsin dze bɔɔmamfo kɔkɔ. Dɛm nhyehyɛɛ yi ma ɔmamfo nyina dze suro na hu kɛhyehyɛ hɔn adan mu a wommpue bio kɛpem adzekyee. Iyi na Hymes (1974) kasa nkitahodzi nhyehyɛɛ no da no edzi dɛ ɔyɛ'key' a ɔyɛ tsebea a eyiyɛfo no wɔ mu na ndzesu a wɔdze dzi dwuma no.

4.2.2.4 Ahensie

Ahemfo dodowara wɔ hɔ a wɔkora hɔn wɔ banmu anaa pɔwmu. Wɔma dabɔhen na no dɔm dzi kan kesiesie hɔ kɛyɛ dza otwar dɛ wɔyɛ nyinara ma kwan mu da hɔ. Sɛ wɔdze no rokɔ pɔw mu a, wɔtotow etur dzi enyim dze bɔ ɔmamfo hu ma obiara yɛ ahwɛyie. Wonnhyia. Ɖno ntsi sɛ mbusu bɔ obi ma okehya hɔn a, no nkwa a otwa tun ara nye no. Wosie ahemfo no bi wɔ pɔwmu na binom so wosie hɔn wɔ banmu.

Soronko a ɔda iynom mu nye dɛ, pɔwmu no yɛ pɔw anaa kwaa a woegyaa ma enyin kusuww na wosie ahemfo nko wɔh]. Ɖyɛ a hɔ yɛ amamfo, tsetse atsenae a woetu do. Banmu so yɛ dan soronko bi a amandze kwan do no mpanyimfo esi na wɔkora ahemfo wɔ hɔ. Ha yi, wonnsie ahemfo no, na mbom wɔbam hɔn. Dza wɔyɛ no wɔ ha nye dɛ, wotum dze no si kuraba do twe no mu nsu no amma ɔamprɔw. Beebi so wɔ hɔ a, wotum dze nsahyew anaa nsadzen gu owufo no ne menmu ma ɔkɔnoa no nson nyina dɛ mbrɛ ɔbɛyɛ a ɔnnkɔprɔw ntɛm.

Ahensie mu no, ɔyɛ tsirhonam na ahemfo etsitsir noara na wodzi ho dwuma. Hɔn nye nkorɔfo a wodzi bano wɔ mu dɛ mbrɛ Hymes (1974) da no edzi wɔ kasa nkitahodzi

nhyehyɛɛ mbra a ɔyɛ *participants* no mu no. Wɔma ahemfo na mpanyimfo a wɔreka abɔ mu ekɛsie no nyina ka ntam dɛ mbrɛ ɔbɛyɛ a obi nnkotum dze dza ohunii no aaba abowano.

Anafua bɛyɛ duebien rokɔ dɔnkɔr mu hɔ no, ɔkyerɛma si kyen do ma dabɔhen na ahemfo na tsirhonam ka bɔ mu dze owufo no kɔ ahempɔw mu kɛpɛ no korabew. Sɛ wɔrokɔ a, dɛ mbrɛ medzi kan aka no, wonnhya. Wɔkɔ do ara hɛn mbɛntsia na mbɛnsuon dze ma nana damirifa. Sɛ wɔrokɔ a, wɔtotow etur ma kurom yɛ hu. Wɔyɛ iyi ma aabɔmamfo hu amma obiara emmpue abowano ammbɔhwɛ dza ɔrokɔ do. Wotwa guan wɔ pɔw no mu ansaana wɛsie no.

4.2.2.5 Kwesida Eyiɛ

Sɛ adze kye a ɔyɛ no Kwesida no a, ha na ahɛnyi no hur ma obiara enyi gye. Dɛm ber yi nna awɛɛhow na hu no rokɔ famu kakra ntsi, ɔmamfo ho hyɛ ase baabaa hɔn ma wotum yɛ dza wɔpɛ. Memenda eyiɛ no dze, osiandɛ nna fun no da hɔ ntsi, wɔnnhyɛ da nnkentsɛn hɔnho nnyɛ no yie, osiandɛ nna wogyina akono, na enyiber so aba.

Ha na frɔm, mpintsin na asafo ahorow no nyina kɔ do. Kurom nyina dzi dur kɔɔ na ihu dɛ wɔreyɛ ahɛnyi ampa. Ahɔho na ahemfo ahorow a wɔbae no hyɛ ase bɔ nsawa. Wɔbɔɔman, ebusua, ɔyer na mba nsawa. Wɔbɔɔman no nsawa osiandɛ ɔhen no da ɔman ano, na bi a nna oridzi dwuma bi wɔɔman no mu na osian ɔdomankoma owu ntsi oennwie. Ɔno ntsi wɔdze dɛm nsawa no ma ɔman no ama woetum aatoa dɛm dwumadzi no do. Ebusua mu so dɛmara. Nsawabɔ no rokɔ do no, nna wɔreyɛ

amandze ahorow so refa mu. Ayer ahorow na agodzifo ahorow nyina beda dza wowa edzi kyere adehye a woehya mu wo ho no.

Asaw ahorow na no mu asenkyeredze ma eyiadze ho ye few mbordo. Hymes (1974) da no edzi de, kasa nkitahodzi nyehyee mu no, akasafo no wo kwan bi a otum dua do dze asem potsee bi to gua. Ne dem ntsi eyiye mu no, eyiyefo no nam akwan ahorow do dze nsem to gua, na iyi no mu kor nye asaw. Ahemfo no bi tum saw tow hon nsa ko bankum na nyimfa na wadze bo hon akoko.

Dem asenkyeredze yi kyere de oman no nyina ye nedze anaa dzi wo no. Binom so tum totow hon nsa ko bankum na nyimfa na woma ne nyinara do dze kyere sor. Dem asenkyeredze yi so kyere de nyimpa nyinara hye Nyame ase anaa dan Nyame anaa ye Nyame dze. Ahemfo no bi wo ho na se woresaw a, wadze akomfowa a okitsa hon nsamu no ye de wadze rutwa hon tsir. Se woreye dem a nna mbofra a wowa eyiadze ho no ho ropo kyekyeye de sebew akom esi hon do. Nna wosuro. Dem asenkyeredze yi kyere de sekan da dem ohen no n'egua ho, ono ntsi otum twa tsir. Amandze ahorow pii na oko do wo Kwesida eyiye no mu.

Ber a amandze ahorow rutwa egu no, nna adrafo na amamfo so gu do reye hon ayedze ahorow. Dem ayedze anaa nsawabo yi nyinara da no edzi ma yehu de owu ka nyimpa dasanyi n'abrabo ho, na odasanyi biara so nnakekye bo wo wiadze. Ono ntsi se woreye a, otwar de obiara ye bi ama se odu wo so wo do a, waaaye ama wo demara. Dem botae yi na ohye obiara ne tsirmu. Mpanyin de eye a, na woye ma wo. Woko do bo ayer demara kepem de omaanam behye ase de odze noho beka wi. Se obo no dem a, mpanyimfo tu apo na wadze eyiye no ba ewiei.

Se ahemfo no rokɔ a, wɔbɔ asafo, mpintsin anaa 'brass band' dzi hɔn ekwir. Ahemfo no sa do tsentsenntsen na hɔn nyinara hɔn afadze ye kɔkɔ na tuntum na no mu egukɔnmu a ɔye kɔɔgyan. Se wodu ahemfie a, ɔhen fofor a ɔhwɛe ye eyi no yi mpaa da Nyame, esunsum na nananom ase de wɔahwe ma dwumadzi no nyina akɔ do dwuodwoodwo. Afei ahemfo a wɔbɛmbɛn no hye ase dzi ndan kɔ hɔn kurom.

4.2.2.6 Kunayɛ

Kuna kyere de obi dzi kun-na. Se basia bi no kun wu anaa banyin bi ne yer wu a, amandze a wɔye dze pa mbusu (sasa) a ɔwɔ ɔyer anaa okun no a no hokafo egya no hɔ no na yefre no kuna no. Akanfo ye mbaa kuna kyen mbanyin, osiande wɔgye dzi de mbaa na hɔn sunsum no mu ye har, ntsi hɔn na wohia dem amandze yi ne kɛse. Siantisir a Akanfo dze okun anaa ɔyer to kuna mu nye de: odzi kan, wɔdze pam sasa (mbusu) a ɔwɔ owufo no ho fi okunafo no ne nkyen. Ɔtɔ do ebien, wɔdze tsetsewɔtseasefo no na owufo no ntamu. Otwa tun, wɔdze pa owufo no ho mbusu fi okunafo no ho. Dem botae yi na Hymes (1974) fre no Borɔfo kasa mu "Ends" no.

Mfonyin 5: }hen ne yer okunafo a oridzi asaw w] no kun n'eyi ase



Tsetse no sɛ obi da kuna mu a nna odzi abosoom ebiasa ansaana woepue no. Naaso ndɛ mber yi dze sɛ obi da kuna mu a, odzi ndaawɔtwe (dapɛn) ansaana woepue no. Akan amambra kyere dɛ, sɛ banyin wu ma woyi no wuodzi a, owuodzi no tum war ɔbaa okunafo no. Amambra mma kwan mma ɔbaa a ɔda kuna mu nnkyia. Ansaana okunafo bekyia no, gyedɛ ɔatsew towa mu ana, osiandɛ wɔfa no dɛ mbusu wɔ no ho. Ɔbaapanyin na wɔma ɔhwɛ okunafo no do. Wɔdze kuna dɔsɔ to okunafo no n'asen. Okunafo nnhyɛ mpaboa, onndzidzi ewimbir. Kunayɛ boa ma ebusuafo no na okunafo hyia dwendwen mbofra a wɔwɔ ebusua no mu no ho.

4.3 Nsunsuando a Ahenyi nya wɔ }mamfo hɛn Asetsena na hɛn Abrabɔ mu

Ahenyi wɔ nsunsuando etsitsir ebien: nsunsuando a ɔyɛ papa, na nsunsuando a ɔyɛ bɔn. Dɛm ɔfa-kuma yi mu no, makyɛ mu ebien. Ɔfa-kuma 4.3.1 no kasa fa

nsunsuando pa anaa mfaso a omamfo nya fi ahenyi mu, na ofa-kuma 4.3.2 so kasa fa nsunsuando bon a ahenyi nya no woomamfo no hon asetsena na hon abrabo mu do.

Ansaana yebeyehye iyi ase no, mebere de yebotwe hen adwen egyina siantsir a oye nhye ketsee de se obi wu a Akanfo ye n'eyi no do. Okasafo biara no, otwar de onya botae bi gyina do, na dem botae no na ohwe ho wen n'asem a ope de odze to gua no fa ho. Botae anaa siantsir a odzi kan nye de, Akanfo ye eyi dze kyere hon gyedzi a wowa fa owu ekyir asetsena mu no ho. Akanfo wo gyedzi bi de, se obi wu a, dem nyimpa no kotoa n'abrabo do wo samanadze. Dem ntsi woye amandze dze gya no kwan de mbre oboko eekopue ho wo enyimnyam mu.

Wodze hye owufo no enyimnyam. Akanfo wo gyedzi bi de, onyimpa biara n'abrabo mu enyimnyamhye ye ebiasa, n'awoo mu, n'awar mu na no wu ekyir. Iyi ntsi, se obi wu a, woye amandze ahorow dze hye no enyimnyam.

Hyeh amambra a woye dze gya owufo bi kwan. Eyiye ye Akanfo amambra. Oka hon abrabo ho. Iyi ntsi se wokwetsir a, onnye yie, osiandeh amambra wo ho yi, wonntoto no ase.

Hyeh hon asedze. Oye Okannyi biara n'asedze de se no busuanyi bi ka beebi a, obeye n'eyi. Iyi ntsi se obi wu a, nna onnye adze fofor mma hon osiandeh oye hon ntoyee.

Wodze serem mboa fi omanfo nkyen. Ebusua a hon dehyee efi mu no hwer ndzamba pii, ntsi woye n'eyi de mbre obeye a omamfo beba abeye hon mboa ma woenya biribi dze atsew hon kaw mu.

4.3.1 Mfaso a ɔmamfo nya fi ahenyi mu

Nsunsuando pa pii na ahenyi dze bre ebusua na ɔmamfo. Dza odzidzi do yi nyina ye nsunsuando pa anaa mfaso a ebusua na ɔmamfo nya fi ahenyi mu.

4.3.1.1 Egyapadze ne nyae

Binom kyere de owu see fie, demara na binom so kyere de owu ye fie yie. Akanman mu no, se eyi si fie a, ebusuafo no tum si dan anaa fie fofor a wɔbededa hon dehyee no ho anaa wɔbeyee eyi no wɔ ho. Se fie no so aye dadaw a, wotum kotɔ kaatow anaa penti ka adan no nyina ho ma fie no ye few.

Dem ndzamba yi nyina ber a owu nnsii fie ho no nna wɔtse mu demara, naaso owu sii ho no, wɔdze no ahooper na ntsɛmpɛ siesie ho kamakama amma hon enyim eenngu ase wɔ nyimpa enyim. Nnye iyi nkotsee. Mpanyimfo binom tum bekye ebusuafo na ɔbaa kunafo no adze de bi a atam, edziban, sika na adze a wɔdze beyee eyi no ma aaye few. Dem egyapadze yi ma yehu de owu som bo ma Akanfo papaapa. Egyapadze a mfe petsepee ase si ho no, se owu si fie ho per na wɔabɔ honho mbɔdzen esiesie. Iyi na ɔma dodow ka de, ebusua do fun no. Bi a nyimpa no tse ase no, woenntum ammboa no na mbom owui no dze, wɔrosow no sor pɔfee. Nde mber yi mpo, binom tum bo hon awofo ho susu to ho ama ase wowu a, wɔammfona wɔ hon eyiye ho. Dem sika no, se wohu de hon awofo nnyae nnwui a wotum kegye dze ye adze fofor ma ayee yie.

4.3.1.2 }hen fofor nyae

Iyi ye akwannya kese ma }hen fofor no. Bi a nna n'enyi nda de obedzi hen nde na kyena yi ara, naaso ato no. Iyi bue kwan ma no ma }no so beye n'afamudze ma }man anaa kurow no ma asomdwee ba. Dem }hen yi no nsoae mu no, adfo a dodowara ye ahemfo boa ma }man anaa kurow no nya sika kakra a wodze beye hon hen a oefi mu no n'eyi. N'ahensoa no ma }man anaa kurow no mu ye enyigye. Mbaa tum tonton adze ma wonya sika kakra hye hon ho. Kurom so ye hyew ma dwumadzi ahorow pii ko do. Ahensoa yi dze akwantufo nyinara so ba fie ma kurom ye dew. Hon a wohun hon adfo akyer enyiwa gye ma obiara n'ahom ka no ho.

Mfonyin 6: }hen fofor a w]dze no esi }hen a]k] ekuraa anan mu



4.3.1.3 Amambra nhunii

Eyiye ka Akanfo hon amambra no ho. }ye ntaye a wonntoto no ase koraa. Se owu si ebusua bi mu ma woye eyi a, yehu amandze bi tse d[funguar, funksie, kunaye, adzedzi, kawbu, afadze, nkradzi, ndaawotwedzi, nsawabo anaa ayedze, esiedze na dodowara a }keka ho. Yehu mba, }yer anaa okun na ebusua hon asedze anaa asodzi wo eyiye mu. Dem amandze ahorow yi nkyiramba tum sua ma }kyena bi hon so wotum

gyina hɔn nan do yɛ bi. Obi a onntua ne mantow hyɛ ase tua, osiandɛ oehu dɛ sɛ oenntua a, ɔkyena sɛ ne na anaa n'egya tɔ hɔ a, ɔman bɛma oetwa guan ansaana wɔama no ho kwan ma oesie ne na anaa n'egya a ɔatɔ no. Afei so eyiyɛ no ma obiara hu dɛ, abrabɔ yɛ bataboa. Sɛ ɔto wo nua na eboa no a, dɛmara na sɛ ɔkyena bi ɔto wo so a, wɔbɔboa wo. Na mbom sɛ ɔto wo nua na iyi w'enyi na eye dɛ ɔmmfa wo ho a, ɔkyena sɛ ɔto wo so a, dɛmara na wɔbɛyɛ ama wo. Iyi ntsi eyiyɛ boa ma obiara hu n'asedze a otwar dɛ ɔyɛ dze boa no nua ber a ɔhaw bi a ɔtse dɛm bɔto no.

4.3.1.4. Ahenyi boa ma nkabɔmu ba ebusua mu

Ebusuafo nyina ba ma wɔka bɔ mu yɛ hɔn dehyee a oefi mu no n'eyi. Ɔbaatan pɔtsee a no ho aka wɔ ebusua no mu no, ebusuafo no nyina ka bɔ mu gyegyɛ ntoboa anaa paa ebusuatow ma ebusuafo no nyina ma obiara tua nedze. Wɔdze dɛm sika no nyina kesi hɔn ebusuapanyin ne nsamu ma ɔno so dzi ebusua no n'enyim dze kɛma hɔn dehyee a n'ahom ahyehyew no. Dɛm ntɔyɛɛ yi dze enuadɔ, koryɛ na nkabɔmu brɛ ebusua no, osiandɛ obiara nyim dɛ sɛ no ho kyer no ɔkyena bi a, n'ebusua botum abɔboa no. Afei eyiyɛ no n'ewiei no, ebusuafo nyina tum hyia ma wosiesie awarsɛm, mansosɛm na nsɛmansɛma a esisi ebusua no mu nyina. Bio, osiandɛ ebusua no nyina hɔn ano atɔ mu ntsi, wotum yɛ nhyehyɛɛ ahorow a ɔbɔboa hɔn ebusua no ne nkyekyeree.

4.3.1.5 }mamfo hu owufo no ne dzibew

Akanman mu no, sɛ eyi si a nna yehu anaa yetse nyimpa a oewu no n'abrabɔ mu nsɛm. Nyimpa tse ase a, ɔbɔ ne bra sie. Ɔnnda no edzi mma ɔmamfo nnhu. Siantsir nye dɛ, nyimpa ho yɛ hu,]no ntsi ɔnnkɛpɛ dɛ ɔbɛda n'abrabɔ edzi ama obiara eehu

dza ɔrokɔ do wɔ ne bra mu. Binom mpo bobu no d[ɔkyerɛ ntuw dodow. Ne dɛm ntsi, ɔbra biara wobira bɔ ama eewie yie. Ɔno ntsi sɛ nyimpa no wu a, ebusuafo no bɔ mbɔdzen da ne bra a ɔbɔbɔe nyinara edzi ma ɔmamfo so hu mbɔdzembɔ a hɔn dehyee no bɔbɔe wɔ wiadze.

Wɔkyerɛ owufo no no dwumadzi, ne dzibew wɔ ebusua, ɔman na edwuma mu nyinara. Wɔka ne n'awar na no skuulkɔ nyinara ho aɛm. Dɛm dwumadzi a ɔkɔdo no boa ma ɔmamfo hu dzibew na ɔbra a owufo no bɔbɔe wɔ wiadze. Iyi tum nya nkuranhyɛ wɔ mbabun na nyimpa binom do. Bi so wɔ hɔ a nna ahendzi mu no, ɔhen no wɔ dwumadzi soronko bi a odzi. Wotum da dɛm dzibew no nyinara edzi ma ɔhyɛ ebusua na mba enyimnyam.

4.3.1.6 }yɛ enyimnyamhyɛ

Mpanyin dɛ, "Enyinguase mmfata Ɔkannyi ba" na wiadze so, nyimpa yɛ adze a, ɔsɛ ayɛyi. Nyimpa ne bra nkyekyɛmu yɛ ebiasa: awoo, awar na owu. Dɛm gyinabew yi biara mu no, wɔhyɛ no enyimnyam wɔ mu ma ohu dɛ ampa ɔda ebusua mu na nkyii so ɔka nyimpa ho. Sɛ wɔwo nyimpa ba wiadze a, ebusua na adɔfo hyia na wɔto no dzin dze ma no akɔaba, na sɛ ɔwar so a, wɔkɔboa no ma no mbo-na-yɛ. Afei sɛ dɛm nyimpa no wu so a, wɔyɛ no eyi dze hyɛ no enyimnyam dze kata n'ekyir koraa.

4.3.1.7. }dze sika br[adzet]nfo

Ahenyi boa ma adzetɔn na eguadzi tu mpon anaa kɔ do yie wɔ kurow anaa ɔman no mu. Ahenyi nnyɛ mbofra eyi. Ne dɛm ntsi nyimpa a wɔbɛhyɛ kurow anaa ɔman a dɛm aɛm no esi mu no mu no nnyɛ nyimpaba. Dɛm nyimpa ahorow yinom nyina no, ɔsor

obiara na dza n'enyi gye ho. Nsatɔmfɔ, edzibannoafɔ, na hɔn a wɔtɔn adɔkɔdɔkɔdze ahorow nyinara ba kurow anaa ɔman no mu bɔtɔn adze dze nya sika.

Ndwumakuw akɛseakɛse nyinara tum ba bedzi gua wɔ hɔ. Ndwumakuw a wɔyɛ nsa bi tse dɛ Kasaprɛko, Kpokɛkɛ, Adonko na dodowara a wɔkɛka ho tum ba bɔbɔ hɔn adzetɔndze ho dawur ma ɔmamfo gye to mu. Mpo ahemfo a wɔagyɛ dzin no, sɛ wofi mu a, dɛm ndwumakuw yi bi tum gye eyiyɛ no si hɔn nan do yɛ ma ɔyɛ fɛw. Farmbaa so tum tontɔn nam na adze ma ɔmamfo nya nam yɛ hɔn edziban. Mbaa no bi so tum noanoa edziban tontɔn. Hɔn a wɔtɔn *yogurt* na *meatpie* na ne nkekaho dze bobor a. Dɛm eguadzi dwumadzi yinom nyina boa ma eyiyɛ no dzi mu. Bi a na obi ennya edziban enndzi wɔ fie, obotum akɔtɔ edziban no bi efi dɛm adzetɔmfɔ yi binom hɔ ma no ho aatɔ no.

4.3.1.8. }dze foto ba ebusua mu

Eyiyɛ yɛ kabɔ san so yɛ mfaso. Sɛ eyɛ no yie a, inya mu adze. Nsawabɔdze ahorow a ebusua no nya no, sɛ wɔyɛ eyi no wie ma wobu hɔn kaw nyinara wie a, dza wobɛnya no, wotum dze to ebusua foto mu dze yɛ egyapadze ahorow. Egya bi wɔ hɔ a, otum sie sika dze ma ne mba ne yer na n'ebusua. Ɔno ntsi no wu ekwir no, ebusua no dze dɛm sika no yɛ egyapadze ahorow ma ɔtsena ebusua no mu. Wotum dze si adan kyekyɛ ma ebusua mba no. Okunafo no tum dze dɛm sika no bi hwɛ mba a owufo no gyaa hɔn ekwir no ma asomdwee ba. Okunafo no tum dze nn mba no h]n mu kɔ skuul anaa kosua edwuma ma osi ebusua no yie.

4.3.1.9 Akwantufo ba fie

Nkorɔfo binom wɔ hɔ a, sɛ wotu kwan anaa wɔkɔ ndɔmu a, gyedɛ biribi esi wɔ hɔn nkyir ansaana wɔaba. Sɛ ahenyi anaa eyi si kurow anaa ɔman bi mu a, ɔboa dze kuromhɔfo a woetutu kwan no ba fie. Obi wɔ hɔ a ihun no akyɛr naaso ɔnam eyi do ma ihu no, osiandɛ onyim dɛ sɛ ɔamma obi dze a, odu ɔno so do a, nkorɔfo remmba, ntsi otwar dɛ ɔba. Ahemfo ahorow a hɔn hu yɛ huna nyinara wɔba ma nkorɔfo hu hɔn. Mpo abanmu edzibewdzifo a wɔtɔ dɛ yetse hɔn nka wɔ tɛlɛbihyin na radio do nyinara yehu hɔn enyim-na-enyim wɔ ahenyi na eyi binom ase. Iyi boa ma ɔmamfo tum nye dɛm nkorɔfo yinom bi nya nkitahodzi ma ndzɛpa fi mu ba.

4.3.2 Nsunsuando Bɔn a Ahenyi nya no wɔ }mamfo do

Adze biara a ɔyɛ dɛw no, bɔwema so fam ho. Sɛ ahenyi si kurow bi mu a, ɔdze hu na suro bɔto ɔmamfo no do.

4.3.2.1 Tsirtwitwa

Ahendzi no bi wɔ hɔ a, sekan da ho, ɔno ntsi s[]hen bi wu, tsetse no nna wotum twa tsir anaa nyimpabɔn tum dze hɔn ho gye mu twitwa etsir. Iyi gya ɔmamfo hu na suro. Mbaa nko nntum nnkɔ haban mu nnkeyɛ edwuma. Wonntum mmfa kwan nnkɔ beebi. Beebiara a wɔbɔkɔ no, gyedɛ wɔnam ɔdodow. Ne dɛm ntsi ahemfo bɔ dawur ma ɔbaatan biara hwe ne mba yie. Wonngyaa hɔn ma wɔnnenam basabasa dɛ mbrɛ dabaa ɔtɔ dɛ wɔyɛ no. Iyi ma abrabɔ na asetsena bɛyɛ dzen ma hɔn. Wonngyaa hɔn nyɛmbowa mma wɔnnantsew nantsew basabasa dɛ mbrɛ wɔtɔ dɛ wɔyɛ no. Dɛm ndzɛmba yinom nyinara ma abrabɔ na asetsena mu bɛyɛ dze ma hɔn.

4.3.2.2 Ahenyi ye sikasem

Sɛ ɔhen kɔ ekuraa a, nna ato sikasem. Sika a wɔdze besi ɔhen fofor na dza wɔdze beyɛ nyia ɔkɔ ekuraa no n'eyi nnye dza ɔda famu. ɔhen fofor no nsoae hia sika a no mu ye dur. Kente pa, ahembaa mpaboa, apakan, apakansoafo, asafo no mbɔe na dwumadzi ahorow nyinara hia sika. Afei ɔhen no n'eyiyɛ mu so wohia sika a wɔdze bɔtɔ adaka, no mɔkyertow, afadze na kusum amandze ahorow pii a ɔyɛ sikasem nyinara tɔ dɛ wodzi dwuma. Agodzifo a wɔbɛba eyi no ase, *brass band*, *systemfo* na hɔn a wɔkeka ho nyinara bɛgye sika. Edziban ahorow a wɔdze bɔsom hɔn ahɔhoe nyinara ye sikasem. }no ntsi sɛ ahenyi tɔ adehye ebusua bi do a, nna ɔnnye adze a ɔda famu.

4.3.2.3 Ahyenyi dze mansotwe ba

Ahenyi tum dze mansotwe kɛsenara ba adehye ebusua no ntamu. Nyimpa a wobeyi no ma woedzi owufo no n'adze, merekyerɛ owuodzi no tum ye mansotwe kɛsenara. ɔno nye dɛ adehye ebusua no, abaatan mu no, otum ba dɛ obiara pɛ dɛ wɔdze ne ba dzi adze, na iyi tum kɔtwetwe manso a ɔyɛ dzen ba. Bio, bi a na ebusua no akɔtɔn ebusua asaase bi a wɔdze robɔbɔ ahensoa na eyiyɛ no bra ma binom nntse ase. Iyi tum ye manso ara mpo ma wotum dze ɔhen no hyɛ mɔkyer mfe pii. Dɛm nsem yi esisi wɔ nkurow na aman pii ahendzi mu. Osian mansotwe ntsi, ɔhen fofor no a wɔbɔsoa no so sɛ wɔammbɔ no ho bra yie a, otum hwɛr no nkwa.

Sɛ ahenyi si kurow bi mu a, otum ma nyimpabɔnfo na subambɔn ahorow pii kɔ do wɔ kurow no mu. Sɛ egua no sekan da ho a, nyimpabɔnfo tum dze hɔnho gye mu bedzi bɔn ma wɔdze hyɛ ahemfo a wɔwɔ ntabaka mu hɔ no. Mpo bi wɔ hɔ a ahensoa no mu no, ntakwa tum si ma ɔdan atwɛrbɔ. Osiandɛ mbabun dodowara sɛ odu dɛm ber

yi a, wɔabobow ntsi, wotum yeyɛ ndzɛmba pii a ɔmmfa kwan mu. Bi so w] hɔ a nna ɔyɛ ebusua manso noara na atserɛw aba guamu no.

Sɛ yɛdze dɛm nsunsuando bɔn ahorow yinom nyina to nkyɛn a, ɔhen no a wonnsie no ntsem na wɔkora no fie araa kɛpem anafua sɔɔ no botum ama yarba bi a no nsunsuando yɛhu atsew esi kurow no mu. Dɛm asem yi hia ndwenho. Nyimpa wu a, ɔnnda fie nkyɛr. Sɛ ɔda fie kyɛr a, nka a ɔbɛba fie hɔ no yɛ yarba nkotsee. Ɔno ntsi ohia dɛ wɔpɛ no korabew ntsem. Dɛmara so na ɔtɔ dɛ wɔyɛ ma ewufo nkaa no nyinara.

Dɛm ndzɛmba ahorow yinom nyinara yɛ dza onya nsunsuando wɔɔmamfo no hɔn abrabɔ na asetsena mu do. Onnkotum aba dɛ yɛbɛyɛ nhwehwɛmu afa ahenyi ho wɔ ber a yɛrenndan hɛn enyi nhwɛ nsakyɛr ahorow a aba ahenyi mu ndɛ mber yi na mbrɛ ahenyi bɛyɛ daakye. Ɔno ntsi ohia dɛ mutwa m'enyi hwɛ hɔ kakra ma yehu.

4.4 Nsakyɛr ahorow a aba Akanfo Ahenyi na Eyiye mu ndɛ mber yi na mbrɛ Ahenyi na Eyiye bɛyɛ Daakye

Dɛm ɔfa-kumaa yi wɔ mu ebien: nsakyɛr a aba ahenyi na eyiye mu ndɛ na mbrɛ ahenyi na eyiye bɛyɛ wɔ daakye. Ɔno ntsi makyɛ mu ebien. Hom mma yɛmfɔ no nkorkor.

4.4.1 Nsakyɛr ahorow a aba Akanfo Ahenyi na Eyiye mu ndɛ mber yi

Nsakyɛr ahorow pii na aba tsetse na ndɛ mber yi mu ahenyi na eyiye mu.

4.4.1.1 Atamtwa na Ntartwa

Dza odzi kan a mebeƙasa afa ho nye atamtwa na ntartwa. Nde mber yi, se obi wu a, mba na ebusafo no binom tum twa atam na ntar na woye owufo no no mfonyin to mu a wobofura no eyi da no, naaso tsetse no nna onntse dem. Wobo iyi ho kaw pofee. Osor dza woye no Memenda a oye asopon no na osor dza woye anaa wofura no Kwesida no. Kwesida no dze wofura fufuw dze ko ndaasesom. Iyi nyinara ye kaboo na sikasee.

Mfonyin 7: Owufo no mfonyin a w[ɔ]dze twa tam dze y[ɔ] eyi Memenda



Mfonyin 8: Owufo no mfonyin a w]dze twa tam dze y[eyi Kwesida



4.4.1.2. Edzibannoa asorɔtow

Iyi na ama eyiyɛ ayɛ kabɔ ndɛ mber yi mu no. Ebusuafo no yɛ edziban ahorow bi tse dɛ fufu, mbɔr, emo, dɔkon, “take away” na nsa ahorow. Wɔhyɛ edzibanyɛ ase fi Yawda dze kɛpem Kwesida ewimbir. Ahɔho a wɔbɛba nyinara otwar dɛ wɔsom hɔn. Da a ɔyɛ Fida na Memenda no dze, wɔnnka. Wɔyɛ edziban araa ma mbofra mpo nya bi dzi Naaso tsetse no nna ɔntse dem, nsa kakraabi na wɔdze ma ahɔho no akɔaba. Osian edziban dodow ne yɛ ntsi, wɔbɔ kaw. Osiandɛ sika a wɔdze bɛyɛ edziban ahorow no bor nsawabɔdze a wobɛnya no do. Iyi ma ekyir no wobowie no, na

manso na kekakeka aba. Kabɔ ahorow no tum ma sika a wɔdze beye eyi no mpo tum ye dzen. Iyi ma wobowie eyiye no, na ebusuafo dzedze kaw berdzedzedze.

Nde mber yi se obi wu anaa enen bi bo fa a, mba na ebusua no ye no ho mfonyin dze femfam kurom. Mfonyin no so nnye d[bi a wɔreka de wɔreye kor anaa ebien bi. Wɔye no dodow. Iyi so ye adze a ebowura Akanfo eyiye mu. Wɔye owufo no no mfonyin dze femfam kurow mu. Nnye iyi nko, wɔsan ye nwoma a owufo no noho nsem wo mu na mba na ebusuafo binom so hon mfonyin wo mu. Wɔkyekye no wo eyi no ase ma adɔfo na ahɔho a wɔbae no.

Mfonyin 9: Mfonyin a w]ay[no 'billboard' do dze rob] nkaa ber a woribedzi ndaaw]twe

One Week
CELEBRATION
of the late


**NANA
ESSARKWA
BAAH I**
A.K.A Francis Baah
Akwamuhene of Abura Traditional Area.

AGED
91

Date: 29th August 2020
Venue: **Abura Odonase C/R (Funeral Grounds)**
Time: **6:00am - 6:00pm**

ALL SYMPATHIZERS ARE CORDIALLY INVITED

Mfonyin 10: Mfonyin a [w] krataa do a w]dze afam pool ho rob]] nkaa



4.4.1.3 Dawurbɔ wɔ kasafir do

Fitsi bera obi bɔtɔ famu no, ebusuafo no hye ase ye ho nkaabɔ wɔ dawurbɔ ndwuma ahorow no mu. Binom dze hɔndze kɔ tɛlɛbihyɛn do, radio do na koowa nkrataa mu, naaso tsetse no dza wɔye ara nye ɔman anaa kurow no mu dawurbɔ. Dɛm nkaabɔ ahorow yinom nyinara twetwe kaw brɛ ebusua na mba no. Wotum ma ho nkaabɔ bɛye bosoom kor na no mboree dze kyere dɛ hɔn hen anaa hɔn dehyee no dzi mu.

4.4.1.4 Agor ahorow a wɔkɛhae

Sɛ wɔreyɛ eyi a, ebusua no tum kɛfa bandfo, sestemfo, kete, frɔm na adze ma wɔbɔgor wɔ eyi no ase. Dɛm ndzɛmba yinom nyinara da edzi wɔ ahenyi so mu. Dɛm nkorɔfo yinom nyina wotua hɔn kaw. Naaso tsetse no nna frɔm ne tsitsir na wɔgor anaa wɔbɔ. Tsetse no nna wotum ka mpintsin na asafo. Naaso ndɛ mber yi dze, wɔkyere dɛ osian enyibuei ntsi, wɔye ma ɔtra do. Binom mpo tum fa sestemfo ebien anaa ebiasa. Ɔsor ma ɔwɔ eyiadze na ɔsor mbrɛ ɔwɔ beebi a wɔadeda owufo no.

4.4.1.5 Mɔkyersie

Tsetse no sɛ obi wu a, nna wɔbam no bɛye ndaawɔtwe bi, naaso ndɛ mber yi, sɛ obi wu a, wɔdze no kɛhyɛ mɔkyer bɛyɛabosoom ebiasa, esia, afe kor, ebien anaa ebiasa na no mboree. Dabiara so wɔgye ho sika. Ebusua bi tum tsitsi mɔkyer kaw berdzedzedze a obowie tun no, nna no ntuae aye dzen dɛ ɔbo. Mɔkyer a wɔdze

nyimpa kɛhyɛ no mpo nnyɛ papa. Tsetse no, nna wosie nyimpa ntsem osiand[
nyimpa nnyɛ nam na wɔdze no akɛhyɛ fregye mu.

Adze kor a ndɛ mber yi asesa koraa nye enyigyedze a wɔdze ebowura eyiyɛ mu.
Tstese no nna eyiyɛ yɛ enyibersɛm naaso ndɛ dze eyiyɛ adan enyigyedze. Ndɛ eyiyɛ
ase na binom dze kyere ntarhyɛ na ahonyadze. Wɔdze eyiyɛ ayɛ asaw, edzidzi na
ɔnombea. Ber a obi ridzi awerɛhow no, hɔ na binom kyere hɔn akɛsesɛm. Wobu
owu dɛ enyigyedze. Naaso tsetse no nna ɔntse dɛm. Sɛ obi wu mpo a, isuro dɛ
edze w'enyiwa bɔhwɛ. Nketsenketse kyekyer wo ma woara ihu dɛ ampa adze a ɔyɛ
hu na ɔyɛ awerɛhow na wɔreyɛ no.

4.4.1.6 Sentwa

Ndɛ mber yi mu no, sɛ obi wu a, n'ebusuafo tum twa no fun no ho sen fi ber a
wɔdze no fi mɔkyer reba kɛpem ber a wɔdze no bɔkɔ esiei akɛpɛ no korabew dze
ekowie w] Kwesida ewiaber. Naaso tsetse no nna dɛm adze yi nnyi hɔ. Binom kyere
dɛ, tsetse no nna mfonyin ho mfir mmbae ntsi na nna wɔnnyɛ bi no. Naaso nnyɛ
dɛm na ɔtse. Ndɛmbafo yɛ apɛbiakyerɛ na suatra, ɔno ntsi na wɔtɔ dɛ wɔyɛ dɛm no.
Dɛm ndzɛmba ahorow na dodowara a nhwehwɛmu yi enntum annka ho asem yɛ
nsakyer ahorow a aba ahenyi na eyiyɛ mu ndɛ mber yi mu.

4.4.2 Mbrɛ Ahenyi na Eyiye bɛyɛ Daakye

Binom kyere dɛ yɛwɔ abosomanketsew wiadze. Iyi kyere dɛ wiadze dzi adanadan.

Mbrɛ ndeda na ɔtse no, ndɛ yi asesa. Dɛ mbrɛ ndɛ yi ɔtse no, ɔkyena anaa daakye yi so, ɔbɛsesa, osiandɛ nda na mber nyin. Sɛ yɛhwɛ mbrɛ nyimpa ruwuwu ndɛ mber yi a, ɔbɔtɔfabi no obi nnkɔkɔ obi n'eyiadze.

Sɛ yɛhwɛ daakye a, obotum aba dɛ adzefo bɛgye eyi aayɛ. Ono nye dɛ, sɛ yɛhwɛ mbrɛ ndɛ ɔmamfo si kɔbɔ bosa dze bɛyɛ eyi no a, ɔnnkɛyɛ nwanwa dɛ nkorɔfo binom dze bɛyɛ hɔn edwuma ay[d[w]b[gye ɔmamfo hɔn adehyee hɔn eyi ay[ama hɔn na wɔnye hɔn akɛ no mu ndzinoa nyinara d[mbr[]rok] do w] Esuantseman mu.

Adze kor so a obotum eesi daakye nye esiei a no ho bɛyɛ dzen ma wɔnnya beebi nnsie nkorɔfo. Siantisir nye dɛ, ndɛ mber yi nkorɔfo ayer hɔnho rototɔ nsaase sisi adan wɔ do. Iyi bɛma nsaase ho aayɛ dzen daakye ma bi aakɔ esiei so. Anhwɛ a, nyimpa dodowara wɔbɛhyew hɔn dɛ mbrɛ wɔyɛ no wɔ aman bi do no.

Sɛ mohwɛ ntɛkyerɛ mu a, daakye ahemfo a wosie hɔn anafua no, wobegyaa. Osiandɛ nhwehwɛmu bi botum ada eedzi ma woehu ɔhaw a dɛm amandze no dze ba ɔmamfo no do.

Bio, sɛ yɛannhwɛ a ɔbɛyɛ kakra anaa daakye no, owu na eyiye nnkɛyɛ awerɛhow bio dɛ mbrɛ yehu no ndɛ yi. Binom dze obi n'eyi ase bɛba abɛgye hɔn dzin abɛkyerɛ ntuw na ahonyadze.

4.5 }fa yi no T]fab]

Dɛm ɔfa yi akasa afa nhwehwɛmu dwumadzi yi nyina ne mpɛnsampɛnsamu ho. ɔfa yi eyi nɛmbisa a ɔtɔɔ gua wɔɔfa a odzi kan no mu no ano na akyerɛkyerɛ mu yie ma ntseasee ada edzi. ɔfa yi akyerɛkyerɛ gyedzi ahorow a Akanfo wɔ taa owu na eyiyɛ ekyir na esi do dua dɛ, owu ka nyimpa n'abrabɔ ho, na ɔyɛ Akanfo hɔn ntɔyɛdɛ wobegya owufo bi kwan kwan pa do ma oekopue samanadze asomdwee mu.

}fa yi sanee hwɛɛ kwan a Akanfo fa do yɛ ahenyi. Nhwehwɛmu dwumadzi yi daa kwan etsitsir ebien: dɛtseyi na eyipa anaa sikasa edzi. Dɛtseyi mu no, amandze ahorow na ɔkɔ do kɛpɛm ber a wobeyi ɔhen no na woesie no. Dɛm ber no wɔyɛ amandze bi tse dɛ mɔkyersie, ahensi anaa ahensoa, nkaabɔ, ndaawɔtwe ne ndzii na dodowara a ɔkeka ho. Eyipa anaa sikasa mu so, wɔyɛ amandze bi tse dɛ funguar, fun ndedae, eyiyɛ, ndabɔ na funsie na dza ɔkeka ho.

}fa yi toaa do hwɛɛ nsunsuando pa na nsunsuando bɔn a eyiyɛ na ahenyi nya no ɔmamfo hɔn abrabɔ na hɔn asetsena mu do. No korakora no, ɔfa yi twee adwen sii nsakyɛr anaa nsesa a aba ndɛ mber yi eyiyɛ mu na mbrɛ eyiyɛ na ahenyi bɛyɛ daakye do. Medze Hymes (1974) '*SPEAKING THEORY*' no na medze kyɛrɛkyɛrɛ nɛmpɔw no bi mu ma ɔdaa nokwar na botae ahorow bi edzi.



ƆFA A OTSIA ENUM

EWIEI: TƆWB} NA ADWENKYER{

5.0 Nyienyim

Ɖem Ɔfa yi da nhwehwemu dwumadzi yi no tƆwbƆ na no ho adwenkyerƎ edzi. Ɖdze nsentsitsir a ƆkƆr do wƆ nhwehwemu dwumadzi yi mu nyinara to gua.

5.1 Nhwehwemu Dwumadzi no Nyinara no TƆwbƆ

Adze wƆyƎ no n'ano n'ano ntsi dƎm nhwehwemu yi wƆ nkyekyemu ahorow enum. Ɖfa a odzi kan no kasae faa nhwehwemu dwumadzi yi nyinara ne nyienyim ho. Ɖkasae faa nhwehwemu yi ne ngyinado, nhwehwemu no ho haw, nhwehwemu no no botae, Ɔdze nhwehwemu no ho nsƎmbisa to gua, nhwehwemu no ho mfaso, Ɔsan so dze nhwehwemu no ho akwansidze to gua, bea a nhwehwemu no kƎpem, nhwehwemu no ne hyehyƎƎ na no tƆfabƆ edzi.

}fa a ƆtƆdo ebien no kasae faa nsƎm ahorow a enyimdzefo bi edzi kan aka afa owu na eyiyƎ ho na twaka a Ɔnye mo dwumadzi yi wƆho. Ɖfa yi mu no, mohwƎƎ nsƎm bi tse dƎ amambra na amandze, owu, abrabƆ mu akwantu, awoo na abadzinto, brayƎ na bragor, ndzƎmba a Ɔdze owu ba, kwan a Akanfo fa do yƎ owupa ho eyi; kwan a Akanfo fa do yƎ atƆfowu ho eyi; ndabu wƆ eyiyƎ mu, ahemfo eyiyƎ na no mu atƆrmuadze, Ɔhen n'asodzii na no dwumadzi na gyedzi a Ɔtaa ahenyi ekyir. Ɖfa yi mu no, mesanee hwƎƎ tƆbri a Ɔtaa dwumadzi yi ekyir a ƆyƎ Hymes (1974) kasa nkitahodzi nhyehyƎƎ mbra no.

Ɔfa a otsia ebiasa no kasaa faa kwan a mefaa do yɛɛ nhwehwɛmu yi. Iyi mu no, mohwehwɛ nsem bi tse dɛ nhwehwɛmu dwumadzi no no su, nyimpa a menye hɔn dzii dwuma, kwan a mefaa do nyaa nsem dze dzii dwuma no na kwan a mefaa do yɛ[me mpɛnsampɛnsamu no ma dwumadzi yi wiee mudzi.

Ɔfa a otsia anan no kasae faa nhwehwɛmu dwumadzi yi ne mpɛnsampɛnsamu ho. Ɔbɛkyerɛkyerɛ nsembisa a ɔtɔɔ gua no nyina mu na oyiyii ano yie ma dwumadzi yi mu daa hɔ frenkyemm. Ɔdaa edzi wɔ dɛm ɔfa yi mu dɛ Akanfo wɔ gyedzi ahorow pii a wɔwɔ fa owu na eyiyɛ ho. Dɛm gyedzi no bi nye d[sɛ onyimpa wu a, ɔkɔtoa n'abrabɔdo wɔ samanadze. Ɔfa yi daa gyedzi ahorow pii edzi. Ɔsanee daa edzi wɔ]fa yi mu dɛ Akanfo eyiyɛ anaa ahenyi wɔ nkyɛmu ebien: dɛtseyi na sikasa anaa eyipa. Dɛtseyi mu no, wɔyɛ amandze bi tse dɛ mɔkyersie, ahensi anaa ahensoa, ebusuato no ntuae, ntartwa na atamtwa na dodowara a ɔkeka ho. Sikasa anaa eyipa mu no, wɔyɛ amandze bi tse dɛ wotwa guan, woguar fun no, na wɔdeda no. Wɔbɔ frɔm, mpintsin na ayer ahorow wɔ eyiyɛ no ase.

Ɔfa a otsia enum no kasae faa nhwehwɛmu dwumadzi yi nyina no tɔwbɔ, adwenkyerɛ na ewiei ho.

5.2 Dza ɔdaa edzi wɔ nhwehwɛmu dwumadzi yi mu

Nhwehwɛmu dwumadzi yi ada ndzɛmba ahorow pii edzi. Nhwehwɛmu dwumadzi yi daa no edzi dɛ nyimpa n'abrabɔ yɛ pruw anaa kɔntɔnkrɔn. Iyi kyere d[sɛ wɔwo nyimpa a, wɔto no dzin anaa wɔsɔsɔ n'anomu, na iyi ekyir no ɔhyɛ ase dɛ orinyin. Nyimpa nyin du ne mpanyin mfe do na sɛ ɔyɛ basia a wɔgor no bra. Sɛ ɔyɛ banyin so

a ɔnye n'egya ye edwuma ma wɔdze hu de ne nsamu aye dzen. Nde mber yi dze, wɔma hɔn nwomasua mu nyimdzee ma wɔbeyɛ nkrakyefo na nwurabafo. Binom tum nyin beyɛ akyerɛkyerɛfo, anɛɛsefo, mbranyimfo, atsembuafo, amampanyimfo, adatserfo, aporisifo, nsordaafo na dodowara a wɔkeka ho.

Iyi ekwir no s[odu n'awar mfe do a n'awofo war ma no. Awar ekwir no, ɔtsew noho nye ne yer kɔbɔ hɔn bra, na wonya mba dze kyekyer ebusua. Hɔn so wɔhwɛ hɔn mba ma wonyin benya edwuma ye ma hɔn mba so hyɛ ase warwar. Iyi ekwir no hɔn so beyɛ mpanyimfo ma owu befa hɔn kɔ.

Nhwehwɛmu dwumadzi yi daa ndzɛmba ahorow bi a otum dze owu ba edzi. Dwumadzi yi kyereɛ mu de ɔwɔ mu de owu ye kontonkrowi a ɔda amansan nyinara kɔnmu dze naaso no kwan no kɔber nnsɔe a, wɔnnkɔ. Akanfo gyedzi de otwar de ɔdasanyi biara nya mfe 70 a ɔbɔadze ahyehye ama ɔdasanyi no ansaana oetum efi wiadze. Se ammba no dem a, nna ɔnam biribi do. Dem ndzɛmba no bi nye yarba, duabɔ, eduto, mpanyinye, bayi, akwanhyia anaa atowerɛnkyɛm na dza ɔkeka ho. Dem akwan yi nyina tum ma obi hwer no nkwa.

Nhwehwɛmu dwumadzi yi dze too gua de, Akanman mu no, se obi bɔ fa a wɔnntoto no ase koraa, osiande wɔwɔ gyedzi ahorow fa owu ho. Akanfo gye dzi de owu ka nyimpa n'abrabɔ ho, na yeye twamuhɛn wɔ wiadze. ɔdasanyi biara wɔ beebi kɔ wɔ no fona ekwir. Gyedzi bio nye de, se obi wu a, ɔkɔtoa n'abrabɔ do wɔ samanadze. Dem gyedzi yi dzi adɔntsen wɔ Akanfo abrabɔ mu papaapa. Ne dem ntsi wɔye ho amandze ahorow dze gya owufo no kwan. Dem gyedzi yi boa ma se ɔhen wu a, tsetse no nna wɔdze akra ka no ho kesie no. Gyedzi nye de akra no rokɔsom ɔhen no wɔ samanadze

hɔ, osiandɛ ɔhen no rokɔtoa n'ahendzi no do wɔ hɔ. Gyedzi bio a ɔdaa edzi wɔ dwumadzi yi mu nye d[owu wɔ asaase yi do no yɛ awofofor wɔ samanadze anaa sunsum afamu wiadze. Ɔno ntsi mbrɛ wiadzefo werɛ ahow no, nna nsamamfo enyi agye. Dwumadzi yi daa no edzi bio dɛ, Akanfo binom gye dzi dɛ sɛ nyimpa wu a nna asa. Na binom so gye dzi dɛ owu ekwir wɔ asotwe anaa atsembu.

Nhwehwɛmu dwumadzi yi sanee daa kwan a wɔfa do yɛ ahenyi na eyi ahorow edzi wɔ Akanman mu. Dɛm ɔfa yi mu no, mekyɛɛ mu ebien: dɛtseyi na sikasa anaa eyipa. Dɛtseyi mu no, ɔdaa edzi dɛ sɛ ɔhen wu a, gyedɛ wɔkyer ɔhen fofor ansaana woetum ayɛ n'eyi. Amandze kwan do no, ɔhen fofor no na obegyina ayɛ dadaw a oefi mu no n'eyi. Ahensi na ahensoa mu amandze nyinara, dwumadzi yi daa no edzi. Asafobɔ, mpintsin na ayer ahorow, apakansoa, nkonguasoa na no mu takuwabɔ na dza ɔkeka ho nyinara yɛ amandze ahorow a wɔyɛ no wɔ ahensi na ahensoa mu. Afei ebusua na tsirhonam no nyina boaboa hɔn ho dze kɛpem eyiyɛ da no. Dwumadzi yi da no edzi dɛ eyiyɛ mu no, kurom yɛ hu. Wonnsie ɔhen enyimkan. Afei eyiyɛ mu no, amandze mu amandze ahorow pii kɔ do. No mu kete, adowa, asafo, frɔm, mpintsin na mbɔmbaa nnyɛ agor.

Ɔdaa edzi wɔ nhwehwɛmu dwumadzi yi mu dɛ, nsakyer ahorow pii na aba ndɛ mber yi eyiyɛ mu. Dɛm nsesa anaa nsakyer no bi nye atamtwa, ntartwa, sentwa, edzibanyɛ pɔfee, mfonyinyɛ, radio na telɛbihyin do nkaabɔ anaa amandzɛɛbɔ na dza ɔkeka ho. Dwumadzi yi sanee hwɛɛ mbrɛ eyiyɛ a ahenyi so ka ho bi bɛyɛ daakye, na ɔtɔɔ gua dɛ, daakye obotum aaba dɛ obi nnkɔkɔ obi n'eyi na assase so a sɛ obi wu a wobesie no wɔ do ho bɛyɛ dzen osiandɛ ɔmamfo rototɔ nsaase dze risisi adan wɔ do.

Dem nsem yi na dodowara a okoka ho na odaa edzi wo nhwehwemu dwumadzi yi mu.

5.3 Adwenkyere na nsusui

Dwumadzi yi ada amandze na gyedzi ahorow a Akanfo wo fa owu na eyiye no ho edzi.

Odaa edzi wo nhwehwemu dwumadzi yi mu de, ahenyi mu no, wosie ohen no anafua

duebien mpaaamu roko donkor mu. Dem ntoyee yi ye dza daakye obotum dze ohaw

kesee aba amamfo hon apowmudzen do. Nyimpa wu a nna asase, onno ntsi otwar de

wakepe no korabew ntsam. Na de wodze no to ho ara ma enyim muna kebii anaa

anafua ansaana wakepe no korabew no ye akwasiwdze ma amamfo hon

apowmudzen. Onno ntsi mususu de dem amandze yi mpanyimfo bawwen ho aako ekwir

na wadan mu kakra. Se enyimkan na wobesie no a, wobotum aaka amamfo nyinara

egu dan mu na woekesie no, kyen de wodze no boto ho ara anafua ansaana

woekesie no no. Obi so botum ahwe abae for ndzamba ahorow a wodze awurawura

Akanfo hon eyiye mu no ho.

Afei so odaa edzi wo nhwehwemu yi mu ma yehun de, eyiye ye kaboo na enyigyedze.

Mususu de se ebusua bi hon dehyee bo fa a, wobotum wape no korabew na ekwir no

watoo bo aaye n'eyi ma asomdwee aaba. Onnyi kwan de wodze no kehye fregye mber

tsentsen bo no ho kaw dze see sika, na eyiye no mu so wasee sika. Wobotum wodze

dem sika no bi aaboa ebusuafu a wawo ahokyer mu no ma aaye yie.

Nsem na amandze ahorow pii wɔ ho a dwumadzi yi annka ho asem. Nsem bi tse de dwuma a ebusuafo, mba, okunafo, egya na ɔman dzi no wɔ eyiye mu no, dwumadzi yi annka ho asem. Dwumadzi yi annhye da ara annhwe ankorankor eyiye, ɔno ntsi obi botum aaye nhwehwemu aafa dem ndzamba yi nyinara ho. Obi so botum aaye nhwehwemu aafa mbre owu na eyiye beye daakye ho, na ɔadɔ mu esuko akyerekyerɛ mu yie.

Edziban a wɔye no pɔfee wɔ eyiye ase no, mususu de ebusuafo no bɔdwen ho na wɔaye biribi afa ho. Mususu de, ebusua a adze ato hon enyi no botum aaye nhyehyee pa afa edzibanye ho. Wɔbɔnoa edziban kakra a wɔdze bɔsom ah]ho noara per na mbom nnye obiara de mbre ɔto de yehu no.

Afei so se ahenyi si a, hu a wɔdze to ɔmamfo do no, de bi a nyimpa kum na dza ɔkeka ho no, wɔbɔhwe egyae. Dem amandze yi tsia nyimpa ne fahodzi de otum ko beebiara a ɔpe. Onkesian obi a oewu ntsi atseasefo aaka dan mu. Wobotum mpo aye ma ɔmamfo nyina ebegyina mu wɔ fakor de bi a bagua mu eesu no ma awerɛhow akata kurow no do. Iyi bema obiara eehu de asenkese ato kurow anaa ɔman no kyen de wɔdze hu na suro bɔto ɔmamfo no do.

Se yeye de yema hen kusum na amambra tsena ho dza nna ɔwo de ye hye da ara kyerekyerɛ mbaabun no ma wɔtse dem kusum amambra na amandze a wɔye no ase.

Mususu de se nhwehwemuyefo tsen hon enyiwa hwe adzesua a ɔfa no kusum na amandze na amambra ho a, ɔbɔboa ma Akan adzesua eetu mpon na obiara so n'eyi begye ho.

5.4 Tɔwbo

Ɔfa yi ada nhwehwɛmu dwumadzi yi nyina no tɔwbo na adwenkyerɛ ahorow edzi. Ɔfa yi ada nsem ahorow a nhwehwɛmu dwumadzi yi daa no edzi no edzi. Ɔdze nsempɔw a ɔdaa edzi wɔ dwumadzi yi mu nyina no tɔwbo so ato gua. Obehia dɛ ɔmamfo bɔkɔdo ayɛ nhwehwɛmu afa owu na eyiyɛ ho ama daakye nkyirimba eetum dze tsetse eyiyɛ atoto hɔn ber do dze ho.

NWOMA A MINYAA MU MBOA

- Achana, D. (1993). *The Artistic Aspect of Funeral Performance in the Kasena-Nankana Area*. B. A. Thesis (Unpublished). University of Education, Winneba.
- Adizie, S. E. K. (1993). *The Involvement of Art in the Funeral Celebration of the Somey Traditional Area*. B. A Thesis (Unpublished). University of Education, Winneba.
- Adu-Gyamfi, P. (2010). *Observable Artistic Changes in the Funerals of Adanse Traditional Area*. M.Phil Thesis (Unpublished). Kwame Nkrumah University of Science and Technology, Kumasi.
- Agyekum, K. (2006). The sociolinguistics of Akan personal names: *Nordic journal of African Studies* 15(2): 206- 235.
- Amoah, J. K. (2017). *Mfantse kasasua*. Pedu, Cape Coast: Patmo Printing Press
- Amoako – Ata, F. K. (2000). *Funeral Celebrations by Akans*, Kumasi: Centre for National Cultural.
- Asuquo, O. O. (2011). A Rationalization of an African Concept of Life, Death and the Hereafter. *American Journal of Social and Management Sciences*. 2 (1), 171-175.
- Baloyi, L. J. (n.d). *The African Conception of Death: A Cultural Implication*. Pretoria, South Africa: University of South Africa
- Bonsu, M. A. (1993). *Sankɔfa- Akanfo Amammerɛ bi*. B. A. Thesis (Unpublished). Kwame Nkrumah University of Science and Technology, Kumasi.

- Bosiwah, Lawrence & Kofuwa, Esi (2009). *Ghana Kasasua na Amambra for JHS* 3. Nyansapow Publishing & Printing, EPP Book Services, Ghana. Pages: 146. ISBN: 978-9988-0-7259-9.
- Brayer, M. M. (1986). *The Jewish Women in Rabbinic Literature*. New Jersey: KTAV Publishing.
- Bujo, B. (1998). *The Ethical Dimension of Community: The African Model and the Dialogue between North and South*. Nairobi, Kenya: Pauline Publications Africa.
- Danquah, J. B. (1968). *Akan Laws and customs*: London.
- Dawson, D. (2002). *Practical Research Methods: A User Friendly Guide to Mastering Research Techniques and Projects*: London: United Kingdom. How to Book Ltd.
- Dawson, D. (2002). *Practical Research Methods: A User-Friendly Guide to Mastering Research Techniques and Projects*: London: United Kingdom. How to Book Ltd.
- Fosu, A. (2000). *Funeral Celebration by Akans*. Unpublished.
- Hackett, R. I. J. (1989). *Religion In Calabar*. New York: Mouton De Gruyter
- Hymes, D. H. (1974). *Foundations in Sociolinguistics: An Ethnographic Approach*. Philadelphia: University of Pennsylvania Press.
- Jindra, Michael. 1997. "The Proliferation of Ancestors: Death Celebrations in the Cameroon Grassfields." PhD diss., University of Wisconsin-Madison.
- Kastenbaum, R. J. (1977). *Death, society, and human experience*. Needham Heights, MA: Allyn & Bacon.
- Kearl, M. C. (1989). *Endings: A sociology of death and dying*. New York, NY: Oxford University Press.
- King, L. M. (2013). In Discourse –Towards a Pan-African Psychology: Drum rolls for a Psychology of Emancipation. *Journal of Black Psychology*, 39, 223-231.
- Kobi, Yaw. (2010). *Amammerɛ Fie*. Accra, New Town: Mighty Winners Publication
- Kurtz, D C & Boardman, J. (1971). *Greek burial customs*. Thames & Hudson: London.
- Lithur, N. O. (2008). *What Laws regulate widowhood rites in Ghana?* Daily Graphic (Accra) May 6, 2008. pp. 11
- Mbiti, J. (1975). *African Religions and Philosophy*. London Heinemann.

- Michelle, G. (2019). *Akan Ethnonyms*. Retrieved from Akan Encyclopaedia.com. 30/09/2019
- Mintah, J. K. (1996). *Akan Amambra Mu Bi*, (First Edition), Bureau of Ghana Languages, Accra.
- Nukunya, G. K. (2003). *Tradition and Change in Ghana: An Introduction to Sociology (2nd Edition)*. Accra Ghana University press.
- Odoom, J. K. (2011). *Mfantse Amambra na Amandze for JHS*. Accra: Advent Press
- Odoom, J. K. (2013). *Mfantse Anokasadwin, Amambra na Amandze for SHS*. Accra: Advent Press.
- Onyewuchi, O. B. (n.d). Death and Dying in the African Context. *Jounal for Literary and Artistic African-American Themes*
- Opoku, K.A. (1978). *West African Traditional Religion*. Nigeria: Kucena Damian.
- Prempeh A.A. (2001) *Akanfoɔ Amammerɛ*. Premesco (2nd Revised Edition) Publications, Kumasi.
- Prempeh, A. A. (2009). *Akanfoɔ Amammerɛ*. Asafo-Kumasi: Alpha and Omega Printing Press.
- Rahner, K., (2011). *A contemporary theology of death*. Ashgate Publishing Limited, Burlington.
- Ramose, M. B (2002). *African Philosophy though Ubuntu*. Harare, Zimbabwe: Mond Books Publishers
- Sackey, B. M. (2001) "*Kunayɛ*"; *Observance of Widowhood rites by the wives of the Oumfuo*, in Hagan, G.P. and Odotei, I.K. (editions). *The King has gone to the village: The death and burial of Otumfuo Opoku Ware II*. Asantehene. Intsitute of African Studies, University of Ghana.
- Shino, W. (1997). Death and Rituals Among the Luo in South Nyanza. *African Study Monographs*, 18 (3, 4): 213-228.
- Tjibeba, H. R. (1997). '*A study of burial rituals, grieving and bereavement among the Nema of Namibia*'. A pastoral response MTh dissertation, University of Natal, Durban.
- Van der Geest, S. (2006). Between Death and Funeral: Mortuaries and the Exploitation of Liminality in Kwawu, Ghana. *Africa* 74, (4), 32-62.
- Wiredu, K. (1992). "*Death and the Afterlife in African Culture*" in *Person and Community: Ghanaian Philosophical Studies I*. ed. by Kwasi Wiredu, Kwame Gyekye. Accra: Council for Research in Values, 1992.



NKEKAHO A: DWUMADZI YI HO NSEMBISA

1. Eɓenadze na ɔdze owu ba nyimpa do?
2. Anaowu gu mu ahorow? D[n ntsi na eka d[m?
3. Eɓen kwan do na Akanfo fa do yɛ eyi?
4. Kwan ɓen do na Akanfo fa do yɛ ahenyi?
5. Amandze na atɔrmuadze ɓen na ɔkɔ do wɔ ahenyi mu?
6. Mber ahorow ɓen na wɔyɛ dem amandze na atɔrmuadze yi na ne siantsir nye den?
7. Nsunsuando b[n na ahenyi w] ma amanfo no?

8. Nsesa ben na aba ahenyi mu? Yenhwε nkan no, ndε na daakye.



NKEKAHO B: AHENYI ASE MFONYIN AHOROW MU BI















